


ДАЛЫН-ҚАЗЫҚ

С (Алт)
N-180

1984



КОНТРОЛЬНЫЙ ЛИСТОК
СРОКОВ ВОЗВРАТА

КНИГА ДОЛЖНА БЫТЬ
ВОЗВРАЩЕНА НЕ ПОЗДНЕЕ
УКАЗАННОГО ЗДЕСЬ СРОКА

Колич. пред. выдач _____

Белтюк - Кауф
1984.

№ 7. 10386 — 19.050.000.

18.11.03 | Курганск.
~3 | Пресмыча
.. | Книжный
... | магазин

АЛТЫН-КАЗЫК

Литературно-кеендик жуунты

~~429929~~

АЛТАЙДЫН БИЧИКТЕР ЧЫГАРАР ИЗДАТЕЛЬСТВОЗЫНЫН
ТУУЛУ АЛТАИДАГЫ БОЛУГИ

1984

429929

Горно-Алтайск и обьекты
бюллетене
им. МИ На-пина

П180 **Полярная звезда:** Литературно-художественный сборник. — Горно-Алтайск: Горно-Алтайское отделение Алтайского книжного издательства 1984. — 128 с.

Жуунты башка-башка болүктөрдөн турат. «Лаңы чүмдемелдерден» деген болүкке Б. Укачининг куучындары, Б. Кудирмековтың жартылай клубтарга көректүй бир болүктүй пъесасы киргиз. «Кöчүриштер» деген болүкке öскө тилдерден кöчүрилген произведениялер киргиз.

Жуунтыда аныда оқ көп очерктер ле статьялар жаралат.

ПОЛЯРНАЯ ЗВЕЗДА

ЛИТЕРАТУРНО-ХУДОЖЕСТВЕННЫЙ СБОРНИК

НА АЛТАЙСКОМ ЯЗЫКЕ

Художник З. В. ЯНСОН

Редактор Б. Ч. Телесов. Ответственный за выпуск З. Ш. Шинжина. Художественный редактор В. И. Ортонулова. Технический редактор М. Г. Шелепова. Корректор Л. А. Патогашева.

Сдано в набор 24. 09. 84. Подписано в печать 02. 11. 84. АИ 13269. Формат 70x84 1/16. Бум. тип № 3. Гарнитура школьная. Высокая печать. Усл. п. л. 8,72. Уч. изд. л. 8,03. Тираж 1000 экз. Заказ 3419. Цена 55 коп.

Горно-Алтайское отделение Алтайского книжного издательства, 659700, г. Горно-Алтайск, ул. Горно-Алтайская, 36. Горно-Алтайская типография, пр. Коммунистический, 27.

П 70500 — 030
M 138 (03) 84 76 — 84

© Горно-Алтайское отделение Алтайского книжного издательства, 1984

ИНТЕРНАЦИОНАЛИЗМГЕ ЛЕ ПАТРИОТИЗМГЕ ТАЗЫКТЫРАРЫНЫҢ СУРАКТАРЫ

Бистинг областтың партийный организациязы КПСС-тинг национальный политиказының ленинский эзжилерин жүрүмде бүдүрип, ишкүчиле жаткандарды, анчада ла жашоскүримди, патриотизмге ўредип тазыктырап ишти турумкай откүрип тур.

Партияның областной комитети Туулу Алтайда башка-башка национальносты улус жүртаганын ајаруга алып, партийный, советский активтинг ижин албатылар ортодо најылыкты тыңғыдарына, нациялар ортодо колбуларда озогы жүрүмнен арткан кылыш-жанды јоголторына ууландырып тур. Партийный пропаганда ла агитация ажыра албаты-калыкка бистинг социалистический жүрүмистинг улу jaан једимдери, бирлик амадулар учун тарташуда нациялар карындаштык ѡмөлөжөрининг учуры жарталат.

Ишкүчиле жаткандарды интернационализмге ле патриотизмге тазыктырар иште партийный организациялар ученыйларга, албаты-хозяйственносының специалисттерине, интеллигенцияга јомёнин тур. Бүгүн Туулу Алтайда албаты-хозяйственносын башка-башка бөлүктеринде бийик ле аңылу орто ўредёлу 15 мунгнан ажыра специалист, наукалардың 92 кандидаты иштеп тур. Олордың ўчинчи ўлүзи — алтайлар.

Областьтың партийный организациязы интернационализмге ле патриотизмге тазыктырарын јаңыс ла идеологический иштин аргаларыла эмес, је анайда ок экономический ле социальный өзүмнин задачаларын бүдүретен иш ажыра откүрер керек деп шүўп тур.

Мында коммунисттерди ле бастыра ишкүчиле жаткандарды нациялар ла олордың ортодо колбулар керегинде теорияга ўредери jaан учурлу. Нациялар ортодо колбулардың теориязын политический ле экономический ўредүнинг системазында ўренер керек.

Бүгүнги күнде Туулу Алтайда партияның национальный политиказын таркадар, интернационализмге ле патриотизмге тазыктырар иште албатының 53 университети, коммунистический иштин 487 школы, 155 пропагандист, 3700 лектор, 3000 политинформатор ло агитатор туруукат.

Бу ишти бийик кеминде откүрерге областьтың партийный органи-

зациязы пропагандисттердинг, өскө дö идеологический активтинг текши ўредүзин ле идейно-теоретический кемин бийиктедери јанынанг јаантайын кичеенип жат. Областьта бүгүн бар пропагандисттердинг 90 проценти бийик ўредүлүү улус, 60 процента албаты ўредүзининг ишчилери.

КПСС-тинг обкомында интернационализмнинг суректары аайынча пропагандисттерле семинар ёткүрер ле ишкүчиле јаткандардың алдына докладтар эдер аңылу докладчиктер јөптөлгөн. Олордың тоозында партийный ла советский органдардың, общественный организациялардың башкараачы ишчилери, ученыйлар, пединституттын преподавательдери.

Ишкүчиле јаткандарды совет патриотизмге ле социалистический интернационализмге ўредип тазыктырар ишти партийный организациялар экономический задачаларды бүдүргениле колбой, улус иштеп турган жерде ёткүрип турганы коммунизмге, интернационализмге тазыктырар энг артык школ болуп жат.

Туулу Алтайда, бастыра ороондо чылап ок, албаты-хозяйство токтоду јоктоң өзүп турганы бирлик албатыхозяйственный биригүнинг ўзүлбес бөлүги. Јылдан јылга Совет башкару там ла көп акча-жоёжони бистинг областтын албаты-хозяйствозы ла культуразы јаранарына чыгымдап жат. Областька јаан болушты союзный ла автономный республикалар, Российский Федерациинынг крайлары ла областтары берип турулар. Олор јүзүн-башка јазалдар, сырье, материалдар ла албаты элбеде тузаланаар товар бергилейт. Туулу Алтайдың предприятиелери станокторды ла јазалдарды Москвадан ла Ленинградтан, Украинадан ла Белоруссиядан, Орто Азиядан, Уралдан ла ыраак Күнчыгыштан, сырьене ла јарымфабрикаторды Карелиядан ла Узбекистаннан, Ивановодон, Красноярсктан ла Российский Федерациинынг өскө дö городторынан алып јадылар. Колхозтордың ла совхозтордың кыраларында Казахстанын, Белоруссиянын, Украинанын ла РСФСР-динг ишмекчилерининг колдорыла эдилген тракторлор ло өскө дö јуртхозяйственный техника иштейт.

Туулу Алтайдың албаты-хозяйствозына бийик ле аңылу орто ўредүлүү специалисттерди белетеп турганы СССР-динг өскө албатыларынынг биске болужын керелейт. Бүгүн бистинг областтын мунгнанг ажыра јиит уулдары ла кыстары Москванин, Ленинградтын, көп республикалардын ла областтардын институттарында ла университеттеринде ўренгилейт.

Областтынг партийный организациязы бойынын ижинде өскө республикалардын ла областтардын научный институттарыла, конструкторский ле проектный организацияларыла элбеде ёмлөжөрине јаан ајару эдет. Олорло јуук колбулу болгоны ѡлдор јазаарынын ла гражданский строительствонынг, городты ла јурттарды јаандырарынын көп суректарын бүдүрерге болужат. Темдектезе, областтын аймактарын колбоштырган ѡлдо — Чуйдын трагында көп күрлерди Грузиянын, Москванин архитекторлоры тургускан проекттер аайынча салган. Гор-

но-Алтайсқта драмтеатрды, быттың туразын, ёсқо дö кöп обществен-
ный тураларды Ленинградтың, Новосибирсктың, Барнаулдың, Бийсктиң
архитекторлоры, городтың водопроводын Кемеровоның ла Уфаның
архитекторлоры проектеп жазаган. Областька анайда элбеде болужып
турганы интернациональный колбулар элбеерине, албатылардың најы-
лыгы там тыңтырына јомөлтö эдеть.

Социалистический интернационализмнинг улу јаан једими болгон,
партияның ла башкаруның ленинский национальный политиказы јүрүмде
бүткенин керелеген албатылардың најылыгын областтың партийный
организациялары идеологический иштинг бастыра аргаларыла элбеде
пропагандировать эдиپ турулар.

Производство предприятиелердинг интернациональный колбуула-
ры совет јүрүм артык болгонын жартаар арга берет, ишкүчиле јаткан-
дардың социалистический көрүм-шүүлтезин тыңтыдарына, иште најылык
боловына, бой-бойна болужып, ѡмёлжёрине јомөлтö эдеть.

Ишкүчиле јаткандарды интернационализмге ле патриотизмге тазык-
тырар иште быжуап ченелген аргалардың бирүзи — социалистичес-
кий мöröй. Мöröйдö улус государствоның текши јилбилери ле задача-
лары учун кичеенип турганы көргүзилет, бой-бойна болужары, ѡмё-
лжёбери тыңыйт, озочыл ченемел алыжары элбейт.

Он биринчи бешылдыктың јакылталарын јенгүлү бүдүрери учун
бүгүн албаты-хозяйствоның бастыра бөлүктөринге 50 мунданг ажыра
ишчилер мöröйлөжöt. Промышленностью, транспорто, строительство-
до, жорт хозяйствство, бытовой жеткилдеште 163 коллектив ле иштинг
3700 озочылы бешылдыктың торт јылның јакылталарын Улу Октябрь-
дың 67-чи јылдыгына бүдүрер молју алдылар.

Ишти чыңгыйлу ла једимдү бүдүрери, иштинг арбынын бийиктеде-
ри, продукцияны эдерине чыгымдарды астадары учун тартыжары ал-
баты-калыктың иштеги эрчимин көргүзип, социалистический мöröйдинг
тöс учуры боло берди. «Чыңгыйдың бешылдыгына — ишмекчилердин
јомөлтöзи», «Коштой бир де кижи сонгобозын», «Кажы ла кишинин
бийик једиминен — коллективтинг бийик једимдү ижине» ле ёсқо дö
патриотический баштанткайларды Туул Алтайда, бистинг кös жетпес эл-
бек Төрөлистиң онча республикаларында ла областтарында чылап ок,
бастыра улус жарадып јомөгөни мöröйдинг патриотический ле интерна-
циональный учурын кереледи.

Карындаштык республикалардың, областтардың, предприятиелер-
дин ле башка-башка ишчилердинг ортодо мöröй интернационализмнинг
ле патриотизминг ээжилериле төзөлгөн. Ченемел алышканы карын-
даштык албатылардың јаңы једимдериле таныштарга болужат. Творчес-
кий мöröйлөшшөни, совет патристизмнинг ле социалистический интер-
национализмнинг ээжилери аайынча бой-бойна болушканы улусты јуук-
таштырып, олорды најылык ла нöкөрлик эдеть.

Бистинг область Хакасияла мöröйлөшшөли удаган. Горно-Алтайск

город країда Новоалтайск городло иште маргыжат. Областьтың колективтери, аймактар бойлорының ортодо мөрбіләжип турулар. Социалистический мөрбійдин договорлорын таңғынаң ишчилер база тургзып жадылар. Темдектезе, Туул Алтайдың ады жарлу койчызы Социалистический Иштинг Геройы Тоедов Желмек көп жылдардың түркунына Хакасияның жарлу койчызы Социалистический Иштинг Геройы Уязнов Антонло мөрбілөшкөн. Иштеги бу маргаан жакши једимдерлү болгон. А. Уязнов жылына кажы ла 100 эне койдон орто тооло 120—125 кураанан алып, бир койдон беш килограммга жетире түк кайчылаган. Тоедов Желмек 130-тант кураан алып, ўч килограммнан ажыра түк кайчылап турган.

Горно-Алтайскта бös соогоочы Евдокия Ворошина ла Хакасияның бös соогоочызы Нина Драничникова көп жылдардың түркунына улай мөрбілөжöt. Олордың једимдери база бийик. Экилези он биринчи беш жылдыктың пландалған жақылталарын бүдүреле, эмди келер он экинчи беш жылдыктың планына иштеп турулар.

Социалистический мөрбій коллективтердин, ишмекчилердин, инженерно-технический ишчилердин ортодо најылық ла нöкөрлик колбуларды тыңыдала, учында барып, интернационализмнинг, патриотизмнинг эзжилерин кажы ла кишининг кылыш-жынысын сагыш-шүүлтези зедет. Социалистический мөрбій анайда оқ национальный аңыланар күүндү боловын юголторго болужып жат. Шак ла мөрбій ажыра кандыл ла предприятиениң једими бистиг орооныстың көп коллективтерининг ижинде көнү колбулу болгонын кажы ла ишчи билет. Ишкүчиле жаткандастың össö областтардагы андый оқ иштү коллективтериле колбулары башка башка болуп жат. Анда письмо алыжары, делегациялар айылдаражары, мөрбілөжötөни керегинде договор тургузатаны ла össö дö колбулар бар.

Коллективте иштеген улусты интернационализмге ўредип тазыктырына социализмнинг össö ороондорының коллективтериле көнү колбулу болгонына база јомөлтö эдип жат. Бүгүн Туул Алтайдың жирмендеп ажыра колхозтор, совхозтор, предприятиелер, учреждениелер, организациилар, бригадалар, звенолор Монголияның Албаты Республиказының Баян-Улзегай аймагының андый оқ иштү коллективтериле көнү колбуларлу. Карындаштық албатының делегациязыла кажы ла туштажу жыныс жүрүмди төзөп бүдүреринде ченемел алыжарына тузаланылат.

Областьның ла аймактардың газеттери МНР-дин газеттерининг ле радиозының редакцияларыла улай ла материалдар алыжып жадылар. Монголияла коштой турган Кош-Агаш аймакта совет-монгол јашоскүримнинг фестивальдары öдöt, интернационализмге тазыктырап суректар аайынча монгол најыларла кожо идеологический ишчилердин семинарлары, карындаштық албатылардың чыгартулу улусының, монгол-совет најылдыктың обществозының активисттерининг туштажулары öдүп жат.

Эстраданың коллективтери концерттер көргүзеге јорыкташылайт. Темдектезе, Кош-Агаш аймактың колхозторының «Чуй» ансамбли Эрденетте, Улэгейде, МНР-динг össö дö городторында ла сомондорында болгон.

Бистинг областыта патриотизмге ле интернационализмге тазыктырар иштинг системазының тös болжектерин айдалы. Партийный, советский, общественный организациялар патриотизмге ле интернационализмге тазыктырар иш школдо башталала, техникумдарда, училищелерде, институттарда онон ары көндүгип, производственный коллективтерде тамтыңызын деп кичеенип јадылар.

Текши ўредүлү шкодордо ло профтехучилищелерде јалтанбастың урокторы, военно-патриотический колбулар ла биригүлер, «Кызыл бедреечилердин» отрядтары бар. Олордо патриотизмге ле интернационализмге тазыктырар ууламјылу иш ўрененип öдүп турган материалдарла колбулу бололо, ўренеечилердин Төрөлининг историязы, оның öдүп келген ат-нерелү ѡолы керегинде билерин элбедип жат.

Үредүчилер, комсомолдордың ла пионерлердинг организациялары ўренчиктер бойының тöröл јерининг озогы јўрүмин ле öткөн ѡолын билерге күүнзегенине бастыра аргаларла јомёлтö эдип јадылар. «Кызыл бедреечилердин» отрядтары Ада-Тöröл учун Улу јууда совет албаты јенгенининг 40-чи јылдыгын, В. И. Лениннинг чыккан күнинен ала 115-чи јылдыгын јозокту уткыырга белетенип, партияның, гражданский ле Ада-Тöröл учун јуулардың ветерандарыла, баштапкы бешыйлдыктардың мергендүчилерile, бистинг областыта колхозтор төзөөринде турушкандарла кöп колбулар эдип алдылар.

Пединститутта ла техникумдарда, шкодордо военно-патриотический тематика аайынча творческий иштердинг көрүлерин, революционный, јуучыл ла иштеги мактың јерлериле походтор öткүрери, јуучыл ла иштинг магының музейлерин, ленинский комнаталар ла толыктар јаңжыкты.

Студенттердинг строительный отрядтарының ижи ишкүчиле јаткандарды интернационализмге тазыктырарына база јомёлтö эдип жат. Туулу Алтайда јаңжыкканы аайынча Молдавиядан ла Узбекистаннан јылдын ла кöп студенттер келип иштейт. Молдавиядан ла Узбекистаннан келген студенттер Алтай јеринде туткан туралар, больницалар, клубтар, шкодор бистинг ороонның албатыларының качан да бузулбас наýлыгын керелегилейт.

Областың партийный, советский ле общественный организациялары студенттердинг строительный отрядтарының, ўренчиктердинг производственный бригадаларының, иштенер ле амыранар лагерьлерининг сүреен элбек аргаларын јашоßкүримди совет патриотизмге ле интернационализмге тазыктырарына, олорды јўрүмнинг чике ѡолына тургузарагына, төзёмöl лö јартамал иш öткүрерине, якшы кылых-јаңду эдип ўредерине тазыктырарга кичеенип јадылар.

Социализм национально-социальный учурлу суректарды јүрүмде бүдүрерине керектү бастыра аргаларды јеткилдеди. Је оныла коштой мында, анчада ла национальный колбуларда, бойыныг тутактары база учурал жат. Оны партияның XXVI съезди темдектеген. Национализмнинг социальный тазылдары бистинг ороондо јоголтылганы удаган да болзо, је оның арткан-калганы эмди де бар. Бу участокто ишти ёткүрбей барза, коомой керектөр бородонг маат јок. Национализм жаар жайылган кая-жая јастыра кылыштарла, шүүлтөрлерле күүн-кайрал јоктоң тартышпай барза эмезе олорды көрбөйчи ле укпаачы болуп јөлснин отурза, бойының албатызының ёткөн ойинде болгон классовый јөлсниншпестерди жажырарга ченешкени бистинг эмдиги совет јүрүмде жарабас керектерге апарардан айабас.

«Мен интернационалист деп чертенип, сөзин берип турган кижи — ол интернационалист эмес. Интернационалист кижи интернационалист болуп тартыжар учурлу» — деп, Владимир Ильич айдып туратан. (Соч. толо јунтызы, 30 т., 278 с.)

Башчының анайда айтканыла партийный, советский, общественный организациялар областтың албаты-калыгының ортодо интернационализмге ле патриотизмге тазыктырап иш ёткүрерде башкарына.

Интернационализмнинг ўредүзин таркадарында, совет кишининг дұховый бүдүмин онгидип ѡскүреринде литература ла искусство жаан учурлу болған до, болуп та жат. Литература ла искусство совет улусты најылық ла нөкөрлик боловына тазыктырып, коммунизмди төзәп бүдүретен текши амадуга једип аларга олордың эрчинин бириктірет. Наука, литература ла искусство албатыларды јуукташтырып жат.

Областьта Белоруссияның, Украинаның ла ѡскö дö союзный республикалардың культуразының күндері жаан једимдү ёткөн. Монголияның гранының јанында Чүйдеги чөлинде Украинаның артисттери зөлөсүйіндү Бойколорло кожо алтай ла казах кыстар кожондогон, Украинаның албатызының атту-чуулу «Верховина» ансамбли ле Кош-Агаш аймактың колхозторының «Чуй» ансамблининг самодеятельный артисттери концерт-оыйн көргүсken.

Алтай литератураның күндері, энгирлери ле недебелери бистинг Төрөлистиң төс городында — Москвада, анайда оқ Украинада, Якутияда, Башкирияда, Хакасияда, Новосибирске ле ѡскö дö городтордо ёткөн. Туул Алтайдың творческий интеллигенциязы Азияның ла Африканың ороондорының писательдерининг Алма-Атада, Ташкентте ёткөн конференцияларында, Сибирьдеги ле Ыраак Түндүктинг јиit бичиичилерининг јуунында, бастыра республиканский ле зональный семинарда турштылар.

Калганчы јылдарда ишкүчиле жаткандардың идеино-эстетический таскадузында профессиональный театрдың учуры жаанады. Бистинг областтың национальный театрының репертуарында алтай пьесаларла коштой карындаштык ѡскö областтардың драматургтарының произ-

ведениелери көп. Театрдың сценазында орус автор Борис Горбатовтың «Адалардың жиит тужы» деп пьесасы, украин бичиичи Василь Быковтың «Сотников», кыргыз бичиичи Чингиз Айтматовтың «Эненинг жаланы», башкир бичиичи Мустай Каримнин «Ай карыккан түнде», хакас драматург Михаил Кильчичиковтың «Айулу кобы», алтай бичиичи Лазарь Кошеветинг «Туманду Аркыт» ла ѡскө дö пьесалар тургузылды.

Областьтың партийный организациязы творческий союздардың ла культуралының учреждениелерининг эрчимин литератураның ла искусстvosының произведениелерининг идеино-художественный кемин бийиктедерине, олорго партийный ууламјы берерине, албаты-калыктың јилбелиле колбулу здерине ајару эдип, кажы ла бичиичи, јурукчы ла артист ишкүчиле жаткандарды патриотизмге ле интернационализмге тазыктыраш иште туружарын кичеейт.

Бастыра нациялардың ла ук албатылардың улузы Ада-Төрөл лў телекейлик культуралының эн талдама једимдериле орус тил ажыра таныжып јадылар. Шак ол орус тил ажыра алтай улус калганчы öйдö Пабло Неруданың, Антуан де Сент-Экзюперерининг, Ганс Христиан Андерсеннинг, Назым Хикметтинг, Агостино Неттоның, Леопольд Седар Сенгордың, Исикава Такубокуның ла гран арыжанындагы ѡскө дö бичиичилердин произведениелериле таныштылар.

Партийный организациялар, албатының депутаттарының Советтери ишкүчиле жаткандарга, анчада ла јашо скýримге КПСС-тинг национальный политиказын жартаар ишке ученыйларды, специалисттерди, албатының интеллигенциязын тартып аларда олордың ајарузын көпнациональностьорлу Төрөли учун оморкодорына, совет нацияларды јуукташтырашына ууландырып јадылар.

Партийный организациялар интернационализмге ле патриотизмге тазыктыраш иш ёткүрерде совет патриотизм, социалистический интернационализм, бистинг ороонның албатыларының наýылыгы совет обществоның улу жаан једими болгонын јакши билип јадылар. Бу байлык-жоёжёни бастыра аргаларла тыңыдары ла корырыры, кажы ла ишчини чындык патриот, интернационалист эдип тазыктырашы — областтың партийный, советский ле общественный ишчилерининг кыйа баспай бүдүретен ижи ле задачазы.

Н. С. МОДОРОВ,
исторический наукалардың кандидады

ЈАНЫ ЧҮМДЕМЕЛДЕРДЕН

Борис Укачин

ТАГМАЛАР ЛА ИМДЕР

(Кыскачак куучындар)

Борис Укачин литературада јүзүн-башка жаңрларла иштеп жат. Қалғанчы ойлордö ол «Тагмалар ла имдер» деген текши бажалыктын алдына бир ўур кыскачак куучындар бичип туру. Оның бу куучындарында, аттың ялмажына баскан алтай тагмалар чылап эмезе койдынг кулагына темдектелген имдер чилеп, бичишинин көзине ле јүргети-не илингем јүзүн-башка учурадлар керегинде айдылат. Мынаң кычыраачылар катымчылу да, кунукчылду да учуралдар табар. Бичиши бойының бу жаңы ўүринде колхозчылардын, ишмекчилердин, литература ла кеендиктиң јўрүминде ле ағынында болгон ло болуп турган жилбилў учуралларга аяру эдеть.

Автордың шүўлтезисле болзо, келер ойлордö ол шак мындый кыскачак куучындардан турган јуунты-бичик кепке базып чыгарар амаду бар. Бу јуунтыда бис оның бир канча кыскачак куучындарын жарлаап турубыс.

СЫС

Мен ол јылдарда сырангай ла автостанцияның жаңында турган бешкат турада сок жаңыс кылпту квартирада јадып турган болом.

Алтай улустың көп сабазы городко келгенде, кармандарында канча да кирелў калың акчалу болзо, ё айылчылык турага барып, ого түжүп, ого конорын ла јадарын тың керексинбес. Оның учун көп тоолу төрөгөндөринг ле көрүш-таныштарынан болгой, сени чек билбес те улус айлынга конорго келгилеер. А кийдирбеске болбос. Бистинг улуста ондый жаң јок. Оның ўстине сенинг јаткан јеринг сырангай ла автостанцияның жаңында болзын, — күн куру јок, — кажы ла күн айлында улус. Айылчызы јок күндер каа-јаа ла болуп жат. Жартын айдар болзо, улустың келижи ле конужы торт ло јүректи алган. Меге, эртен тұра тогус сагаттан ала әндириң алты сағадына жетире аңылу организацияда иштенип турган кижиғе, бойымның бор-ботко ижимди бичиитен ой — жаңыс ла түн. А айлынга улус келзе, жаңыс кып турадаң качып кайдаар баражын... Бичинетен әндириң ойниннинг әлгөни ле ол. Улус келзе, канайып отурат. Олорло куучындашар, чайлаар, отурап керек. Онон башка, «Чүмеркеди, тыңзынды, городской кижи болды» — дежип тарынғылап, јаткан јерлерине жарлагылап баар.

— Энгирде эжиктинг күзүнгизи «шыңырт» ла этсе, менинг јүргегим эртеде ле кеко јимиерт эдер. Келип турган улус ончолоры ла түнгей эмес ине: эзириги де келер, оорыгандары да келер. А кыбым јаныс. Уулдарым јаш...

Мен та нени де бичип, сырангай ла кидим иштенип турган ой болгон. Кенетийин эжиктинг күзүнгизи эки-үч катап «шыңырт» эдиг калды. Барып ачып ийзем, бозогоның ары јанында кандый да таныш эмес орус ўй кижи турды. Оның арып-јобоп калганы бастыра сүр-кебери керелейт: чангыр көстөринде чочыдулу кунукчал, чырышту чырайты терлеп калган. А сыртында дезе јорыкта алып јүретен јаан эмес јўктўк таар.

— Слердинг айлыгарга конорго суранып келдим — деп, кёндүре ле айтты. — Автобустаң сонгоп калгам.

— Бисте јер јок — дедим. — Балдар... Јаныс кып...

— А мен Ленинградтан — деп, таныш эмес ўй кижи та ненинг де учун јартады. — Је канайдар, јер јок болзо — дейле, ол кайра бурылды. Мен эжикти јаап ийдим.

Эжикти јаап ийеле, бичинип турган столыма ойто келип, байа јакшы ла барып јаткан ижимди эмди чек ле болуп албай баадым. Та кандый да эп јок. Не де јүргемди сыстадып, чаптык эдиг турды.

«...А мен Ленинградтан» — деп, таныш эмес ўй кижининг кунукчалду ла јобош ўни кулагыма кенете томылып келди. Оноң көстөри... Арыган-чылаган кижининг уйкузырап калган чангыр көстөри... Оноң чырайы... Чырышту чырайы...

«Акыр, акыр — деп, мен кенете торт ло изип чыктым. Ол кижи ненинг учун «Мен Ленинградтан» деп айткан?.. Байла оның бу кыскач эрмегинде чыгара айдылбаган кандый да неме бар?...»

Менинг иштенип болбой, та неге де шыралап, тезиникпей барганымды ўйим сезип, араайынаң јаныма базып келди:

— Не болгон?..

— «Мен Ленинградтан» — деп, байагы ўй кижининг айткан сөзин шымыранып, капшай ла тон-бдүгимди кийип, эжиктен чыга көндым. — «Мен Ленинградтан...» Бу Ленинградтын түбек-торолу курчуузын, оның тогус јүс түштерин ле түндерин откөн ўй кижи эмтири! — деп, јадып турган турамның бу ла јанындағы автовокзал жаар јүгүрип барадала, санандым. — «Мен Ленинградтан», «Мен Ленинградтан» — тынышым буулып, бу эки сөсти шымыранганча, автовокзалга келдим. Је байагы ўй кижини улус ортодонг бедреп, чек ле таппай, коркышту јаман јеткер ле буру эткен кижи чилеп, арга јокто айлыма сүрекей уур күүндү бурылдым...

Кенете менинг сагыжыма баштап ла Ленинградта болгоным кирип келди. Улу ла таныш эмес город. Кыймырашкан улус. Эмеш-эмеш јанмырлу ла туманду күн. Кайдаар ла барайын дезен, бойың билбезинг. Ончозын сураар керек: кандый автобуска отураг, кандый јол-ууламы-

ла баар. Эки көзин бар да болзо, эш-неме ајарбас сокорло түнгей јүрүп јадын.

Эрмитажтың бу ла јанына једип келеле, оны не аайлу бедреген эдим. Оноң кандый да бир ўй кижиден сурагам:

— Эрмитаж кайда, ёрёкён, айдып берзегер?..

Оның көстөри база чап-чангыр ла кандый да арыганду болгон эди. Эриндерин эбира ондый ок арыганду ла кунукчалду чырыштар арадай тудуп койгон. Эмеген менинг сурагымды угуп ийеле, тургуда ла токтой түжүп, кандый да јиит кебеделдү боло берген. Уни јалакай ла јымжак, бойы соныркак:

— Эрмитаж бу... бу јанаарда туру. Слер кажы јердин?.. А-а, Алтайдың ба? Туул Алтайдың ар-бүткени сүрекей јарашиб дежет, је мен анда болбогом. — Оноң менинг ээчилип алыш, Эрмитажтың сырантай ла эжиги-не јетирип салды. — Бат бу, слердин көрөргө амадаган Эрмитаж — карый берген эмегеннинг арыганду чангыр көстөрине та ненинг де учун сүүнчининг чедиргендери чагыла берди. — Эрмитаж — Ленинградта јуртагандардың эң бийик оморкожы! Оны көрөргө амадаганыгарга сүүнип јадым, јиит кижи!..

— Мында Алтайдың јебрен историязын ла оның культуразын көрүскен залдар бар... Базырыктың корымдарынан каскан јўзүн-башка јўёж-экспонаттар көпти айдып јат.

— Базырык керегинде уккам — деп, карый берген ўй кижи айдат. Оның оозын айландыра чийилген көп тоолу чичкечек чырыштар кенете тынданғылап, омок ло сүүнчилү јўгуржишет. — Төрлөөрди ле оның историязын, культуразын сүўп ле билип турганыгар мактулу эмтири!

— Базырыктың корымдарын казып, јебрен Алтайдың культуразын телекейлик эл-јонго слердин јерлекеер Руденко көргүскен — деп, мен там көбрөп чыкканымды бойым да билбей калгам.

— О-о, академик Сергей Иванович Руденконы мен билерим, керек дезе көрүп те јүргем — деп, орус ўй кижинынг чангыр көстөрининг түбинде јаткан арыганду көлötкөлөр јоголып, мениле јаан ѡилбиркеп, је бу ок сидо та ненинг де учун килегендү көргөн эди. — Је кирелик, мен слерле кожно слердин сүүген ле јебрен Алтайды көрүжейин...

Мынайып бис Эрмитажтың тоозы јок залдарыла кожно базып, Туул Алтайдың озогы историязын ла культуразын көргүскен залга келген эдебис. Меге таныш эмес орус эмеген Базырыктың корымынан чыгарган јаан кебистинг јанына келип, «Алтай ажыра көп тоолу калыктардың јолдоры ёткөни чын болгонын бу кайкамчылу кебис керелеп јат — деп, јукачак ла сböклиленг эзгиле кекип ийген. — Бу кебистинг кеен кулja-јуруктары кыйыжы јогынан јебрен Персияның культуразыла колбулу дегени, байла, чын болор...»

Эрмитажтан арып-чылап калган чыгып келеристе, орус эмеген мен јаар јалакай аярып, эпжоксынган айасту күлümзиренип ийген:

— Эмди слерге менинг бир сурагым бар.

— Сурагар, сурагар — деп, мен оның кандай бир јакылтазын бүдүрерге беленимди керелеп, керек дезе тен сүүне де берген. «Айса, Туул Алтайдан кандай бир эмölөнг, тазыл јакыдарга турган болор» деп бодогом.

— Мен карган артист болорым — деген. — Айлым бу ла јуугында. Барып чай ичели. — Мен мойножорымда, эмеген сырангай жаратпаган. — Слердинг күүнеерди мен бүдүргем, а слер мени, жаан жашту кижини, Ленинградтын жеткерлү курчузын откөн карган ўй кижини, тообой турган болдоор бо?

Мынайып мен Мариэтта Николаевна деп карган артисттинг айлында болуп, оның салган аш-курсагын амзап, Алтай ла оның эл-жонынын јүзүн-башка жаңжыгулары, жалакайы, иштенгейи керегинде куучындал, бу ок сүйдө бойым Ленинград керегинде көпти угуп ла билип алгам.

— Бүгүн Кировтын адыла адалган оперный театрда сүрекей јакшы балет болуп жат — деп, Мариэтта Николаевна кенете эске алынып, чангкыр ла жаан көстөриле меге удура көргөн. А оозын эбира јуулган көп тоолу чырыштар ойто ло тынданып, ойто ло јүгүрижип ле јылыхып баштаган. — Петр Ильич Чайковскийдин «Уйуктап жаткан жаражай» деп баледине билет алатаны женил эмес...

Мариэтта Николаевна кайдаар да телефон согуп, эки билет арттырызып, мени театрга апарғанын, оның сүрекей киленгекей ле жалакай болгонын мен канайып, калак, ундыым не?.. Бу бүгүн менинг айлымга конорго суралган орус ўй кижи, анчада ла оның арыганду чангкыр көстөри, шак ла ол Ленинградтын жеткер-түбектү курчузын откөн карган артист Мариэтта Николаевнага сүрекей түңгей болгонын канайып орой ондотом?!.

Ленинградтан Алтай тууларга айылдан келген орус ўй кижини мен айлымга кондырбагам. Онон бери тоозы јок көп јылдар одүп калды. Же менинг көксимди ле јүрегимди јылдар откүре кандай да ачу сыс ла уйат эмдиге жетире ёйкөл жат. Эмди эжигимнинг күзүнгизи «шынгырт» ла эткенде, шак ла ол конорго келген таныш эмес ўй кижининг таныш ўни кайдан да ыраактап угулып, көксимде ойто ло ойгонып келет:

«Мен Ленинградтан...

Мыныла коштой Ленинградтын оромында учураган жалакай ла карган артист Мариэтта Николаевнанын чангкыр көстөри ле эки эрдин эбиреде јүгүришкен көп тоолу чырыштар көзимнинг алдына кече ле болгон немедий, иле-јарт тура түжет.

ЭКИНЧИ ОПЕРАЦИЯ

Бистинг областынын больницизынын хирургия болүгине кенете аппендициди кыймыктаган кижи экелгендер. Бу түнде Сергей Маркитанович Маркитановко дежурить эдерге келижип калган.

Сергей Маркитановичке мындый операциялар эдерге мынчага жетире жаңыс катап келишкен эмес. Ол жаан менгдебей, түн ортозында көнеге экелген оору кижининг жаңына базып келди. А оору кижи дезе ичин эки колыла жаба тудунып, ары-бери тоолонып, онтоң жатты. Оның сагалы бүзүл калган жаан жүзинде тер суркуражып, эки жаагын төмөн жолдолып агат. Бажының атрайышкан кыска чачы база терлү ле чыкту...

Сергей Маркитанович операция эдерге белетенип, оору кижини шингедеп, көрүп тургажын, оның ичининг он жаңында эски операцияның сорбызы ченемелдү көстөрине тургуза ла илине берди.

— Азыда кандый операция болгон? — деп, хирург соныркады.

— Кижиге бычактаткам...

— Качан, кайда?

— Удал калган.

Сергей Маркитанович оору кижининг чырайына база катап ајарган бойынча, жүргөти кенете селт эдип калды:

— Бычактатканар?! Кайда?

— Кебезенде...

— Кебезенде?! — Сергей Маркитановичтинг чойбök лö ару ак чырайы кандый да бир элеске тоңго берди ошкош. Же ол бойының бу айалгазын коштойында турган сестрадаң жажырып, бу ок ўйдö онон сурады: — Бу кижининг ёбёкози кем?

— Кеденов, — онызы нени де болгобой, јобош ло тöп ўниле хирургка каруу жандырды, — Кеденов Марат Иванович — деп, сестра оног ары чокымдады.

Оскö хирург јок. Бу кижиге эмди Сергей Маркитановичтен башка кем де операция эдип, болужын јетирип болбос. Ол алдында жаткан кижининг кырбаган сагалду жүзине база катап кылчас эдип көрүп ийеле, эки колының тыны чыгып, сан төмөн салактап түже бергендей билдириди. Эди-каны сооп, оног ойто изип, мылышт эдип калды ошкош. Оног ары санаазына калың күртке көмүлгөн кичинегеш ле ыраак Кебезен јурт, соок кыш, көп улус јуулган ла жадып турган узун барак эбелип келди... Же эмди канайдар да арга јок. Мындый айалгада кандый да кату хирург кайра базып болбос. Ондый жаң ого берилбеген. Кандый да болзо, операцияны тургуза ла эдер керек.

Бир канча күндер ёткөн кийнинде, Марат Иванович Кеденов тапту ондолып, бутка туруп, база берген. Айдарда, Сергей Маркитановичтинг ол түндеги операциязы жакши кеминде ёткөни жарт. Же эмди хирургты ѡскö сурак ла сыс кинчектеп баштады: Кеденовты бойына алдырып, ағын-чегин куучындажар ба, айса анайда ла арттырып койор бо?.. Жазылып калган кийнинде эмди не? Эски юйди ле эски шырканы катап незин ойгозор?.. Оның ўстине Сергей Маркитанович эмди больницацада эн талдама деген хирургтардың бирүзи. А Кеденов кем? Ол озогы ла бойы тегин ишмекчи, ол ок Кебезеннен ырап барбаган. Јок, јок, оны алдыра-ла куучындажып көрзö кайттай не?..

Бу мындың ла мынаң да ёсқо аланзышту санаалар Сергей Маркитановичтинг јүргининг ёзбигиненг чек ле чыкпас болды. Оның көзининг алдына ойто ло карлу ла соок кыш, Кебезен јурт сурагы јогынан јуралип келет.

Хирург Сергей Маркитановты кинчектеп турган сұрап түкү беженинчи јылдардың бажында болгон эди. Ол јылдарда Туулу Алтайдың ончо колхозторына государство ағаш кезер план салып туратан. Государствого ағаш кезетен јер шак ла ол Кебезенде. Оның учун јууның кийиндеги јылдарда ол Кебезен деп јер ончо улустың оозынан түшпейтен. Ненинг учун дезе, күс түгенип, кыш жаңыла башталып турган киреде, Туулу Алтайдың ончо колхозторы ағаш кезетен бригада төзөп, оноор, Кебезен жаар, кыйыжы јогынан аткарап учурлу. Ого барган кийинде жаска јетирие анда иштеер, колхозтың государство-го белетейтен агажының планын тутагы јогынан бүдүреле, жаңыс жақсыда кайра жаңар керек. База бир неме: колхозтор Кебезен жаар эң зепчил ле чыйрак деген улузын, эң бўёк, чыдамкай ла семис деген аттарын талдан ийетен.

Сергей Маркитанов ол тушта јўк ле он јети жашту, је кату јылдарда кандый ла ишке темигип калган, не-немеденг айабас, ачка-јутка алдырышпас дейтен уулдардың бирўзи болгон. Шак ла мындыйы учун ого бойының колхозының улузыла кожо Кебезен керип атанатан ѡол келишкен. Кижининг чыйрагы ого кезикте кинчек ле тўбек те эдип јат. Сергей Маркитанов ағаш кезип барбаган болзо, тўрменинг карангуй ла катулу эжиги оның алдына кайра ачылбас та эди. Јўрўмнинг ѡолдоры јўс айры дегени кыйыжы јогынан чын.

Кеденов Марат ол тушта, байла, јирме-јирме бир жашту болор. Жакы Маркитановтон жаан болгоны жарт. Ондый эттен јўстў, жаан башту уул болон. Бойын ончо уулсташ бўёк деп, чыйралкап ла тыңзынып јўретен эди. Аракы да ичер, бойынан боду уулстың курсагын да блаап јири. Маркитанов, ого кўрё, чек уулчак болон эмей. Андый катыма сўёқ-тайакту, ак чырайлу, узун сынду уул болон.

Кеденов та кайданг да аракы ичиш алала, Маркитановты јабыс кўрўп, оның жаан эмес баштыгындагы талканын блаап аларга ченешкен. Онон ары болгон бастыра тўбектиң шылтагы шак ла ол талканинг башталган. Эмдиги ёй болзо, бир ууш талканинг улам ондый јеткер болор беди?.. Ё жартын айтса, эмди де ондый учуралдар юниттердинг ортозында болуп турбай база. Кезикте бир бутылка эмес, а бир чўёчой аракы да учун ёлўшилеп турган учуралдар бар. А ол тушта...

Ол тушта он јети жашту Маркитанов јарым баштык талканы учун Кеденовко жай бербеске сананган. Эзирик Кеденов бойының кўчин кўргўзип, Маркитановтың јаагына јарс этире тажып ийеле, онон баштыгын ала койып, јаряңдада каткырып, эттен јардын ары-бери јайкап, базып отура尔да, Маркитанов оның јиткези орто јудруктаган. Максынган Кеденов мыны сакыбаган. Ол кайа бурылган бойынча жаңыла блаап алган

талканду баштықла жиит уулдың јүзине соккон. Баракта јуулган улус эки жиитти айрыырдың ордына, јиркіреде каткырышканы Маркитановтың кулагына эмди, канча јылдардың бажында, ойто ло угұлып келген. Олор Кеденовко жарамзып эмезе оның күчин жарадып, Маркитановты очоп каткырышкан деп билдирген. Шак бу айалга оның јүзине түкүрип, јүргеге ийнеле кадап ийгендий болгон. Ол тыңзынып ла каткырып турған Кеденовты кичинек ле чичке мистү тоңырагын ала соккон бойынча, ичининг онт келтегейине туда берип ийген эди.

Калың карга бастырган Кебезен деп жүрт канча јылдардың бажында оның көзине ойто ло көрүнет. Ол ло күн он жети жашту Сергей Маркитановты милиция аймактың төс жерине алып барған. Онон жарғы, онон түрме. Же жиит ле иштенгей уул эки јарым јылдың бажында амнистияга учурап, түрмеден жайымдалған. Онон ойто ло төрөл жеринде. Ойто ло колхозтың арық аттарыла қыра сүрүш, јылкы мал кабырыш. Јурттың улузының јүргеги жалакай ла јымжак. Јакшы иштү кижини качан да јаба баспас. Оны мединститутка аткаарына ла керек дезе јекил кирерине бир канча улустың болушканын Сергей Маркитанович эмдиге ундыбаган. Аңчада ла ол öйлөрдö Верховный Советting депутаты, колхозының председателининг болушканы оны чек ле öскö јолго тургузып, öскö кижи эдип салған ине...

Эмди Кеденов јаңыс ла Марат эмес, а Марат Иванович Кеденов. Агашхозтың ишмекчизи. Сакыбаган јаңынан, байла, салымның јакылтазы — оныла екинчи түштажу. Јок, хирург Сергей Маркитанович Маркитанов оны бойына алдырбас. Ого операция эткен хирург азыйда кем болгонын танып ийген болзо, бойы озо келзин...

Сергей Маркитанович оозының қырыла күлümзиренип ийди:

«Менинг баштапкы бычагымның изи ле сорбызы блүмнинг јолыла колбулу болзо, екинчи бычагымның, юк, хирургтың колындағы скальпель оның јүрүмнин жолын узаткай. — Бу санаазыла колбой, Сергей Маркитанович Маркитанов улу тынып, ординаторскийде сок јаңыскан отурада, бойына бойы айтты: — Бат ондый, мен оныла онотийин куучын баштабазым. Екинчи операциям мени актап жат... Марат Иванович Кеденовло бу менинг екинчи ле калганчы түштажуум болуп арткай. Екинчи операция... екинчи операция...»

1. ЧАҚЫЛДАЙ ӨБӨГӨН

Чакылдай өбөгөн бистинг Кайру јуртта сүрекей чечеркек тилдү кижи. Ол кокырлаарын сүүр. Оның учун кандай ла айалганы ла учуралдарды билгир тузаланып, бойының шүүлтезин эптү айландырып ийер.

Эрте жас. Көк ышарга жеткелек. Іер жетире эрибеген. Чакылдай өбөгөн јылдың ла бу киреде сыралгай тезинигип отурбас. Оның учун бойына бойы каткырып ла очоп айдар:

— Тулаан ай јантырды, балдар. А тулаан ай — ол кандый ай, спер билереер бе?.. Мен эмес, а озогы ойгорлор айдыхатан: «Тулаан айда тулунду ўй кижи ўйге амыр отурбас, тырмакту тынду ичегенине тезинигип жатпас. Бу не дегени?.. Жаскыда кой-мал төрөп жат па? — деп сурайла, бойының оқ сурагына карууны бойы јандырап ла жартаар. — Мал-аш туткан ла сааган, бала-барка азыраган ўй кижи бу киреде канайып, кудай-май, јайым ла тегин отурат. Эрте туарар керек. Казан азар. Уйларын саар. Кой-курагандарын азырап, олорды кажаган-чууланнан чыгарып, одорлу јерге айдаары кайда. Бат оның учун айыл ээзи ўй кижиде онду олыт јок. Бир ле көрёйин дезент, ма, коо бүрүл түжүп, кызыл күн кыйып калган туарар... Мен, бу ла бойым, Чакылдай, энэададан эр де киндиктү болуп јайлган болзом, је кезикте ўй кижиге түнгей боло бередим. Тулаан ай јантырза ла, мен ўйге отурып болбой, јантыс јеерен адымды ээртеп, арка-туу кууп, Алтайдын сыйнына чыгар күүним келер. А бир сананзам, бу ла мен, Чакылдай, шак ла ол јердин жети сокорына түнгей кижи...

— Јердин жети сокоры деп айдараарда, ол кандый андый «сокорлор?» — деп, Чакылдай ёбёгённөн јииттердин бир-бирүзи сурал ла ийген туарар.

— Јердин жети сокоры?.. Көк јарамас, билбес болzon, билип ал, мен тоолоп берейин! — деп, Чакылдай тургуза ла јöпсинер. Онон чырчыйыжып калган сабарларын бирден ээй тудуп, тоолоп баштаар: — узун кыжыла јер алдында ичееп јадатан айу ёрökön — бир болды ба, карындажы калjan борсык — эки болды ба, јылып јүрер јылан деп шүткер — ўч болды ба, талганча уйуктап алала, тараалып чыгар тарбаган деп тангман кайда? — тörтинчили болды ба, ѡскён ашты кыркып јиир ёркө деген кулугур — бежинчили болды ба, јер алдында јеезелү, барчыт баатыр тырмакту боро момонды канайып ундыйттан — алтынчызы болды ба, килинг кара тон кийген кара момоның кайда баады — јетинчи сокорынг тынданды ба...

— Је момон — ол момон — деп, кем-кем јöпсинбей де барза табы. — Олордын угы јантыс, Чакылдай ёрökön. Айдарда, борозын да, каразын да бир эдип чотозобыс, јер алдында жети сокор эмес, а јük ле алты болуп жат...

— Алты дедин бе? — деп, Чакылдай байагы јиитти јаны ла көрүп ийгөн чилеп, оның jaan эмес, је омок кёстөрине сүмелү оттор тургуза ла чагыла берер. — Мен ту-у байадан билип отурбай! Слердин бир-бирүгер ойгордон быжу ла от блаажар деп! Јок туро, ойгор одын тенектерге тегин бербейтен эмей!.. Јер алды jaap ёрёги турган кудай бойы каргап-кагып түжүрген — кудай уулы јеек-шулмус Эрлик-бийинг кайда баат?!.. Бу ла турган тулаан айда, мал-аш тойынгалак арык тушта, тымутургун тынданатан ёйдö, Эрлик-бий энчизин аларга кыймыктанып чыкпай кажы баратан эди...

— Је Эрлик — ол јер алдында ичееп јадатан аң эмес ине — деп,

јўпсингбей барзагар, Чакылдай ёбёгөннинг тамагы шыйкынап, козининг жаңы акканча ла каткырып отурап. Оноң табынча каткызын токтодып, эмеш тоқынап алала, кенете ле улусты каткыртып ийер. — Је Эрлик-бийди јетинчи сокордын тоозына кошпоско турган болзогор, канайдар база, балдар, кыжыла түйук турадан чыкпаган бу мени, алдаарда отурган Чакылдайды, јетинчи сокор деп чотойтон турыгар!..

Эрте јас — тулаан ай. Анчада ла былтыр кузук бүткен јыл болзо, Чакылдай ёбёгөнди эмди тен буулап та койзогор, буузын ўзүп, тайга кууп чыгар. Оның сүйген ле баратан ѡери Туру-Бажы. Мында ылгый ла мөштөр Ѻзүп жат. Тайга эмес, кара-көк талай! Кайдаар ла көрзөң, мөш, мөш, мөш...

— «Дружба» киреелердин ле тракторлордын тунгак кожондоры јер-алтайды ѳдүп, Туру-Бажына јеткелекте, бойым јент жастынып, јети сокордын јерине атангалагымда, жеңдериме түшкен кузук экелип беретем — дайле, Чакылдай ёбёгөн јобош жеерен адын ээртеп, бу жаңына сүүп јүрген тайгазын көстөп атанар.

Салкын-куйунга сабадып, јерге түшкен тобоголорды Чакылдай ёбёгөн јууп, анда ла оодып, элгел-сайлап, сумальна ылк толтыра уруп алала, бир канча күннинг бажында ойто Туру-Бажынан түжүп келер. Жедип келеле, Чакылдай ёбёгөн јееничектерин де кара-күрөн кузукла соотодор, керексиген улуска да кемжип садар. Аңылу магазинге де апарып садар. Ас та болзо, акча. Йүк чай ла калашка једер. А Чакылдайга артык не керек...

Је бат, Чакылдай ёбёгөн јантарып келген тулаан айдын јакшынан деген күндерининг бирүзинде, эбира турган тайгаларла кожно база бир тайга чылап, танкызынын чангкыр ыжын чойилтип, Туру-Бажын көстөп јортуп бараткан. А Туру-Бажы элбек јер. Анчада ла јылкы мал ышта-арга эптү. ылкы. Жаан салкын түшлес. Оның учун ышкыда кар онойып ла тын тонгбос. ылма карды јылкы эже чапчып, јайгыда белетеген ёлонг-го до киришпей, анайда ла јылды чыгып калар. Оноң база бир неме — байбак мөштөрдин алдына кар түжер эмес, кыжыла карантын јадар ине. Мөш алдына малга турарга да, јадарга да јылуда јымжак.

Чакылдай ёбёгөн Туру-Бажына јууктап јүргежин, ак мандайлу кара ады кара сууга түшкенче терлеп-бурлап калган јылкычы Кордоев Айабас јолой кап-чыт ла учурашты.

— База ла түшкүн терер ёй јеткен бе, ёрёкөн? — деп, ол адын ман бажына токтодып, сүүнчилү каткырып ииди. — Меге макалду соот болотон эмтири. Менинг болчок турал спердинг куучыныгарды угарга база сакып жат, бараар, бараар... Кожо конуп турарыс, куучындажарыс, кузукта терижип берерим!

— Сен мындый коркышту кайдаар мендеген, Айабас? — деп, Чакылдай ёбёгөн оозынан түжүрбес канзазын он колына алыш, оның когын эзрининг кажына какылдада согуп, кактап јадала, јиит јылкычыдан суралды. — Көрзөм, алдында јаба једерге сүрүп бараткан немен јок, сени

тударга кийнинг сүрүжип келеткен жеткер база көрүнбейт. Бу не болгон?.. Чыдал-кадалы чыгып калган јаскы атка килебес сен не, кайткан кижи?

— Боро тай јылыйган — деп, Айабас актанды. — Оны бедреп тортло бош болдым. Та узун күйрукту ач бёрүлердин јемиди болуп калды, та түшкүн терген күйругы јок кузукчы-бёрүлердин көжүн тартарга туттуртып алды.

— Айдарда, мен сеге күйругы јок кузукчы-бёрү турум не! — деп, Чакылдай ачынып, кайын уры кангазын ээрининг кажына как этире база катап кагып иди. — Карыыр јобимде, Кордойдын күчүгине айттырап турум!..

— Јок, ёрёкён, канайып турара — деп, Айабас катап ла актанат. — Мен слер керегинде тен сананбагам да! Мен... мен узун күйрукту акчага болуп, јай келгежин, Алтайды ангданырып, алтын тазыл казаачы, күстен ала јас жана жеткенче, турган мөшти јыгып түрүп кузук јуучы городскойор керегинде айдып турбай.

Чакылдай табынча тоқынап, кангазына јаңыданг танткы азып, бир-эки оос соруп ийеле, Айабастын тынаастап турган адына килегендү көрүп, байагы ла баштаган шүүлтезин ойто ойгозып, чала каткымчылу айтты:

— Боро аттан болгой, кызылы да јылыйган болзо, јылкычы кижи бойынынг минип јүрген адына канайып килебес?! Шак ол, сенинг айтканынгла, күйругы јок бёрүлердин бирүзи, калак, кёоркий, бойынг болорго турган болдын.

— Је слер, ёрёкён, Бош-Тууда болдоор бо, боро тайымды көрдöör бө? — деп, Кордоев Айабас кандый да элтү эрмек айдып ийгенин бойы да билбей, бу ок ойдö кулактууш бёрүгин ушта тартып, кызара терлеп калсан јаан јүзин арчыйт.

Лиит јылкычы ого онотийин чечеркеп турган болор деп, Чакылдай обöгөн ичинде серенеле, күлümзиренип ииди:

— Туу ла турган — ондо турган, божын-тынтын јайкабадым — деп, обöгөннин чырайы кенетийин жиитширкей бергендий, јарый түшти. — Ат ла турган — анда тур — деп, Чакылдай онон ары уткалайт, — борозын-каразын ылгабадым. Бойынг барып көрötön турнг — дейле, обöгөн јөшөв јеерен адын кыл чылбырынынг учыла шыйт этире камчылаپ, ѡолын онон ары көндүктириди.

— Айтканаарга алкыш болзын! — деп, Кордоев Айабас айдары јок сүүнип, кулактууш бёркин бажына кептей тартып, ары болуп мантада бараадала, кенете адынынг тискинин токтодо тартып, Чакылдай обöгөнгө кайа көрүп кыйгырды: — Слердин айтканаарча, Бош-Тууны бойымтада барып јайкап көрёйин... Адымнын сурузын айтканаарга алкыш болзын! — деп, база катап омок ўниле айдала, онон ары мантада бэрди.

2. БАШТАПКЫ «МОСКВИЧ» ЖУРТТА

Бу керек база ла бистинг Кайрудада болгон. Тууларга кыстаткан кичи-негеш ле тып-тымык жүртүста мынчага жетире бойында машиналу бир де кижи јок болгон. Је бир катап ап ла айас күндердин бирёзинде кенете ле, жалт эткен жалкын чылап, тенгери онгдүй көк «Москвич» Кайруның сок јаңыс оромыла ёрдом-төмөн сундуртып турар болды.

Керек чындалат та кайкамчылу. Бойындый болгоны ўстине јегил жорыкту машина болбайтон беди!

— Акыр, бу кайкалду «Москвичтинг» ээзи кем эди, улус?

Жок, јок, мыны тен кижи ле кайкабас неме эмес! Журтка келген баштапкы «Москвичтинг» ээзи ферманың теп ле тегин малчыларының бирёзү — мынаар Суулу-Айандар торбоктор кабырып турган Баатырай Мамыков. Баатырай атту-чуулу озочыл болгон болзо, жаан кайкал, јүзүнбашка куучындар да, байла, болбостон маат јок.

— Баатырай көк кайкалды көрбөс лө арасында ала сокпой канайтты! — деп, элден ле озо байагы ла база Чакылдай обөгөн айда салган.

— Чындалат та дезеер — деп, ого ичинде эмештеп күйүнүп, тракторист болуп турғач Менди Мекечинов јомшти. — Тон калды, жүрт Советтинг де болзо тоомылу депутаты болгон болзо кайдат — деп, јаңыла көнгжип јүрген отко бойының тракторының күйгүр сүркүжинен ура салып ииди. — Баатырайдың торбоктоп то баштагалы чек удагалак. Жаан ла болзо, ўч-төрт жыл откөн...

Мындый ла, мынан да ёсқо куучындар Кайру жүрттүнг сок јаңыс магазинининг јанында јуулган улустың ортозында откөн. Је көк «Москвич» керегинде соныркаш көп лө сабазында Чакылдай обөгөн лө тракторист Менди Мекечиновтың ортозында болды.

— Айла кандый таңма-номерлү дешкен эди мының «Москвичин»? — деп, Чакылдай обөгөн биле тура, улус уксын деп, онотийин ле сурап ииди ошкош.

— Төрт жүс он эки... Уктыгар ба, 412 марка-таңгали «Москвич» болор! — Менди Мекечинов жартайт. — Оноң ары ондоорго турган болзор, Чакылдай дедушка, бойоордың карган кулагаварды бери төгөй түдүгүр.

— Төгөй тут дегенде, төгөй до тутпай — дейле, Чакылдай обөгөн Мендининг јанына чек ле коштой туруп алды.

— 412 номер-маркалы «Москвичтинг» күчи кандый, билереер бе, Чакылдай дедушка?..

— Је төрт жүс он эки таңгали «Москвичтинг» күчи төёнинг күчинен отпөс лө болгодый — деп, Чакылдай айдарда, магазинин јанында турган жиит уулдар ла кыстар чуркуражып, каткы көдүрдилер.

Кандый да бўко тёё болзо, је оның күчи түнгей ле жетен беш аттын күчине жетпес! — деп, Менди Мекечинов кезе сокты. — Техника, дедушка Чакылдай!.. Баатырайдың көк «Москвичинин» күчи ту-у жетен беш

аттың күчине турар. Бат кандый!.. А бистинг Кайрудада јетен беш ат бойына тудуп турған кижи бар ба?..

— Мыны кижи угат эмеш пе?! — деп, Чакылдайдың кичинегеш көстөри күрчпел чыкты. — Торт тынышым буула берди ошкош, јииттер. Танғы азып тартпайынча — дейле, ончо јуртка танылу кайынг уры даан кангазын терјек фуфайказынынг карманынан чыгарып келди.

Мыны көрүп ийеле, Менди бир канча ойгө јўлибекен сарбак сагалду эттен зэгиле кекип, мынайда каткырды:

— Бу слердинг канзагар канза эмес, тен колмылтык туру ине, дедушка Чакылдай!

Жииттердинг каткызы ойто ло «тирт» эдип калды. Же Чакылдай ёбёгён ого аяру этпей, мынтараптап койгон жалбрақту јажыл танғызын јимжагаш калтадан чыгарып, коржойышкан сабарларыла кангазына шаап, даан эргегиле ныкталай базып јадала, эрмектенди:

— Менинг канзамда сенинг керегин јок, уул — деди. — Бат кайкайтан неме шак ла ол Баатырайдың көк күлүгү не. Јетен беш аттың күчи дединг бе? — деп, ойто катап сурайла, танғызынынг ыжын борлодып, онон ары айдат. — Мынан озо, бу бистинг Кайрудада јаңыс та атту улус јокко јуук болгон... Бу мен, Чакылдай, јетен беш јашка јеттим. Баатыра јүрүмимде јылкы мал кабырдым. Арт-учында мензионер болуп, колхозтон јаңыс јеерен ат садып алдым. Ол до бойымла кокса карып, чыдал-камалгазы чыгып, тиш-амыйтены түжүп, торт олёнг дö јип болбооско јетти. Мынаар, озодон бери јылкы кабырган, мөш алдынан јаскары даан түшкен күзүк терген, Туру-Бажына да једерге күч боло берди...

— Эмдиги улус ончозы јакшы јадып јат! — деп, јуулгандардың ортозынан көм де омок ўндендү. — Биске эмди тегин штан эмес, американский джинсылар керек. Тегин тон эмес, туура ороондордон келген дубленкалар тәлдайдыс.

— Мен јөптик! — деп, Чакылдай белен јөпсинди. — Же јаңыс ла оны ару колдыйн ачу териле эмезе айлаткыш санаанынг... Бойсын, балдар, бойсын! Бу ёсқо эрмек. Бистинг бүгүнги эрмек-куучын Баатырайдың көк кайкалын эбирае ёдүп јат.

Чакылдайдың айтканыла, «көк кайкал» садып алган Баатырай Мамыков Суулу-Айангагы турлузынан түжүп ле келгенде, эткени јаңыс: ўйин ле эки балазын — уулчагын ла кызычагын «Москвичине» отургызып ла ийер, тобрак-тоозынды чоййүлтип, Кайрунынг күш-күртүн, уймалын чочыдып, онынг тоозы јок ийтерине торсыкташып, аймактынг төс јерине — Ондойго көстöөр. Анда барып, магазиндеер, кере түжине көрүш-таныштарын айылдаар. А энгиргери көк «Москвичининг» көзнөктөри ажып бараткан кыскылтым күннин алдына кылбырап ла јалтырап, кайра јаңып јадар...

— О! — деп, кенете Менди Мекечиновтың уужалып калган калынгара чачтарлу бажы сертес эдип, ол ло ок сарбайышкан сагалду эттен зэгиле јурттың учы даан кекиди. — Баатырайдың коньс ошкош көк

«Москвичи» келип жат! Ба-тазын, база капшуун ла таңма!.. Менинг «Белорусимле» түңдайтэн неме дейдеер бе...

— Кайда? — деп, Чакылдай обөгөн, агаشتынг чобразы чылап, карбайда кадып калган жаан кара алаканын көс ўстине таңдактай тудуп, Ондойдөн келетен жолго көрди. — Неме көрүнбейт ошкош...

— А көрбөй тураар ба, шак ла ол спердинг бажаар ошкош болчок төннинг ўстине чыга конуп келген «көк кайкалды!» — Менди узун колын сұна салып, ус сабарыла уулады.

— Бу сен, Менди, көс көрүп турған болдың, уул! — деп, Чакылдай обөгөн кайкады. — Меге ле неме көрүнбейт. А сперге неме көрүнет пе, балдар? — деп, обөгөн öскө јииттерди тоолой аյқытап, сүмелү көстөрин сыйкытып ииди.

— Көрүп турус! Келип жат, келип жат! — дежип, öскөлөри чур-чуманак түштилер.

— Йок, бу спер ончолороор бүгүн јүүлгилей берген улус болбойытар! — деп, Чакылдай обөгөн кайкаачы бололо, оноң ол ло бир шайынынуш, чыгар-чыкпас ўнле каткырып ииди. — Баатырайдың «Москвичи» дешкилеп, бу ончогор канайгылап тұрыгар?!.. Мен көрзөм, балдар, Сулу-Айанынг көк-жаяыл блонгина ескөн лә семирген көк чар ла мантап келедири. Бистинг колхозтың көк чарын мен канайып таныбайтам?..

Жуулғандар сыр ла каткыда:

— Чакылдай дедушка, спер чын айттыгар ошкошкоор! — деп, ончолрынан озо тракторист Менди Мекечинов көкіп чыкты.

— Мен бу жаяма төгүн неме айтпайтам! — деп, Чакылдай обөгөн тыңғынат.

— Бу сперди, андай болзо, мынчага жетире народный контрольдың бажына не тутпаган?! — деп, ол оқ Менди каткырат.

— Мен ту качаннан бери шак ол контрольдо туруп жадым! — деп, Чакылдай база да тұра калбады.

— Йок, сперди колхозтың ревизионный комиссиязынынг членине эмзе оның председателине көстөөр керек болгон, дедушка Чакылдай!

— Мен ту качаннан бери революционер ле ревизия! — деп, Чакылдай там ла көкійт. — Оны бастыра аймак билер. Же жаңыс сен билбейтэн эмтириинг ине, Менди!.. Же, балдар, Баатырайдың «көк чарына» жол берлегеер — дейле, Чакылдай обөгөн бир-эки алтам тескери басты. А бу юйдө Баатырай Мамыковтың тенері ондү «Москвичи» Кайру жүрттың көп тоолу ийттерине ойто ло торсыктадып, магазиннинг жаңында жуулған үлустың ортозында болгон куучын керегинде нени де сеспей, олорды тобрак-тоозында түй бөктөп, айлын көстөп - сурт әзип, ёдө конды.

3. КАЧАН ОДЫНЫ ТҮГЕНЕРДЕ

Чакылдай таң алдында ферманың башкараачызы Саналов Сананаң кыбына кирип келди. Мында механизаторлордың бригадазынын

јааны Сойтошев Омуртка ла зоотехник болуп турган Астам Ороев болдылар.

— Макалду ёйдö келтиrim! — деп, Чакылдай сүйнө берди. — «Президент» бойы Саналов Санаа да мында, оның онг ло сол колдоры болгон Сойтош уулы Омуртка ла Орой уулы Астам да мында.

— Не болды, ёбögön? — Саналов бажын столдонг ёрө көдүрди.

— Бу јанында отуры — деп, Чакылдай ёбögön Сойтошев Омуртка jaap кекиди. — «Президент» адынды түжүрбеске турган болzon, Саналов Санаа, бир болужын жетир.

— Соотожорго турган кижи јок — деп, ферманың башкараачызы соок ўндени. — Бис божобой јадыс, айдарга турган сөзбөрди ары капшай айткар, былар...

— Сойтошевле согужатам ба мен?! — деп, Чакылдай механизатор-лордың бригадирине база ла катап ээгиле кекип иди. — Одыным түгнен, одын тартыртып бер деп Омурткага айтканымнан бери он конок боло берди, «президент»...

— Јаскы иш башталган, бош трактор јок деп мен сперге канча катап јартайын — деп, Сойтошев, адаруга чактыртып ийген чилеп, тыртыс эдип, отурган јеринен тур чыкты. — Слерде чек ле одын јок эмес, бистинг былтыр күскиде јарып берген кулажыс айлаардың јанында ас та болзо, бар ла эмтири.

— Ондый, бир эмеш бар — деп, Чакылдай тургуза ла јöпсинди. — Айдарда, јаскы иш башталган дештеер бе?.. Јаскы иш — јаан керек. Мен озодон бейи оны билбей.

— Бот, бот — деп, куучынга зоотехник Ороев Астам киришти. — Бис сперди ак санаалу кижи деп, азыйдан бери билип ле тооп јадыбыс.

— Јарт, јарт — деп, Чакылдай каткырды. — Југуйланып, јууктажып ла келедириң бе, Орой уулы Астам.

— Одынаарды одырарга кичееп турган болзогор, ёрө одыны кёп јерге, Кайру-Бажында койлор тöröp турган турлууга, бир кезек ёйгö сакмандажып беригер деп айбылаарга санангам...

— Јарт, јарт... Јастың ёйи, улус једишпей јат — деп, Чакылдай зоотехниктинг онон ары айдар шүүлтезин озолоп иди. — Озодон бейи бүдүрген иш. Оны бейиги кижи билип ле јат.

— Чындал та, кезек те ёйгö болужып ийген болзогор — деп, Саналов Санаа зоотехникке јомошти. — Оның кийининде бис сперге он до јылга одырза түгөнбес одынды тартып ла белетеп берер эдебис...

— А мени, жетен беш јашту кижини, эмди он јыл јүрер деп сеге кем айдып берди, «президент»? — деп, Чакылдай соныркаачы болды. — Ёрғи турган Үлген-кудайдан куучын жетти бе, тёмёнги ороонды башкарған Эрлик-бийден элчи-амыйтан келип јүрди бе?..

Ончолоры каткырыжат. Йиит башкаарабыларла кожо Чакылдай бойы да јаан бажын сойтöс этирип, омок кöröt.

— Же сперди бис кудайы јогынан да билерис — деп, механизатор-

лордың бригадири јымжай түшкен ўниле кошты. — Слердинг ары-бери кыймыктанып, базып јүргенигерди көргөндө, тен тууны туулай мантаган туулай койон ошкош јеп-јөнгилчек кижи не...

— Кёкиткилегер ле, менде кулак бар, угайын...

— Слер тен чек-чек базытту чекчил элик ийнегер, — обөгөн — деп, Ороев Астам айда салды.

— Угуп отурынг ба, «президент»? — деп, Чакылдай кайынг урыс кан-зазын чыгара тартып, Саналов Санаа jaap көрди. — А мен можыйт сенинг койлорынгынг азайлу курагандарыла урушпай, космос кууп, космонавт болуп учарга јазанып алгам а?!

— Чын ла слерди эртен ле космосты көрүп келzin деп, Башкару Байконур jaap алдырган болзö...

— Баарым!.. А не, отурат деп пе, баарым! — деп, Чакылдай јеп-јөнгилинен тура јүгүрди. — Јок, уулдар, мени ту качаннан ла бери кинчектеп, öзбигимдöйкөн јүрген бир сурак бар. Космос дешпей, меге шак ла онынг аайына чыгыжып беригер?..

— База не боло берди? — деп, Сойтошев Омуртка серенди.

— Бу бистинг алтай јон кайдан келген? — деп, Чакылдай обөгөн сакыбаган јанынан санг тескери сурак берди. Онын угы-тöзи, башталгасы кайда, уулдар?..

Жиit башкараачылар Чакылдайга кандый каруу јандырарын билбей, оп-соп түшкүлөп, бой-бойлорына көрүшти.

— Алтай улустын тарап-тарқап келген ѡолын көргүскен бичик бар ба, уулдар? — деп, обөгөн соныркайт. — Жетен беш јашка јеткели, бу мен, Чакылдай, ондый бичик билбезим.

— Алтай тилле андый бичик чыкпаган эмес беди? — дежип, ончолоры бой-бойлорына суракту көрүштилер.

Чакылдай обөгөннинг кенете, та ненинг де учун айдып ийтген суралыса кожо, јаскы кыра да ижи, Кайру-Бажында күн сайын тöröп баштаган койлор до керегинде — ончозы ла ундылып калды.

— Чындан та, бу алтай ученыйлар, онын исчи-тошчы историктери акту бойынынг јонынын тазыл-тамырын жартаган бир бичик чыгарбаста, мынчага жетире нени эдип турган а? — деп, Чакылдай ононг ары соныркайт. — Слер ол јанынан санангылап турадаар ба, уулдар?.. Айса, эн каруулу керек јылдынг сайын кыйыжы юктөн болотон јаскы иш ле кой тёрдиш пе?..

Ферманынг башкараачызынын кичинегеш кыбында кезек ёйгö ыншынг боло берди. Ончозы санангылайт. Јаңыс ла Чакылдайдынг ачу-корон таңкызынынг чанкыр ыжы кознөк откүре тийген күннинг тандагына сүрекей иле буркурап турды.

Саналов Санаа Чакылдайдынг сакыбас јанынан тургускан тузагынан-канайып та болзо, је чупчулып чыгар деп сананды ошкош. Он унчукпай таңкылап ла сакып отурган обөгөнгө кандый да каткылу көзиле көрүп, кенете кокырлады:

— Бис спергे Горный Алтайдын институтудына барып көлzin деп анылу командировка берелик, ёбётён.

Ончолоры күлүмзиренгилеп, баштарын ёрё көдүрдилен.

— Анда барып, жебрен Алтайды ла онын эл-жонынын жадын-јүрүмин шингдеген историктерге туштап, бу керектин аайына чыгып келигер — деп, Саналов Санаа эрмегин божотты.

— Жарайт, «президент»! — деп айдала, Чакылдай ёбётён ёрё туруп, эжик jaap базардын кажы ла жанында, Сойтошев Омуртканын ўни оны токтодып иди:

— А одын керегинде суракты канайдатан, ёбётён?..

— Одын дейзинг бе? — деп, Чакылдай сол жардынын ийни ажыра кайа көрди. — Одыным эмеш бар...

— А Кайру-Бажындагы курагандарды канайдар? — деп, зоотехник Ороев Астам күлүмзиренди. — Сакмандаш ундылып калды ба?

— Угуп турунг ба, «президент»? — деп, карган ёбётён бастыра бойы катап ла кайра бурылды. — База ла жас. База ла туура салбас керектер башталган — деп комыздады. — Алтай төрөл жонымнын тарап-таркаган тазыл-тамыры керегинде айдары јок жаан сурагым анайда ла ачык артар жат! Салак ла де!. — Ол колын күүн-күч јогынаң жаңып, оног ары мынайда эрмектенди. — Город jaap командировка, кайдалык, арттай, «президент»!. Элен-чакка этпеген-бүдүрбекен иш эмес, Кайру-Бажын көстөп јорткойым, сакмандашкайым, азайлу курагандарынгы алгайым...

— А одын керегинде санааркабагар, ёбётён, оны бис мынан ары айлап ийбей — деп, Саналов Санаа Чакылдайдын жүргегин жымжадып ийерге сананды ошкош.

— Одынынг ондо турзын — Чакылдай кыскачак колдорыла ойто ло жаңып иди. — Одын түгөнген, жас жанган... Ойто ло туузылбас иштери башталган. Баш ла болзын, бу кижиде тен оорыырга да бош јок, блёр-гө дö ёй јок — дейле, эжикти чыдым ийниле ийде салып, јенил-јенил алтап, кайа да көрбөй жүрүп калды.

4. КӨК ЖАНЫ ЛА ЧЫМЫРАЙЫП КЕЛЕРДЕ...

Жылу ла жаркынду жаскы күн турган. Мен областыла јорыктап жүреле, јолой төрөл Кайруга табарып ийер деп санандым. Мында болбогоным сүрекей удаган. Мында энемнинг эзезининг кыстары, алтай жоннын айтканыла болзо, «бөөрөк ўлежип жийтен бөлөлөрим» журтагылап ла иштегилеп жат. Бир жаңыс та катап болзо, олорды не барып көрбөс?.. Кайруда не солундар бар? Өскө улус кандый жаткан? Ой бар тушта, ёдо конбой, жаан ѡлдонг жүк ле жети беристе тууразында турган жүртка, чынданап та, не түжүп ийбес?..

Көк жаны ла чымырайып, билтүрги куудаңдардын ортозынан көрүнүп келерге жууктажа берген туш. А кырлардын түштүк келтегейинде

меестердинг күнет здектери ле кајулары јаны өзүп келген кёккө иле кёгөриже берген.

Бистинг алдыбыста кайа да кёрбөй, бир кижи базып баратты, Эки колын белине јўктей салып алган. Ийиндерининг јайканыжын, базыдын кёрзём, меге сүрекей ле таныш кижи. Бойы карып, бели коркайып та калган болзо, је алтажы јенгил. Сопотторының алдынан ѡлдынг боро тоозыны буркурап турды.

Чакылдай ёбёгён!.. Мен оны јазым јогынан ла танып ийдим. Онын одожына једе конуп келеле, шофер машинаны токтодып ииди. Чакылдай ёбёгён база тура түшти. Мен эжиктен чыгып, ого удура бастым. Чырайының чырыштары там көлтөп калтыр. Түрген басканына кызырып калган јўзинде ле эки саамайында терлер иле мызылдажат.

— Ма! — деп, мени танып ииеле, Чакылдай јаан табыштанды. — Кайру юлын ундып койгон пайет кайды барып јат?!

— Слерди ѡйду барып јат деп билеле, јетирип койорго санандым — деп кокырладым. — Отурыгар...

— Узак ѡолго чыккан аргымак чылап, эди-каным јаны ла изип, терлеп ѡурзем, онон ары учуртарга да јетпей, јаба једип алдынг ба, пайет? — деп, ол меге коржойышкан сабарларлу он колын удура сунды. — Одын ѡар деген эмес, отурып ал дегенде, менде не болзын — дейле, ол машинага кирди. Сен менинг јобош јеерен адымды билетен бедин?.. Бат, билип ѡургенинг јакшы — деди. — Юйу арттым. Јобош јеерен адым јал јастанып јыгылды. Эмди менинг, менинг јен јастанарам арткан...

— Јок, ёбёгён, слер эмди де узак ѡуререер — деп, мен ёнётийин ле омок ўнденип, ого јёмётим.

— Пайет ѡур дегенде, база эмеш ѡурбей де — деп, Чакылдай каткырып, јаскы јыбарга чылбырантыған көстөрининг јажын он колының сыртыла арчыйт. — Йүрүмненг јакшы, ѡурүмненг јарааш не бар!.. Көрзөн, күнди кёрзөн, јаны јасты!..

— Анчада ла бүгүн јакшы күн — деп, мен јөпсиндим. — Је мындағы улус јылды кандый чыккан?.. Мал-аш кандый турган?..

— Јакшы-ы — деп, Чакылдай чойё тартты. — Оздо улус та онойып ажанбаган. Кулур-комбикорм жип турган мал канайдар ол. Өлүм-жидим ас. Јылдан јакшы чыккан. А эмди јас. Көрзөн, эбиреде кандый јайым, кандый көк. Бу киреде малды малтала тобблөзөнг дё бачым олбос. — Онон машинаның көзнөктөри ёткүре күнет меестерге көрүп, бир канча үнчукпай барып јадала, кенетийин кандый да јобош ўниле эрмектенди: — Јаныс менинг јобош јеерен адым бу јастынг јаны көгин амзабай барды...

Мен кандый каруу јандырарын сананып отурганчам, ол јардымама колын салып, араайынан таптап ииди:

— Ка, пайет, шак ла бу бого эмеш токтодып ийзен.

Чакылдай ёбёгён машинадан чыгып, сөс јогынан мени колыла им-деп, база чыгарып алды.

— Бейи кожно басссан, пайет, мен сеге бир солун јакыт ачып берей-

ин — дейле, эки колын темиккени аайынча белине кайра салып, меестинг эдеги jaар ичкери басты.

«Бу канайып турган болотон — деп, нени де јакшы онгдобой, онын кийнинен бастым. — Кандый «јажыт» ачарга турган?..

Ол нени де айтпай, көңкөрө јадып, он кулагыла јер тындалайт. А мен дезе канайдарын да билбей, жанында сирейип калган турдым. Чакылдай ёбөгөн анча-мынча болбой, жаан бажын јерден ѡрө көдүрип, мен jaар бурылды:

— Пайет, бу сен не турун?! — деп, эмеш те кокыры јогынаң кайкап, бажын јайкады. — Жат бу менинг коштойыма... Жат, тынѓа, не угулар эмеш.

Менде ѡскö кандый да арга јок. Сös уккур јаш бала чылап, онын жанына араайынаң јада түштим.

— Тынѓ тынба, тынѓа! — деп, Чакылдай јакарат. — Неме угулат па, пайет? — Ол бир канча элестинг бажында шымыранды.

Мен унчукпадым.

— Э-э, калак — дейле, Чакылдай јаткан јеринен тур чыкты. — Көрзөң, кандый тымык эбира!.. Жаңыс ла айас тенгеринин алдында күннин жиргилжини... Айдарда, пайет, јерге јадала, сен нени де укпадын ба? — деп, ол катап соныркады.

— Күүк эдип јат...

— Олjonдогы аркада жынкылдажып јаткан күүктердин табыжын пайеттен болгой, түлей де кижи угуп ла сезип ийбей! — деп, Чакылдай мени электеген кептү каткырды. — Э-э, калак, — ёбөгөн ойто ло уур тынды. — Менинг јажымды јажазын, бат ол ло тушта јүрүмнин чын јара жын, онын баазын јок баазын билеринг, пайет...

Мен унчукпай, сакып турум. Чакылдай бойынын «јажыдын» качан ачар? Ол айдарга сананган тös амадузын айтпаган. Эмди шүўлтезин кажы ла жаны jaар эбирте соктогой?..

— А мен жаны ла бу ла будыбыстын алдындагы јаскы јерге јадала, көп немелер уктым, пайет! — деп, очүп калган чоктордын жалт эткен чедиргендеринин көлөткөлөри онын сүмелү көстөринде элбендейт.

— Мен эм турға јердин ўстинде. Удабас, байла, јердин алдында болорым.

— Ончобыс ондо болорыс...

— Онызы чын — деп, ёбөгөн јөпсинди. — Же менинг сеге айдарга турганым ѡскö неме. Чын пайет болzon, менинг бу айтканымды угатан турунг. Артык болбос...

— Угарга турум, — мен чындан та јилбиркеп, акту күүнимнен айттым.

— База катап айдып турум: көр эбира, јажыл көк жаны ла чымырайып келген. Чечектер өзүп жат. Тымык. Телкем.

— Бу спер, Чакылдай ёбөгөн, база «пайет» турараар не?! — деп, мен онын ўнине келиштире ѳткөннип айттым.

— Јакшы кижи пайет болор учурлу! — деп, Чакылдай бүдүмжилү

ле бир де каткызы јогынан эрмектенди. — Чын, јажырбазым. Мен бас-тыра јүрүмимде пайет болорго албадангам... Сени база јакшы пайет болзын деп сананып турбай.

— Айтканаарча болзын...

— Јакшы пайет јерди, тенгерини — бу экүнинг ортозында бүткен ки-жини угуп ла тыңдап, олордын јажыттарын јажына ла бедреп, таап, темдектеп јўрер јанду эмес пе?..

— Айтканаарча ла болгой. Онызы чын...

— Мындый тымык, мындый кеен күнде бу ла бут алдында јерге јада түшсөн, канайып јажыл кёк тырсылдан өзүп јатканы, эбира чечектердин тил-шымырты кандый да алыстанг угулып келер ине, пайет... А сен, «не-ни де укпадым!..» Бу не, андый болзо, сен кандый пайет!?.

Меге айдары јоктон ачу ла сүрекей эп јок боло бергенин ёбёгён сөс јогынан сезип, кенете омок каткырып ийди:

— Јок, мен тен тегин айдадым. Мен ту качаннан бери бил јўрбей, сен пайет. Сени бастыра Кайру билер — деди. Онон ары там оморкоп ло каткырып, та очоп турган, та чын јарадып, ондоорго күч, је мынайда айдат. — Јок, сен меге ёўркобё!.. Машинанга да отурғызып алганын јакшы. Йобош јееренинг кийнинде, мындый јоргого отурбаганым удай берген... Јок, чын айдадым, сен пайет. Анчада ла бу мен, Чакылдай-таайынг керегинде сүрекей мактап ла билип бичип јадынг... Мен кыпчак кижи ине. Сенинг энен база кыпчак сөёктү болгон. Айдарда, мен сенинг таайынг болор турум, а сен — менинг јееним. Бат анайда ла бичип јўр, јееним... Макка чыгарынг!..

Кёк јаны ла чымырайып чыгып келген туш болгон.

ТАЗАГАНЫ

Сыны түс ле узун кижи јаны ла төртён јаштын бозогозын ажыра алтап јўрерде, сакыбаган јеткер онынг ёскё кажы да јерине эмес, ба-жынынг сырангай ла энгемигине келип түшпей канайтты.

Бир күн эртен тура, күнүнгизи ле чилеп туруп, сагалын јўлиирге кўс-кўнинг алдына базып келеле, кенете ле кўстори јаандап, јўзи мында ла кубулып, торт ло кижи таныбас болуп курыла берди. Алдында турган јаан кўскўнинг јалтырууш шилинде кандый бир јеткерлў ўылан ѡапшынып калган чылап, ол тургуза ла јана чарчады.

Бу бўгўн Владимир Бугуевичле не болгон, канайткан?.. Ол неден дега јалтанып, кўскўнинг јанына аргайынан ойто катап ёнгёлён келди. Онон быўыраш ла кара чачту бажынынг энгемигине кенете терлей берген ала-кандарын јаба салды. Арга јокто алаканыла энгемигин ѡыжып-ѡыжып ий-еле, туура бололо, бойын база ла катап кўскўден кўрди. Јок, уужалып калган быўыраш кара кылдардынг ортозынан эргек базым тас јер тў-ней ле јалтырап турды. Канайып та јажырар ла јабар арга јок! Лаптап

көргөн кижи оның қызара тазап келген энгемегин түйгөй ле көрүп ииетен эмтири. А Владимир Бугуевич ылгый ла жиит ле жараш келиндердин ортозында иштеп жат. Келиндер оның чачының койузы ла быјыражы керегинде бой-бойлорының ортозында куучындажып, керек дезе, оның килинг кара чачына болуп, бойына да каран-туйук ајару эткилеп тургандарын бөлүктүг заведующийи Владимир Бугуевич билип ле сезип, ичинде тыңзынып та јүретен.

— Ўй кижиге түжетен ырыс сперге түшкен — деп, кожо иштеп турган келиндердин сырангай ла омок дегени Зоя Захаровна бир катап жакыды јогынан айтканы оның санаазына эмди ойто кире конды. — Бу да кижининг чачы спердийиндий быјыраш ла койу болуп бүтпес!..

— А мен чачты канайып жакына быјыраш ла койу эдерининг улу жакыдын билерим — деп, Зоя Захаровна сертешкен айас, Владимир Бугуевич айткан. — А меге спердинг эки кабагардың ортозында јылдыс болуп жалтырап турган тегерик мен база жарап жат!..

— Слерде, Владимир Бугуевич, быјыраш кара чач бар, а менде дезе теп-тегерик кара мен бар — деп, Зоя Захаровна жараш эриндериле күлümзиренип ийген. — Менинг ырызын толо болзын деп турган болзор, ол жакына быјыраш болорының эп-аргазын айдып берзегер?..

— Иштин кийнинде — деп, күлümзиренип ийеле, Владимир Бугуевич бойының қыбына кире берди.

Мының кийнинде Зоя Захаровна ла оның ўуре-јелелери чачты койу ла быјыраш эдетен жакыт Владимир Бугуевичте чын ла бар болор деп бүткилеп, ол бойының жакыдын ачсын деп, јаныс катап сураган дейзеер бе?.. А Владимир Бугуевич тегин де јылтырууш кара чачын күнүң ле эртен тура эмеш-эмеш бриолинле сүртүп, жазап туруп килтиреде тарап алала, ишке келетен.

Чынын айдар болзо, бөлүктүг заведующийи бойының тыш кебери не ајару эдерин сүрекей кичейтэн. Темдектезе, ишке ол уужалып калған чамчалу келгенин бу мынчага бир де кижи көрбөгөн. Костюмы бойының бекем ле түс жардана нык ла эткен, штаны жаантайын түс, бир де түрүлген ле уужалган јер јок. А галстуктары керегинде, айтканча айтпаза торт!.. Күнүң ле күнүң оскö, јаны ла жараш галстук кийген келер.

Бүгүн эртен тура энгемегинин ўстинде эргек базым тас јерди кенете көрүп ийеле, торт ло алаатый берди... Сагалын јубибей, эки жаагын ла шак ол тас јерин сыймап, күскүден айрылып болбой узак ла турды.

— Бу канайып калдын? — деп, казан азар кыптанг ўинин табышкы угулды. — Келип ажан. Ишке баралар өй жууктажып келди.

— Энэзи, ка, бери чүрче ле бассан! — деп, ол удура табыштанды.

— Не болгон? — деп, эмегени ўлүш колын арчып, оның јанына базып келди.

— Меге көрзөнг, — Владимир Бугуевич чүрче ле аразына канайып та кубулып калған ўниле айтты. — Мени жазап аյыктап көрзөнг, канайып калтырым?..

— Бу сен эмдиге ле сагалың кырбай, байагы бойынча мында не турган! — деп, эмегени кайкады. — Бүгүн эртен турадан ала кандый да каруулу јун болотон деп кече бойынча айдып турарынгда...

— Јуун эмес, а мыны көр! — деп, обөгөни эңмегиндең эргек базым тас јерди көргүзип, бажын јабыс эңчейтип, шак ла ол кызырып јүрген «кинчегине» ус сабарын чип-чике сүстүрип ийди.

— А не, мен оны көрбөгөн деп пе?! — Уйи удура кайкаганду сурады. — Кижи ле кайкаар неме јок... Тазап ла јүрген эмтириң.

— А меге! — деп, Владимир Бугуевич атыйланып чыкты. — «Тазап ла јүрген эмтири!..» — деп, ўйин откөнип, ого кызыран көрди. — «Тазап та јүрген эмтири!..» Иш, кандый! А меге... а а Зоя Захаровна — деп, айда салганын канайып та сеслей калды.

— Кандый Зоя Захаровна?! — деп, эмегенининг сур көстөри тургуда ла чичкере берди. — Кандый Зоя Захаров...

— Мен сени... сени айдадым! — деп, Владимир Бугуевич арга јокто актанды.

— А мен, сенинг эки кызынгынг энези, эм барып Зоя Захаровна боло бергем бе?! — деп, ўйи ўкүстеп келди. Мен сеге Зоя Захаровна көргүзерим!.. Эки көзинди јырта тартып, чачынгды там ары тазада јулала, салып ийерим!.. Божогона ла ол...

— Энези, энези — деп, Владимир Бугуевич бажындагы эргек базым тас јер де көрүнип келгенин ундып, эмегенине јалынат. — Энези, мен кече Зоя Захаровна деп ўй кишиле ачынышкам, билзен, оғдоzon! — деп, ол арт-учында чала бүтсе бүткедий эп-арга таап, актанып баштады. — Бат, бүгүн коллективти јуп, онынг коомой ижи керегинде сұракты кату турғузайып деп...

Эмегени унчукпай барада, ол эмеш тоқынап, там бүдүмжилү ўнле көжуп ийди:

— Байла, шак ла ол Зоя Захаровнаны иштенг јайладар өй јеткен!

Владимир Бугуевич ишке келеле, азыйдагызы чылап кыптар сайын керий базып, келиндерле сертешпей де, керек дезе, олорго көрүнериненг де коркып ла уялышп отурды. Ол күн кыбына да кижи алдыр-баган, кыбынанг бойы да чыкпай, эртен турадан тал-түшке, түштинг кийнинде иштіг учына јетире ын-шынг болуп калды.

— Бу Владимир Бугуевичле бүгүн не болгон? — дәжип, ончолоры бой-бойлорынанг сурожат. — Бүдүш-чырайына кижи көрөр эмес. Тортло ёскө кижи болуп калган.

— Зоя Захаровна, сен кандый бир шылтак таап, барып кайып кел, не болгон — деп, келиндердин бирүзи шүүлте этти. — Сенинг эки кабагынгынг ортозындан «јылдысты» көрүп ийеле, Владимир Бугуевичтинг јүргеги кайылып, јымжай түжер болор бо?..

Зоя Захаровна эжикти тоқылдадып, бозогоны алтаардын кажы ла јанында, Владимир Бугуевич онг колынынг сабарларыла јалтырууш кара чачын кайра сыймап, бут бажына тур чыкты:

— Нé болгон?.. Ононг, ононг. Менде бosh јок! Иш, Зоя, иш... ононг, ононг!..

Ол до күн, оның да кийинде Владимир Бугуевичле не болгонын кем де, нени де сеспеген. Же Владимир Бугуевич бойы чек ле көнү иштенип болбой, бажының кызара тазап жүрген эмегин сыймат, жаңыс ла ол керегинде сананар болды. Же канчазына кара жаңыскан сананар ла түйуксына? Владимир Бугуевич бир күн össö болўктерде иштегилеп турган нöкөрлөрининг ле таныштарының кыбына келип, жаан түбегин ле кунугын женип, омок ўнле олорго јарлады:

— Сократ болуп калдым, најыларым! — деп, эргек базым тас жерин көргүсти. — Кенетийин ле бажым тазап баштады, — ойто кунукчалду ўнденет.

Эр кижининг бажы тазаганында кандый эрмек. Улус ого жаан ајару салбай, же кокырлаган айас айдысты:

— Санаалу кижининг бажы чындап та эрте тазап жат, Володя.

— Сенинг адың да айла Владимир — деп, бирюзи бултаартты. — Же жаңыс ла обёкён келишпей жат.

— Слер бйинен откүлебегер! — деп, Владимир Бугуевич олордын кем керегинде каран-түйүк бултаарттылап отургандарын сезип, кезем айтты. — Кокыр — кокыр ла болбайсын. Же чынын айткаждын, меге бу жаан түбек боло берди. Эп јок. Мениле кожо эбира ылгый ла келиндер иштегилеп жат. Тен олордын көзине бöрүк те уштырга уйатту!..

Мында јуулган инженер уулдардын эн ле жииди ле омогы эмеш те каткызы јогынан айдат:

— Мениле база ондый кинчек башталган болгон. Же, карын, бир санаала эмегенге туштап, ол кинчектен айрылып чыккан јок бедим...

— Канайып, нени эткен? — деп, Владимир Бугуевич тургуза ла соныркады.

— Жараш болойын дезен, быжыраш чачту жүрейин дезен, тен кандый ла буудакты алтай базарын — деп, байагы ла быжыраш сары чачту жиит инженер каткырды. — Мен, Володя, ол эп-арганы сеге айдып берер здим, же сен бүтпес ле мен чилеп этпес болорын...

— Же айдып бер, Коля, — Владимир Бугуевич оның жаына јууктай басты. — Тен нени ле суразан...

— Баазы жаан болбос, Володя, — быжыраш сары чачту жиит каткырып ийеле, эбира отургандарга тоолой кörди. — Баазы сен кирелү жалду кижиге тен не де эмес — деп, ол катап ла күлümзиренди. — Жаңыс ла шил жакшынак конъяк бастырабыска тургузып берзен, биске ол ло болор.

Жиит инженер бу жаынан чындап та нени-нени билер болор деп, ончолоры жилбиркеже берди:

— Чын ла андый эп-арга бар ба, Коля?..

— Бар учун айдып түrbай — деп, Коля там бүдүмжилү эрмектенди. — Бат, мөштинг кузугының сайына бир канча öйгö тургускан суула

бажынгды јунзак, божогоны ла ол, тургуза ла тазап баштаар. Кузуктың сайының јуулугында түк öскүрбейтен кандый да химический ѡук бар дежет, — Коля билеркеп, бүткүл теория куучындайт. — Оның да учун бу кижиның јўзиндеги сөйл болзо, оны эбиреде чыгатан узунузун кылдарды юголторго, анчада ла ўй улус, шак ла ол мёштинг кузуғының јуулугыла күн сайын јылжып жат.

— А тазатпаска нени эдер? — деп, Владимир Бугуевич тезиникпей барды.

— Тазатпаска турган болzon, Володя, шак ла ол јерди такааның öтöгиле сүрт. Мен онойып аргадангам — деп, Коля эмеш те каткызы ѡогынаң жартады. — Меге ѡолыккан санаалу бабушканың рецепті шак ондый.

Владимир Бугуевич олордың кыбынаң јүрүп каларда, быјыраш са-ры чачту инженер Коля каткырып ииди:

— Мен кокырлагам, уулдар...

— Же ол тон ло сенинг айтканыңга бүдүп, јескинбей, чачын такааның öтöгиле сүртет эмеш пе?..

— Владимир Бугуевич ару-чек кижи — деп, отургандардың бирёзи эрмектенди. — Ол сенинг кейинге бүтсе де, је качан да онойдо этпес!..

«Кажы ла кижи бойының табыла јўюлип жат» — деген орус кеп сөс Владимир Бугуевичтинг энгемигинде эргек базым жер кызара тазаганыла колбой, сүрекей чын кере болуп калды. Ол угуп алган «эп-арга-рецепти» күнүң ле сайын тузаланып, энгирлер сайын күскүнинг алдына туруп алыш, тазап јүрген јерин такааның öтöгиле сүртүп, бажын аңылу бёслө јык этире ороп алыш, уйуктаар болгон.

Жиит ле кокырчы инженердин кей сөзине бүдер болор деп кем бодогон оны.

Бир ле көрёйин дезе, Владимир Бугуевичтинг энгеминдеги эргек базымча тас жер там jaандап, учы-учында бўлўктинг заведующийининг бажы чек ле килеи тазай берген. Эмди оның эки кулагының эмеш ўсти jaар ла јиткезин эбира бир эмеш чач арткан дежет. Онызы да кўл ошкош боро ло очомик неме.

Быјыраш сары чачту инженер Коляла не болды не?.. Владимир Бугуевич оног ёч алган болбай?..

Владимир Бугуевич тон ло тенек кижи эмес, уйалбай жиит инженерге нени айдатан эди. Бир де эрмек айтпаган. Же јаныс ла оның иштеп отурган кыбына эмди кирбес, кап-чыт удура да тушташса, колын беририп, эзен сурабас. Же улусту јерге учуража бергенде, не де болбогондай эзендежип, каткырыжып турар. Онызын мен бойым канча ла катап көргом.

— А ол Зоя Захаровна баштаган келиндер?..

Жеткердинг ёдип келгенин Владимир Бугуевич билген ле бойынча, бир күн кожно иштеп турган келиндерге кокырлаган айас мынайды жарлаган ла жартаган эмтири:

— Санаалу улустың бажы эрте тазайтанды. Менинг бажым, Сократтың бажы чылап, тазап жүрерде, быјыраш кара чачыма килемей, база бир, эп-сүмемди тургуза ла тузаланып, бажымды килтиреде килемей алдым, келиндер — деп, озогы кебине кирип, омок каткырган. — Мен бодозом, менинг тас бажым жаңыс ла Сократтынына түтөй эмес, а бистинг ончобысты башкарған жаан кижининг де бажы ошкош... Ондый ба?..

— Ондый, ондый, Владимир Бугуевич! — дежип, келиндер тургуза ла заведующийиле јөпсингендер.

Олор эмди Владимир Бугуевичтинг келип жатканын көзноңктөң көргүлөп ле ийгенде эмезе онын танылу алтамдарынын табыштары ла угулза, «Бистинг ойгор Сократ келип жат» — деп айдыжарына түкү ле качан темиккилеп калган. Же Владимир Бугуевич быјыраш кара чачын корып аларга болуп, энгирлер сайын бажын тakaанынг отөгиле сүрткени керегинде кунукчалду кинчекти олор, байла, качан да укпаган ла билбес болор.

Байрам Кудирмеков

Тууларда чыкканыс, тууларга жаңарыс

(Бир бөлүктүү пьеса)

ОЙНООР УЛУС:

Бубай Судурович Аразов — јиит специалист, 22 жашту.

Айсана Аруновна Абысова — јиит врач, 22 жашту.

Арун Анатович Абысов — колхозтың баш зоотехники, 50 жашту.

Керес эмдиги бийдө Туулу Алтайдың бир јуртында өдүп жат.

Шоордың јымжак ўни кидим иштинг божогонын жарлайт. Шоорго комыс кожулып, ўн алыжат. Кайда да ыраакта топшуур ойнойт. Онын ўнин гитара солып, романстар чойлötт. Бирде тыңып, бирде токтоп, чурана олордон артпайт. Шоордың күүзиле көбөйгө ачылат.

Алтай. Жаан изүй ай. Туулардың баштары ажып бараткан күннин чогына јүзүн-жүүр бігдөрлө кызарат. Тенери чанғырайып, је энгирдиг абына туттурып, көгөрніп, бочомик бігдөрлө там ла койылат. Ыраакта айлдардың ла туралардың сомдоры. Сценанның түбинде турал жэкигиле, оны курчаган чеден каалгазыла көрүнет. Ортозында чиби ле кайын бозот. Каалганың бойында алтайдың ағын жураалган. Сценанның сол жаңында жаан агаши туранынг келтейи көрүнет. Туранын ачык көзноңинен радиоланың ўни угұлып, кезикте тыңып, кезикте араайлайт. Кенетийин жииттинг ўрұжи угудат. Чеденди ажыра калып, Буубай кирет. Ол гитаразыла жииттен коруланат.

Б у у б а й. (ийтти токтодот). Тайгыл... Тайгыл... Араай дедим...
Кижини канай таныбай турунг...

Ийттинг ўрүжи там тыңыйт.

Санаанды көм чыгарган?.. (Араай). Санан, Буубай!..

Ийттинг ўрүжи токтобойт. Буубай кармандарын күрөт. Бир болчок шоколад чыгарып, ийтке таштайт.

Je, нököp, эт, калаш јок. Ундып койтырым. Бир јаманымды ташта.

Ийттинг ўрүжи токтой түшти. Буубай кайкап, ийтти аյыктайт. Радиоланың ўни база араайлай берди. Буубай шымыранат.

Бодон!.. Улуска сүркүштедип, амтажып калтырынг. Бойдонгдордон не ле чыгар... **Je, je,** Тайгылым, анай ла jöp . Кем јок эмтириң... Эмди, Тайгылым, мененг öскө кижи бейин божотпо.

Радиоланың ўни тыңыйт. Кандый да эр көжөнчү сүүш керегинде кунукчылду кожонгдойт. Буубай ийтле жакшылажып, чибинин төзине келет. Кожоң божой берерде, Буубай гитаразын алыш, кожонгдойт.

Алтايымда — Яаң-Öзөктö
Агаш айыл бар.
Айылдан келдим бу айылга
Сүүгенимди сөстööргö!
Бу айылдын тör бажында
Кайым отурат.
Байдан куда түйка сакып,
Кызын жакып каруулдайт.
А ол кёөркийдин каткызынан
Бойдон уулдар санаа јок...
А ол кёөркийдин кожонынан
Бастыра улус табыш јок...
Айсанам, мен сүүнип jöryüm,
Айсанам, мен кёкип калдым,
Jaңыс jaрап каткынг учун
Jаш jöryümимди сыйлаарым!..

Радиоланың тыңып келген кожонынаг гитараның ла Буубайдын ўни угулбай барат. Буубай токтой түжүп, кайынга чыгарга саннат. Ол кайынды кучактай алала, онын терезин юкarterодороло, эриндерине жаба тудуп, тоорчык чылап эдеть. Узак бى öтпöй, радиола араайлайт. Буубай токтой түжүп, тураланг чыгып келген кижини күрөп ийеле, кайын ажыра жакынат. Чибинин жанына Айсаны чыгара jötgürин келет. Ол эжикти, каалгани, ийтти күрөп, ары-бери базып, айыктанып, тындалана берет. Ары жанынаг Буубай öнгölбöl, Айсананың эки көзин алакандарыла жаба тудат.

Айсана (чочып). Эне-е... Бу кем?

Буубай. (Айсананың качарларынан окшоп). Кай энемде баш јок.

Айсана (Буубайды ийде салып) Бу шилемир канай кирген. (Ийдине кыйгырат) Бу көрмөсти не кийдирген?..

Ийттинг кынзыжы угулат.

Буубай. Кижининг нöкөрин арбаба.

Айсана. Бу чеденди канай аш келген?

Буубай. Ажыра учуп келдим. Баштапкы јенүүмле уткып ий. (Кожондойт).

Алтайымда — Көк тайгамда
Аргымагым бар.
Арка-таштар, түрген суулар,
Айлу түндер, болужаар...
Айсанам, мен кёкип калдым,
Айсанам, мен сакып јадым,
Јантыс јараш каткынг учун
Јаш јўрүмимди сыйлаарым!..

Айсана. Мангдайынг калынг эмтири.

Буубай (кожонгын токтодып). Онгдободым.

Айсана (шоодылганду). Карганды тоорчыктан таныбай баргамда, уйадаганым бу турбай. Тоорчыгаштын ўнин јакшы ёткөнип јадаар... Бийик чеденди аш келгениер, казыр ийтти ёт чыкканар... Кем јок эмтиреер.

Буубай (кайкаган бойынча чоколдонып). Кар... Кар...

Айсана. Чын, чын... Каргандар тууларыста көптөйт. Олордын ёйи јуукттайт ошкош... Бистинг айылды көстөп, кандай түбек сестеер, былар?

Буубай. Јак... јакшы... лар ба.

Айсана ёткүн ўниле каткырат. Кайда да чурананынг ўни угулып, јуукттайт.

Бу та јамандаган сөстөр, та мактаган сөстөр... Онгдободым. Јок, бу кыстардын кылышын кижи кайкаар. Сөстөп келзе — ачынгылаар, јандырып турза — ыйлагылаар...

Чурана там ла јуукттайт. **Буубай** тынгададанат. Айсана күлүмзиренип, Буубайды аյктаат. Кенетийин Тайгыл ўрүп баштады.

Айсана. Тайгыл, улус коркытпа!

Буубай. А-а...

Айсана. Нези а?

Буубай. Бу бойдош кайда јакшы ойноп ўренип алган?..

Айсана. Бойдошынг кем?

Буубай (токынал). Эмилдинг уулы — Амыр.

Айсана. Сенинг ўренчигинг эмес пе? (Чурана ойто ойнойт).

Буубай. Билген болзом, эзеннең ары ўредер эдим. Іакшы болзын! (Эжик жаар ууланат.)

Айсана. Буубай!

Буубай. Ой, экем! Не болды?

Айсана. Кижининг санаазын ачындырып ийзен, билеринг... (Кыйгырат.) Тайғыл!..

Ийттинг ўрүжинең чурана ырап, јлыйат.

Буубай (Айсананы кучактап.) Ой, экем!

Айсана. Акыр, акыр... Бу городто кижи не келген?

Буубай. Кожо ѡскён асатпайымды көрөргө...

Айсана. Асатпай?.. Асатпайың не?

Буубай. Цыпушка.

Айсана. Цы-пуш-ш-ка-а!..

Буубай. А слер «Алтайдың чолмонын» кычырбай турганаар ба?

Айсана (Буубайды ийде салып). Іакшы, јакшы ба!

Буубай (колчабып). Іакшызын...

Айсана. Неге сүүнип јадын?

Буубай (кожондойт).

Ончолорын озолойын,
Омок кысты уурдайын,
Энем сүүнзин, той јарлазын,
Онча улус јыргазын!..

Айсана. Кем јок эмтири.

Буубай. Откүн жарап каткыгар кайда?..

Айсана. А?

Буубай. А-а... Карганның ўнин карган укпай. Алдырбас, «мен тоорчык» деп кижи бойын көкидип те јүрзе јакшы. Кандый једип келдеер?..

Айсана. Слердин болужаарла јет ле келдим.

Буубай. Айтканаарга быдан болзын. (Кожондойт).

А ол көёркийдин бијезинен
Бастыра уулдар санаа јок...
А ол көёркийдин каткызынан
Бастыра улус табыш јок...

Айсана. Төртинчи класста кожно ўренеристе сененг јобош уулчак јок болгон эди...

Буубай. Куда-ай... Менинг бала тужым санаанга канай оролгон?..
Айсана. Эмди кандый жарап болуп калганг.

Буубай (тилин көргүзет). Јараш па?
Айсана (ачынып). У... Тилинг де өзүп калтыр...
Буубай. Тили узун кижиңин санаазы кыска. База ла мени ёчоп пö?..
Айсана. Кижиге мактатпас кандый кижи болгон...
Буубай.

Айсана, мен сакып јадым,
Айсана, мен кёкип калдым,
Јаныс јараш каткынг учун
Јаш јүрүмимди сыйлаарым!..

Айсана. Сени эмдигенче цыпушкалаганча деп уккам...

Буубай. Менде андый кылых јок.

Айсана. Је ачык санааңды айдып ий.

Буубай. Кемге?..

Айсана. Меге.

Буубай. Ой, экем...

Айсана. Канча кыс сөстöдин?

Буубай (ачынып). Слер база ла ёчоп пö?.. Ё-ок, алты-јети кыс сөстöör Патей эр эмезим. Ол жайым ойлор өткөн. Эмди јүрүм ѡскö-лонгён... бааланган... Ат ўстине јурт төзöп, алчайып јелер аргам јок.

Айсана. Је бойзын, бойдош...

Буубай. Акыр, акыр...

Айсана. Акырын акыр ла артсын. Бу јараш јүрүмде јажына күүк болуп канай артар?..

Буубай. Ондодым.

Айсана. Бийик ўредүге санааң јеткен. Эмди кыстардын јажыдын билбей бардаар ба?..

Буубай. Сöök берейин чөлдейдин бе, сös айдайын угадын ба?..

Айсана. Је бойзын, бойдош... Цыпушкаларынгды бойынг көр. Олорды кабыргаганча болбос.

Буубай. Мындый сости мен газет те, радио до ажыра јарлабаган эдим. Мындый копты кайдан уктын?

Айсана. Асатпайлардан.

Буубай. Копко бүткен асатпайымды ла сени.

Айсана. Је, акыр...

Буубай. Асатпай ойис ёт калды. Уя тартар ёй келди.

Ыраактан чурананынг ўни ле кыстардын кожонғы угулат:

Кејим сынду кара ат
Кемнинг ады болгой не?
Кече келген јаражай
Кемге күүнин салгай не?
Каскак јөрле салерзе,
Камду изин кем табар?
Караңгай түнде салерзе,
Ол экүни кем табар?

Айсана. Олорды база сен ўреткен бе?
Бүубай. Олорды Эмилдинг уулы, Амыр, ўреткен.

Кыстардың көжөнгө.

Эдер күшта не жарашиб?
Эдил ўндү күүк жарашиб.
Эр улуста кем сүрлү?
Эптү айдар уул сүрлү.

Учар күшта не жарашиб?
Учкур мүркүт ол жарашиб.
Уулдар бисте кем сүрлү?
Учурлап айдар уул жарашиб.

Бүубай. Эдил ўндү күүк болуп, төрөл јуртыма жанып келдим.
Ырызыым, байла, мында...

Айсана. Же эмди айдар сөзинг јок болзо, эки будыңды алчайтып,
эки колыңды талбайтып, гитаранга минеле жаңеер. Валя деп соёги јок
кайлыгынг-цыпушкан сакып жат. Беленинче сөстөп ал.

Бүубай. Тыфу!.. Мындый алкышты мен Улалуның базарынан да,
Ойрот-Тураның автобустарынан да укпагам.

Айсана. А Алтай-Тураның ресторанда болбоноор бо?
Айса «Чуйские зори» деп газетти кычырбай тургандаар ба?

Бүубай. Ой, бала, кулагымды килезен. Айса врач кижи болуп,
кижининг јүргегин шыраладып турган болдын.

Бүубай Айсананы күчкөткөп, окшоорго санапат.

Айсана.. Акы-ыр! (*Ийде салып.*) Таң жарып келди. Улус көрүп
иийбезин...

Бүубай. Улустанг уйаларга уурданып јүрген кижи јок.

Айсана Буубайдың жаагына тажыйт.

Бүубай. Ой, экем!

Айсана. Ойинен озо изибе.

Бүубай. Кем изий бертири?

Айсана. Эмеш токто.

Бүубай. Сен база изий бертириң.

Айсана. Төгүндебе.

Бүубай. Көстөрингнин кара будугы кызара берген.

Айсана. Чын ба?

Айсана күскү чыгарат. Көрүнет. Уул кысты окшойт.

Бүубай. Жакшы ба...

Айсана. Тыфу!.. Көрмөстинг сөзи де сарјудый... Танг ат келди. Жан ары, күрүм.

Буубай. Күрүм эмес, күлүк дезеер...

Айсана. Же калас ёй өткүрбей, жан ары... Онон ѡскё апчыйажым чык келзе, булутка жетире учеердин.

Буубай. Апчыйажынг не?

Айсана. А бу слер «Сельская новь» деп газетти база кычырбай турганаар ба?

Буубай. Онгдодым.

Айсана. Онгдогон болzon, эмди жан.

Буубай. Онын меге туарар ба?

Айсана. А экү туштажып ийеер.

Буубай. Онгдодым. Кем?..

Айсана. Апчыйажым ба?

Буубай. Апчыйажынг.

Айсана. Боксер.

Буубай. Разряды?

Айсана. Мастерге кандидат.

Буубай. Мененг артпайтыр.

Айсана. Күрешчи.

Буубай. Разряды?

Айсана. Биринчи.

Буубай. Мененг артпайтыр.

Айсана. Мечик тееп жат.

Буубай. Буттары тынг эмтири.

Айсана. Кожончы.

Буубай. Кожончы?

Айсана. Фортепиано, баян, гитарала ойноп жат.

Буубай. Көргөйис.

Айсана. Бийечи. Зональный конкурсста баштапкы жер алган.

Буубай. Мененг артпайтыр.

Айсана. Ўч тил билер.

Буубай. Кандый тилдер?

Айсана. Алтай, орус, энглиш.

Буубай. Уйан эмтири.

Айсана. Уйан?

Буубай. Эсперантоны билбес.

Айсана. Эжинип жат.

Буубай. Өкпөзи тынг эмтири.

Айсана. Адып жат. Городтогы мааргандарда сый алган.

Буубай. Көзи курч эмтири.

Айсана. Шахматчы.

Буубай. Разряды?

Айсана. Биринчи.

Буубай. Мененг артпайтыр.
Айсана. Теннис ойнол жат.
Буубай. Кем жок эмтири.
Айсана. Сыны — бир метр сегизен эки.
Буубай. Мененг эки сантиметр кыска эмтири.
Айсана. Алтан размер бөрүк кийип жат.
Буубай. Мангдайы калыңг эмтири.
Айсана. Кандый-кандый?
Буубай. Ё-ок... Аттың бажы оноң јаан.
Айсана. Сенинг бажыңг кандый эт?
Буубай. База — алтан.
Айсана. Же экү түңгей эмтиреер.
Буубай. Слер мени база ла очоп пö..
Айсана. Жок-жок... Жаман сананба. Же апчыйажым кандый эмтири?
Буубай. Сенинг айтканынгла болзо, кем жок эр деп айдар керек.
Су-кадыгын көрзө, бийик кеминде... Спортчы... Комсомол беди?
Айсана. Жок.
Буубай. Партияның члени бе?
Айсана. Партияның членине кандидат.
Буубай. Жүс-чырайы кандый?
Айсана. Кеберкең, тилгерек...
Буубай. Экү түңгей эмтири丝.
Айсана. Бийиркең, тögүнчи, жалканчытан кылыш жок.
Буубай. Жакшы кылыш-јаңду эр эмтири.
Айсана. Же эмди јаңеер.
Буубай. Ё-ок туру!
Айсана. Көп түйлаба.
Буубай. Ол кара-куланы көрбөгөнчөм јанар аргам жок. Апчыйа-жынды кычыр!
Айсана. Уйан кижи эмтириң.
Буубай. Уйан!?.
Айсана. Ачынчак...
Буубай. Сен тескери сös айтпа. Апчыйажынды кычыр!
Айсана. Буды-колынды санан. Бүгүн носилкалу јаңеердин.
Буубай. Менде керегинг жок. Көргөйис...
Айсана. Бойың бил.
Буубай. Бойым билерим. Мен бодозом, оның мында эдетен не-мези жок. Билгири элбек, культуразы бийик, бийик ўредүлү... Оның јү-рүм-тарташкызы Туулу Алтайдың тös городында ѡдор учурлу.
Айсана. А сен? Бийик ўредүлү, элбек билгирилү, бийик культура-лу кижи мында нени эдерге келген?
Буубай. Мен төрөл колхозыма көп тұза экелер аргам бар. Аш-курсактың программазын кем бүдүрер?

Таң туку качан јарый берген. Іурт уйкуданг ойгонот. Аттардың киштежи, уйлардың мөбрөжи, койлордың маражы угулат.

Айсана. Уктың ба? Кандый төрөл күүлөр.

Буубай. Бу күүлөр кулактарымды көп эркелеткен. Күч ойлөрдө ийде-күчти төрөл јуртынан алата. Мен киленгекей, керсү, јалакай, ачык-јарық уул болгом. Јаан городто, ўредүде бу кылык-јаңым учун улустанг көп шыра көргөм. Мен көп түкүрткем, көп кыйя көрдүргем. Ол тушта, ўредүнинг баштапкы јылдарында, бойыма ачынып, бу буудакты ѳдүп чыккам. Эмди кызыл дипломду төрөл јуртыма јанып келдим.

Айсана. Ўредүчилер кайкады ба?

Буубай. Ўредүчилер мени тооп, оскө көслө көрүп сүүнгендөр.

Айсана. Јакши керекти ўредү де ажыра эдип салтырынг. Эмди сенинг кийнинген барган балдарга тоомылу јаан јол ачылар...

Буубай. Айтканынг келзин... Же эмди ол кара-куланы ойгос.

Айсана. Эмдиле бе?

Буубай. А нени саксыр.

Айсана. Же.

Айсана тұра жаар жүгүре берди. Буубай зарядка эдет. Ары көрүп, чибининг будагынан колыла тартынат. Бу ла ойдö Айсананың адазы тұразынан чыгып келет.

Арун Анатович. Јакшы-јакшылар ба?

Буубай (очып). Јакшылар. Слерде јакшы ба?

Арун Анатович. Јакшы.

Буубай. Бир јаманымды таштагар, Арун Анатович.

Арун Анатович. Не болды?

Буубай. Ачу таңла слерди тоқынатпай келгенимди јаман көрбөйр.

Арун Анатович. А-а, алдырбас... Бис, колхозчы улус, эрте туруп јадыс. Городтогы улуста кандый солун бар?

Буубай. Ўредү божогон. Городтот јанып келдим.

Арун Анатович. Чындал, экзамендер божоды ба? Күндердинг ѡдүжин... Кыра ижиненг јанғы ла божогоныс, эмди Ѳлонг-чоп эдер ѡйедип келтир.

Буубай. Йиит специалист колхозто тузазын јетирер аргазы бар ба?

— Арун Анатович. О, слер бисти сүүндирдеер!.. (Кыйғырат.)
Айсана!

Айсананың ўни. А!

Арун Анатович. Айылчы келди. Отурғыштар экел.

Айсананың ўни. Же-е.

Арун Анатович. Слердий мүркүттерле бис партияның јакылтазын бүдүрерис.

Буубай. Айтканап келзин.

Эки отурғыш тудунган Айсана көрүнет.

Айсана. Іакшылар ба!

Буубай. Іакшылар. Слерде јакшы ба?

Айсана. Іакшы.

Арун Анатович (*күлімзиреніп*). Танышаар.

Буубай. Буубай Судурович Аразов.

Айсана. Айсана Аруновна.

Арун Анатович. Колхоз јаандаган. Улус бой-бойлоры билиш-пей барганда, иштеерге күч боло берди. Чай белен бе, Айсана?

Айсана. Белен, ада.

Арун Анатович. Экел. Айылчыны күндүлеерис.

Айсана тұра жаар жүтүре берди.

Буубай. Айсананың ўредёзи кандый?

Арун Анатович. Ол кижи быýол медицинскийди қызыл дипломло божотты.

Буубай. Утқып јадым.

Арун Анатович. Быйан болзын.

Кичинек стол тудунған Айсана көрүнет. Столычактың ўстинде чайник, әйак, алмаларлу тарелка, калашту жаан әйак жалтырагылайт.

Айсана. Іакшы отураар. Мен үй саарга барып јадым.

Арун Анатович. Же.

Арун Анатович чай уруп, айылчыны күндүлейт.

Буубай. Специалисттер јеткил болбой?

Арун Анатович. Кайдан база. Улус јетпей ле жат. Жаскары баш агроном бистенг кочти. Бу жуукта зоотехник кижиғе качып, колхоз-тон ырады. Колхозтың экономизин райком алдырып, öскө ишке көстöди. Председатель Сибирьдин колхозторының зональный семинарына барды. Мен ол ёрёённинг ордына удурумга отурып јадым.

Буубай. Керек күч турбай.

Арун Анатович. Бу айалганы аймактагы јамылар јакшы билер. Олёнгö киргелегисте, олор эбін таап ийбей. Эмди сендій јиит-жиит уулдар жуулза, колхозтың ижи јалбыштанып чыгар.

Буубай. Жашоßкүрим кандый иштейт?

Арун Анатович. Жашоßкүримле не болзын. Слердий специалисттердин кийнинен кайдаар ла баарар.

Буубай. Клубтың ижи јакшы ба?

Арун Анатович. Культураның институтын божоткон жаны ба-ла келген. Омок бала турған.

Буубай. Уулдар, қыстар сүйнзе, иш те јылар.

Арун Анатович. Чын эмей. Слер айыл-јуртту бедеер?

Буубай. Андый санаа бар ла. Квартира жынынан керектер кандый?

Арун Анатович. Квартиналар бар. Кыс ла сөскө кирзе, той-
жыргал кайда баарар...

Буубай. Кыс бойы јоп. Ада-энези кайтпагай.

Арун Анатович. Кыс ла јоп болотон болзо, артканы бойы ке-
лер... Сендиј эрге кем качпас!.. Керек болзо, мен бойым кудалаарым.

Буубай (*сүйнүп*). Слерге јаан быйан болзын!

Арун Анатович. Керегинг бүткен болзо, айла конторага кел.
Угузу бичигингди бичип, квартираны көрүп, бийик амадуларыңга јет деп
бастыра јүргегимнен күүнзеп јадым.

Арун Анатович туралар базат. Буубай калаш алыш, ийтке таштайт.

Буубай. Је, Тайгылым, төрөгөн болуп јадыс. Бу туралар кудалар
келер! Таныбаачы болдын?

Буубай ары болуп, эжик жаар базат.

Көжөгө

КӨЧҮРИШТЕР

Махмуд Дервиш, Муин Бисису
(араб поэттер)

ИЗРАИЛЬДИН ТАНКИЗИНЕ БИЧИГЕН ПИСЬМО

Бичийдис сеге,
сенинг айса бистинг тынысты
ок кыйгалакта.
Бейрутты чаксыраткан
калганчы олжочыга
Бис — онынг коручылары
бичийдис сеге.
Бистинг јүрүмиске,
көстөристиң жажына
шықап ийген оғынг
Санаанда сенинг
Гитлердин концлагерьлерин
кайданг эбелтсин.
Бичийдис сеге.
Бажыска урулган
түбектинг адынан
некейдис сененг:
Канча кире
сен бисти, бойынгды
кыйнайтан болгонг,
Кабыргаларысты сындырып,
көстөристиң чогын очүрип?
Канча кире бойына
оро казып,
анда уйаланаар болдынг, солдат?
Бичийдис сеге
Бейруттан,
алтыгы ороонноң,
Блокада деп атту
бу туујыдан
катап ла катап сени шылайдыс:
Кем сен,
öскө уулусты базынган?

Кем сен,
 темирдинг ичинде јуртаган?
 Кем бис, бу тууыдан айдынган?
 Бичийдис сеге,
 сенинг айса бистинг тынысты
 ок кыйгалакта.
 Темирдинг ичинде солдат,
 сен канзырайдын.
 Сенинг темир күйагынг
 темир буттарлу,
 Же бойынга сеге
 кезикте коркымчылу эмес пе?
 Оодылар немени оодып салдынг,
 ѡлгөндөрди ѡлтүрип салдынг.
 Сеге коркымчылу эмес пе?
 Сен оододынг,
 же түнгей ле онон
 бойынг оодо соктырарынг.
 Сеге коркымчылу эмес пе?
 Сен — межиктинг ээзи,
 сенент бойынгнаң ѡлüm карайт.
 Сеге коркымчылу эмес пе,
 сеге коркымчылу эмес пе?

Исикава Такубоку
 (япон поэт)

* * *
 Сакыбаган јанынан
 Тымык деп солун айылчы
 Тымырап түшсе јурекке,
 Частынг да болзо шанкылтын
 Чат макалу угарынг.

Бёгин ачып ийгемде,
 Черийне јыды тиьерде,
 Куру ичим корт этти,
 Чек јоксыру билдири
 Күнүкчыл бу јүрүмим...

* * *
 Сүүри тууга мен чыктым.
 Сүүнгениме эрик јок
 Бёрүгимле јаныдым.
 Же канайдат, катап ок
 Јерге түштим, јабыска.

Эки најым бар эди.
 Экилези мен ошкош.
 Эмди ѡлди бирүзи.
 Щоксоzi түрмө түбинен
 Щолбозёк чыкты, бараксан.

* * *

Аштап-суузап јүргем туш.
 Ач куйругы күү булгуш
 Ээзи јок бир ийт-эркеш
 Эреетип меге јууктаарда,
 Эрий түштим бир эмеш.

* * *

Иштен, эт, түртүн!
 Је оног кандый таза, тап?
 Јенгилбейт јүрүм...
 Эки колым аյыктап,
 Эренгис калдым чат кайкап.

* * *

Байла, түбек темдектүү.
 Байлу-чүмдү бир имдү
 Бажым кайыр жар кептүү:
 Күнүң сайын тобрагы
 Күлүреп араай төгүлөт.

* * *

Көк-аяаста кайылган,
 Көрүнбей, тараап жайылган,
 Көөркүй бойынг ыш-жүлүн,
 Кемге түнгөй көрүндүн?
 Кебим, айса, сен менин?

* * *

Мен поездте бараткам.
 Лаптап көрзөм, вагоннынг
 Кондукторы јаш түшта
 Кожо ўренген нöкөрим
 Болгонын жаны таныдым.

* * *

Санаама кирет качынынг
 Айдатан бир куучыны.
 Актуга бир ёрёкён

Жүрүмин канай ўреген...
 Тон санаалу, курч учун!

* * *

Деремненинг тенеги —
 Шак онойып нöкөрим
 Тöс городто көрүнди.
 Уч те күн отпöди,
 Ўйге жана бурылды.

* * *

Козим оорый бергенде,
 Кара көстүк кийетем.
 Шак ол туштаг бери мен
 Кем де көрбөс этире
 ыйлап алар мар тапкам.

* * *

Журтка јууктап баратса,
 Јол жакалай обоо таш.
 Быјыл, байла, база ла
 Койу, узун ѡлонгдо
 Көмүлип калган болбайсын.

* * *

Јок, канайтсам да,
 Мен сени ундыбазым,
 Тöрөл Сибутами јуртым!
 Мениле сенинг тууларынг!
 Мениле сенинг сууларынг!

* * *

Кыраларын саткылайт,
 Туранларын саткылайт,
 Тудуш ачу аш јуткулайт...
 Онойып божойт улузым!
 Олорго јүрек тартылат,
 Онтоп ачу сайылат...

Кайсын Кулиев
(балкар поэт)

СООЛГОН СУАЛГЫШТЫҢ КУНУГЫ

Соолгон суалгыштың кунугын
Энир билер, танг билер,
Кырлар, коштой ёскөн ёлөң билер,
Суузын оның ичпезе де.
Соолгон суалгыштың кунугы,
Оның түбеги ле оның сызы
Жаткан ташты да кыйнайт,
Суу керек јок деп,

ол чертензе де.

Соолгон суалгыштың кунугы
Сен — кажы ла түбектинг кебери.
Учы-түбинде ончозына једеринг,
Суунгды сенинг ичпезе де.
Соолгон суалгыштың кунугы,
Жакшыны сенен сакыба.
Оскö кижининг түбегине
Јаныс ла тенек каткыргай.
Соолгон суалгыштың кунугы
Ончо улусты сүрнүктirгей.
Айылдажыңды түбек табарза,
Сени кёндүре ол кайдан

öttköй.


Соолгон суалгыштың кунугы...
Кем түбектенг кыйыжар?
Ачу-коронног кайда барап?
Соолгон суалгыштың кунугы,
Сенинг түбегинг, менинг түбегим.

Давид Кугультинов
(калмык поэт)

* * *

Бойының туулган күнин
Кем де эзедип болбос.
Бойының калганчы күнин
Кем де билбес.

Эки чийү, эки кемжү,
 эки элес,
 Кемиске де бистинг
 таныш эмес.
 Бастыра телекей,
 ёйдинг түрген маны,
 Түн ле түш — ончозы,
 бу эки чийүнинг ортозы,
 Ады онынг —
 кижининг јүрүми.
 Бистинг санаасла болзо,
 Ўзўлер онынг јанғы јок,
 Көрүнер-тудулар учы јок.
 Аныайып,
 ёлёр салымду кижи
 Ак-ярыкта жакына артат.
 Бирүзин ол јүрүмге жайайт,
 Бирүзин ыйлап,
 калганчы јолго ўйдежет.
 Же бойы кижи ёлбойт.
 Ол јанғыс ла јүрүм јүрет.



Магомет Гекки
(балкар поэт)

Быыл жаан изү айдынг ичинде бистинги
 Туулу Алтайга балкар поэт Магомет
 Гекки айылдан јүрди. Ол алтай бичи-
 чилерле кою бистинг областының көп
 јурттарыла јорыктап, албаты-юнло туш-
 тажып, алтай ла балкар албатылардынг
 карындаштык колбулары керегинде куу-
 чындал, бойынык келер бйдоги ле эмди-
 ги творческий ижи-тожы керегинде
 шүүлтөлөрин айткан.

Эмди, күндүлү кычыраачылар, бис
 следри онынг бир канча ўлтерлериле
 тапшырып турус.

* * *

Сен Поззияны сүүген,
Гарсия Лорка,
Гарсия Лорка.
Сен от-жалбыш ўлгерлер бүдүрген,
Гарсия Лорка,
Гарсия Лорка!

Ол не ол? Тынга точка,
Гарсия Лорка,
Гарсия Лорка!
Је Поэттинг јўрўми узун-узун,
Гарсия Лорка,
Гарсия Лорка!

Поэттинг тының ёнгзўре окко ўзўлер,
Гарсия Лорка,
Гарсия Лорка!
Је оның кеен тыныжын кем ўзер,
Гарсия Лорка,
Гарсия Лорка!

Мёнкўликтинг јажыдын сен билеринг,
Гарсия Лорка,
Гарсия Лорка!
Сен ўлгерлерингле фашизмди ёлтўрген,
Гарсия Лорка,
Гарсия Лорка!

Сен Испаниядый јебрен ле юит,
Гарсия Лорка,
Гарсия Лорка.
Сенинг энчинг келер ёйлёрдö,
Гарсия Лорка,
Гарсия Лорка!

ЈАНГЫ ГАЗЕТТЕР

«Јанғы газеттер,
телекейде жаңылык собурлар,
Жаңы кубулталар
ороондо жилбилү солундар...»

Эртен турагы јолдорло,
оýгонгон оромдорло
— Элес эдеть уулчак
кыйгыбыла — кожонгло.
«Јаны газеттер,
телекейде јанылык собурлар,
Јаны кубулталар,
ороондо јилбилү солундар...»
Јылангаш буттары онын
тилинен артпайт,
Јылу калаштын акчазын
олор тапкылайт.
«Јаны газеттер!
Телекейде собурлар!
Јаны кубулталар!
Ороондо јилбилү солундар!»
Түжиле базытка
буттары торт уладаган,
Түжине ононг улустар
калаш сурагандый арадаган...
«Јаны газеттер, —
кыйгырат ол уйкуда, —
Јаны кубулталар...» —
Јарлайт ол уйкуда.
Энгирде эски газеттерди
ол јабынчы эдеть,
Эдиреп, бажына ол
газеттерди оронот.
«Јаны газеттер —
кару солундар,
Јаны кубулталар —
је эски шыралар!...»
Јылангаш буттарына онын
кийдирер ѡдүк таппай,
Кырынгытып улаарган
онын сырсак сүрин кучып албай,
Грандар ёткүре, талайлар ёткүре
Менинг ичимде ачынчым кайнайт.

* * *

Жангыр јолло тадырадат,
Жарыш-марыш эткилеп.
Убактар жүзин жүнгүлайт
Узун чедендерден көргүлеп.

Узун чедендерден көргүлеп,
Узак жаш тұжымды зблет.
Оскө кумакка тепсей тееп,
Озёндөй мөндүрлер соккон эт.

Озёндөй мөндүрлер соккон эт
Озёгимде агајымды... Каным кадат.
Жоболың унды, керек пет...
Жолло жангыр тадырадат.

* * *

От-калапка жалдадып,
ОНТОП болот шыркыраган.
Олғондёр соғи жер бүркеген,
Тирүлери олорды күрдий кечкен...

От-калапка алдырып,
ОНТОП болот шыркыраган.
Очомик көгөлтирим жалаңдар тынчыған
Олғондёрлө сеелип, канла сугарылып,

Оның учун олөң-чöп, ёрө ёскöр,
Олордың эзимин томылтып.
Арба, будай, шуулай бергер
Адалар күүзин ойгортып.

* * *

Жер ле тенгерининг уулы эдим —
Жылдыстар ойынында туулгам мен,
Жангыр ла жотконның уулы эдим —
Жалкындар күйүнненда туулгам мен.

Жер ле тенгерининг уулы эдим —
Жер ле тенгериде ийде-күчим,
Жангыр ла жотконның уулы эдим —
Жалтанбас тартыжаачылар сүүгем мен.

* * *

Оңжүк ле јылу түштүктинг түнинде
Ӧзök-сындарынгда ѳдöдим, Балкария.

Арсыл кайаларынгда салкын күүлэйт,
Айлынг ўстинде јылдыстар күйгүлэйт,

Алма агаштарынг айландаира чечектейт,
Ағын сууларынг карайлап түшкүлэйт,

Тууларынг баштарына ай отурат,
Түйук садтарынгда тоорчыктар кожонгдойт.

Јас ла ёзүмле оморко, карыба,
Јанғы ёйлөрдö ичкерле, Балкария!

Кайран Балкариям ўргүлji турзын,
Карындаштар билезинде там јаранзын.

* * *

Ээн калган Эл-јурт ўстине
Эрте карып кайынгдар энгилет.
А бис кара чачтарыс тараидыс.

Ээн калган Эл-јурт ўстинде
Эзинге јалдадып, кайалар касталат.
А бис чактардан јарылбай чыктыбыс.

Георгий Кондаков

Бистиг јерлекис Георгий Кондаков кóп тоолу бичик-тердиг авторы. Ол калганчы бйлөрдö јарлу алтай јурукчы Чорос Гуркин керегинде бир ўўр ўлгерлер чўмдеген. Олордынг бир канчазыла бис кычыраачыларды таныштырып турус.

АВТОСҮР

Јурукчыда автосүр јок.
Јураарга ол бойын мендебейт.
Күндер ѳткүлэйт, ѿй чек јок.
Күрөнг маанызын күс кёдүрет.

Амырды таштап, иштенер ле керек,
Адар таннанг ала бут бажында.
Ал-санаада јаңыс Алтайы кереес,
Автосүр оноң, кажы бир тушта.

Мынданагы қырлардың јаражы кандый эт —
Мыйгак чийбegen ару карлар.
Түулук төрөлине учурлалган портрет
Турумкайын ченеер, эрчимин алар.

Бастыра күүни этюд-јуруктарда,
Бастыртат бисти ол тудала колдонг.
«Хан-Алтай» ла «Јаны јер» айса
Кару Төрөлине артабас кожон.

Жедимдериле тыңзынбайт бир де эмеш,
Же ол ырысту: јүргегинде — Алтай,
Жылым кайада турган баатыр мөш
Жылдарга кеберин јуралтып салгай.

ҚЫЗЫЛ ЭҢГИРДЕ АЛҚЫЖЫМ

Үстимде турган тенгери, адылбаар,
Үлүүмди жайнап мүргибейин тегине.
Шыпшазаар, айса шыркам жазылар,
Шыркам айса жазылар, же оноң не?

Бос-Эрликке? Бүтпезим. Слер амтажып,
Бозу-торбок сойдырып, кöп лö јигенеер.
Кöёркүй улустың кёлдий јажын
Кöрөргө макалу ба? Белен килеерееп!

Кöк аяаста кöк тенгери,
Ак-аяаста ак тенгери,
Айткан сөстөримди слер онгдол,
Айса болужараар, же не ойндо?

Ченелтеденг, шырадаң јалтанбай туарым —
Чертенген ѡолымда менен артпас олор.
Слерге бажырдым, мүргидим, тууларым,
Сүнемнинг бузулбас сүмери болзоор.

ОНЫҢ ЖУРУКТАРЫНДА ТУУЛАР ТЫНГЫЛАЙТ...

Оның журуктарында туулар тынгылайт,
Орчыланг элкемине оошкы сомдолып.
Жарыжып суулар, көлдөр тымырайт
Жараттарына жетире тенериле толгылап.

Будуктары оның кандый чокым ла өзүре!
Бир-эки ле катап холстко тийерде,
Мөштү чөбрөзининг козырын танысырынг,
Мөлтүреп чагананың кайылып тамганын.

Ойғо кардың чыт базылганын сезеринг,
Өлөң арада суучактың шорлоок ўнин.
Оның журуктары кеен, кайкалду эмдий.
Ол кеендик арутайт јурегисти эмди.

СОЛУНДАР СОНГОДИЙТ

Тываның аалдары солунла толо,
Түйкайын дейттери көчүп јадар.
Жарынчы ламаның көргүриле болзо,
Jaаныркак Унгериннинг балы бадар.

Кородолду јүс одус күннинг бажында
Конкорылып калар коркышту барон.
Абыстың айдыңыла, каран, башайас
Атанган жери оның — алтыгы ороон.

А сенинг шүүлтенг кандый, Чорос,
Айлы-јуртынга жанарың ба, эй!
Ламалар, айса, коногынгды чотоп,
Лаптап жарыннан кычырып бергей.

Лопе де Вега

СҮМЕЛҮ КЫСТЫҢ СҮҮЖИ

УЧ ОЙЫНДУ ЛИРИКАЛЫК КОМЕДИЯ

(*Ужалганы*. Бажы «Торко жай», «Алтын күс», «Тан Чолмон», «Бай терек»,
«Чанкыр Кадын», «Чанкыр жылдыс» жуунтыларда)

Херарда

Айдарда, ол слердинг најыгар туру не?

Фениса

Слерге оның күүни соогон деп ачындыгар,
А меге јүс катап ононг ачу.
Чын, менинг адым Фениса болор!
Үстисте кудай көрзин, кандый күч ооруум!
Уят јок тантма мени электеген!
Ол меге берген черт сөзин бускан!
Акту јүректен мен ого бүдүп,
Айыл-јурт тудуп биригер болуп,
Мен ого база сөзим бергем ине.
Кандый уйатка түшкен эмежим
Ак-јарық эмди карагүйлана бергендий.
Јок, мен мыны анайда арттырбазым.
Актуны ак-кара јок мекелеген,
Агару чегин тобракка тепсеген
Кара јўстү уйат јок тантма
Кыйалта јоктон кату буруладар
Мен ононг очимди түнгей ле аларым.
Мен бүгүн ле оның адазына болзо
Öчöшкённинг очошкёндö öнötтийин баарым.
Кара-баткадый ачу-коронго
Мен ок чылап ол түжүп, шыралазын.
Аа јок Люсиндоны сүүген болзогор,
Алыгар оноорды, ары кедери барзын.

Херарда

Андый болзо, слер Фениса турараар не?
Бойоор до билбей меге јаман эткенеер бе?

Фениса

Сөзим бер турум, эмди качан да
Мен оныла ойто тушташпазым,
Мен слерге эмди чаптык болбозым.

Херарда

Сеньора, тен ол түзелер кижи эмес.
Андый кара санаалу уйалбас тантма
Ак-јарыкта эмдиге бүтпеген
Эки јўстү эдү-шилти ол.
Слерди бождордонг до маат јок.

Фениса

Андый јелбистинг обына
Ойто киредим эмеш пе.

Баш ла бол, бу да мекези болгой.
Адыгар слердинг айла кем болор?

Х е р а р д а
Адым менинг Стефания.

Ф е н и с а
Ак-санаалу капитанды эмди
Аайлабай јабарлаган эмтиirim.
Адаарды мен алдында да уккам,
Айдышканы төгүн болбоды.

Х е р а р д а
Айдарда, јүс јок таңманы оны
Айлаардан тургуза ла сүригер эмди.
Анан башка адаарды уятка салар.

Ф е н и с а
Анда куучын да јок. Оны адабагар.

Х е р а р д а
Андый болгондо, эм мен барайын.
Эртеде эјеме једалайын,
Эм тургуза анда јадарым.
Эмди мынанг качар керек меге!

Ф е н и с а
Менинг слерди тудар учурым јок.
Је, байла, кийнинде көрүжер болбойыс?

Х е р а р д а
Оо, слер меге чындык ўүре болдоор.
Андый эмей а. Кайдоён чыгайын?

Ф е н и с а
Бери. Бу жакытту эжик төён.

Х е р а р д а
Ак-айастынг алкыжы јетсин.

Ф е н и с а
Айтканаарга быйан болзын.

Х е р а р д а

Эмди ончозын мен билерим.
Кандый кысты Люсиндо сүүгенин
Керектери олордың кандый болгон...
Олордың тойын јайрадып салдым.
Акыр ла, Люсиндо, сен меге туштаарың.
Үлүүң ол тушта сен менен аларың.
Кандый Фениса јараш кыс эмеш!
Каным курулат, öкпö-буурым күйгендий!
Ого туштазам, ол јерге öлтүрерим.

Х КÖРГÜЗҮ

Фениса жаныскан кожондойт.

«САЛҚЫНЫ КÖП САЛЫМДА»

Салқыны кöп салымда
Санаанарым мен сени.
Жотконы кöп јолымда
Јоксынарым мен сени.
Кöстбөриңнинг кök ажын
Кöрбайтöним бу туро.
Кожон кептү коо ўнин
Уклайтаним бу туро.
Эбирилбес эм адынг
Эдин артты эрдимде.
Кöрүшлейтен кöстбөриң
Кöрүлип артты кökсимде.

XI КÖРГÜЗҮ

Фениса, Люсиндо

Кайран кöёркийим, тарынба јибе,
Акара-баш јоктон мынайды киргенимди.
Бис түңгей ле удабастаң экү
Бир болуп биригип, јуртаарыс ине.
Айдарда, мен сенинг колдорынгнан алайын,
Ак-ярык алдына эжим деп айдайын.
Капшай, кайраным, тышкары барапы.
Карета балконның алдында эм туро.
Бис экү эмди учурта берерис.
Бир де кижи танып, тудуп болбос.
Бу сен кайттың? Не боло берди?

Фениса

Канай мен кörötöм мыны ончозын?
Слер түжэнген болдоор, сеньор?
Анаң башка канайып турганаар?

Люсино

Бу неме атазы боло берт?
Фенисам, айтсанг, аайлабай турум.
Түрген атанар керек ине.
Капшай баар, мантадар керек.
Бу сен эмди канайа бердинг,
Мениле кожо качар болуп
Кече ле сөзинг сен бердинг не?

Фениса

Санаама кирбейт.

Люсино

Канай турунг? Токто!
Кече ле бис экү эрмектештис не?

Фениса

Эйе, эрмектешкенис.

Люсино

Не деп јоптöштис?

Фениса

Мен — капитаннынг, а слер — Белисанын,
Мен слерге чаптык этпезим деп.

Люсино

Бу канайа бердин? Тен эдреп турунг ба?

Фениса

Эдрени деп эм нени табарга.
Бойыгар сөстöп, онынг колын сураганаар —
Керечилер толтыра.

Люсино

Айдарда, сенинг тузагынга түшкем бе?

Фениса

Мен капитанга баарга јёбим бергем.
А слер меге ёй ада болороор,
Ајаруга алыгар: мен оның эжи,
Сеньор, мыны билигер деп сурайдым.

Люсindo

Бу нени сен эмди айда бердин?
Керек мынай божоорын мен билгем бе?
Озо баштап сен мени сүйле,
Адамды јетирүчи эдип алдың не?
Оноң эненгди мекелезин деп,
Ойто ло сен мени јөптöдинг ине?

Фениса

Карганакка качып јатканымда
Кандый да слердинг керегеер юк.
Энемле јуртаарга эрикчелдү болзо,
Экpineер эмеш јабызадыгар.
Энемнинг јажы јаан болгой.
Эрке Стефаниядый эдек јайылып,
Эрлер истеп, ол јүгүрип билбegen.
Слерге јиилектинг јыдығаны јакшы ба?
Сакып алыгар, оның ѡгёни
Суралтаар берерге, слерди бедрейт.

Люсindo

Аа, эрмегинг јанғы јарталды!
Аайы-бажы юк күнүркеп,
Аамайтый бергенинг ондоzon эмди.
Стефания — менинг Эрнандом ине.
Кыс кижи эдип оны кийиндириле,
Бис экү Прадо паркка барганыс.
Мынайда ненинг учун эткенисти
Кийинде сеге јартап берерим.
Мен сени чын ла мекелегем дезен,
Бу ўстибисте агару кудай алдына
Кöс юк сокор артып калайын.
Кöрнöö отко мен күйейин.
Анда, паркта Стефания эмес,
Оскö кийимдү Эрнандо болгон.

Фениса

Слер мени эмди тузактап болбозоор.
Калас јартап, öй öткүрбөгөр.
Онынг ордына айткананаа аайынча
Менинг адам болорго мендегөр.
Энемди ээжилү алып јаткан кижи
Эрке кызына адазы болор ине.

Люсindo

Эндөлдинг бе сен?

Фениса

А сен эндөлдинг бе?

Люсindo

Айла улааргам ба, айса түш јерим бе?

Фениса

Улаарган болзоор, тынг кыйгыраар.
Уккан кийнинде слердинг адаар,
Менинг öгөёним, болушка келер эт.

Люсindo

Кудай ла де, оны јаныс адаба!

Фениса (туура)

Кök јарамас! Ол јетпей турган мында!

Люсindo

Эм канайдатан? Бычактанатан ба?

Фениса

Эм не бычактанатан?

Люсindo

Айдарда, канайдатан?

Фениса

Алатан эжигерле биригип, јуртайтан.

Люсindo

Бүгүн мында болорым деп,
Кече мен сеге сөзим бергем,

Айткан сөзимнег мен чыкпай,
Ак-чек сенинг алдынга келгем.
А сен мени мекелеп салдынг.
Адама баарга јазанып јадынг.
Үй улустың сөзи кей дегени
Үргүлжик чындык деп јаны билдим,
Сере бүделе, как куру калдым.
Ак-јарыкта эмди карантайда јүрүм.
Јаныс түнгей ле бу төгүнинг сенинг
Јарталып, учында шорлу артарынг.
Нени эткенинг — ол тушта ондоорынг.
Сагыжынг кирип, јакшы бодонорынг.
Эмди, карын, меге тарынбагар.
Адазы барда, уулы не керек,
Акту јүректенг ого барыгар.
Је сыргалыжмынг энезиле мени
Алыжып јурттайтан аамай деп бодобоор!
Сени чын сүүшле сүүген учун
Адам мени Мадридтенг сүрген.
Је торт Лиссабон дöён јүре берейин
Једеген јашту Белисаны алганча.
Айдарда, ырысту артыгар, бар јадым.

Јүре берет.

XII КОРГУЗУ

Фениса јаныскан

Фениса

Ай! Кудай! Сеньор! Тураар!
Јок, јок, ол төгүнчи, бүдерге болбос!
Танма ары ла кедери тайылзын!

XIII КОРГУЗУ

Фениса, Эрнандо

Эрнандо

Сеньора, бери уксаар!

Фениса

Је, не керек болды?

Эрнандо

Кеберкек чырайаар не бүркелген?
Күлүмзиренип ииер, яражай сеньорә.
Бу менинг ээм кайда барган болотон?
Ол бери слерге келетен болды не?

Фениса

Ол мында бололо, эш неме јок барган.

Эрнандо

Эш неме јок барган?!

Фениса

Ол јастырып турган эмтири —
Оны мен сүүбегем ине.
Оның ордина сен торт меге
Јажыrbай айдып бер:
Ол Стефанияла таныш па?

Эрнандо

О, ойто ло менинг ады-чегим адалат!

Фениса

Ненинг учун сенинг ады-чегин?

Эрнандо

Менинг эмей, кемнин? Стефания — мен инем!

Фениса

О, кудай! Стефания сен бе?

Эрнандо

Мен эмей. А слер билбезеер бе?
Бир катап бис сеньорымла экү
Прадо паркка соотол барганыс.
Оноң арчуул ла плащтың болужыла
Мен ўй кижи болуп кийингем.
Стефания болуп не кубулгам дезе,
Бир даманы күнүркедер керек болгон,
Јажыrbастаң чынды айдайын:
Люсиндо слерге туштаардан озо
Ол дамага көзин салган болгон.
Эмди дезе акту сөзим бер јадым,

Оны Люсиндо күрөр күүни јок.
Күйкүй эмди күнүркеп, калуурат.
Канча да ыйлаза — калас керек ине!

Фениса (*туура*)

Бу немези эт? Мыны канай онгдайтон?

Эрнандо

Мадридтинг ичинде мен билерим, сеньора,
Ал ла санаазы оның жаңыс слерде,
Оның эрреени — керсү тынаар, кебереер.
Ого туштайла, нени айдайын?

Фениса

Ах, билбейдим. Энем келип жат.
Жүгүр капшай.

Эрнандо

Кайда бу дöön лö.

Jүре берет.

XIV КОРГАЗУ

Фениса, Белиса

Белиса

Фениса, ол байагы сеньор
Жаңы жүре берди.

Фениса

Је не болды? Ол нени айтты?

Белиса

Оны каткырбай айдып та болбозын.
Ончозын айтса, тал каларын.

Фениса

Чын эмеш пе? Куучындагар капшай.

Белиса

Ол кижи сенен ал-санаа јок!

Фениса

Кандый капшай бу?

Белиса

Ананг арыгызын айдар да эмезинг.
Алатам, сени сөстöйтöм деп тур.

Фениса

А ол байа эмeeенин сүрүш келерде?

Белиса

Онызы кёк тёгүн неме.
Ончозын ол дама тапкан.

Фениса

Айдарда, бу күнүркеш пе?

Белиса

Эйе, андый болтыр не.
Бирүзи күнүркеп, бирүзи кородоп,
Экүлези билерге турган немези:
Бирүзи — кемле оны тёгүндегенин,
Бирүзи — кемле эјези наýлашканын.

Фениса

Кем «ол» кижи? Кем тёгүндеп турган?

Белиса

Кем деп? Кей Люсиндо эмей!

Фениса

Бу тал-табыш, чур-чуманак
Јаныс Люсиндоның учун эмеш пе?

Белиса

Бойым да мен оны күнүркеп јадым.

Фениса (туура)

Темей күнүркеп, юлымда
Тентирилдим, канайдарым эмди,
Jaстырала, ырызыман
Jaстыгарым ба эмди мен?
Jок турул! Jалтанбас күйн-санаам

Жана баспас — буудактар алдына!
Түнгей ле санаама мен јединерим,
Кайран Люсиндоло кожно боловым.
Качашкан болзо, шак бу јerde
Эки карганак эптү-јөптү бисти,
Алкыжын айдып, бойлоры бириктирир.

(Белисага)

Байагы ўй кижининг эрмегин уккам.
Батаа, кандый кара санаалу кижи.
Кижи күүни, килемјизи бир јок,
Айткан сөзи ачу-короннынг бойы,
Улусты ўштөштирир, кериштирир тилдү...
Айла, чынданап, Люсиндо кел јүрген.
Слерди сүўп, иженип турум деген.

Б елиса

Чын эмеш пе бу?

Ф ениса

А чын эмей: ононг айткан,
Адазыла куучындашкан деп,
Адазы ого тың чуулданган эмтири.
Ого ўзереи слерле алышсын деп,
Ол јёбин база бербей ят.
Андый болзо, сеньора слер экү торт ло
Жажытту алыжып алзаар, артык болов.

Б елиса

Эйе, мен онызын бил тургам,
Бистинг алышкарыс ол чын, јаратпаган.
А ненинг учун деп? Сен билеринг бе?
Городто коптоожор деп коркыган ине:
Адазы кызын алып јуртаарда,
Уулына тул энезин ол берген деп,
Канай мен Люсиндого туштажайын?

Ф ениса

Бүгүн энгирде ол слерди
Туштажуга келzin деп сураган.

Б елиса

Мыны канай онгдойтон?

Фениса

Абыс алдырып, бүгүн энгирде
Альжарының жаңын бүдүретен.

Белиса

А кудай, карангүй кир калган туре не!

Фениса

Андый болзо, капшай кийинигер!

Белиса (туура)

Сүүнгенимнен аамайтый бергендейим!
Калак ла кокый! Акыр тың сүүнбес!
Күйүнчек немелер кижикин ырызын базийер!

(Фенисага)

Кайда, мен барып, кийинип алайын.
Jaан учурлу керекке јазанып алайын.

Белиса

Эйе, слер јаранып, кийинип алаар.

(Белиса барат)

Кайран сүүгенимле ырысты болорго
Кандый буудактарды мен ёдёдим!
Кату ла јаскалчык бу јолдорло
Кайра болбос јүректү барадым!

(Учы келер јуунтыда)

Василий Шукшин

БОРУЛЕР

Воскресен күнде ачу тангла Иван Дегтяревко оның кайын адазы Наум Кречетов келген. Jaан карыгалак, эмди де тудунар күчтү, «элебеген» ёгён. Айла сүмелү, ёдүрим де кижи. Иван кайын адазын сүүбейтен: кызы эмес болзо, Наум оны күйүленбес эди.

— Бу не ыкташ, уул? — деп, Наум јардак унчукты. — Эхха!.. Тал-түш жет браат, Ваня... Же мындағы улус кандый конгон?

— Жетсе жеткей ле. Бүгүн неге менгдеер.

— Канай «неге менгдеер». Тур. Одындан бар келеек. Бригадирден

арайдан јадып, эки чанак сурал алдым. Канай беле-ен алына берген болор деп. Тегинду эмес ине, уул. Је кайдалык оны — одын керек.

Иван турбай, эмеш сананды... Онон кийине берди.

Бот, мының ла учун јииттер город јаар качып турбай — деп, ол пеккеге кургадып койгон мыймазын түжүрди. — Городто быжу: норманды бүдүрип кой — колың карманда. Ондо кижиғе амыралта бергилеп жат. А мында дезе түни-түжи кармактан. Тпүк, выходной до јок.

— А не? Одын јок отурага ба? — деп, Иваның ўи Нюра шарт этти. — Көрзөөр оны. Ого белен ат, белен чанак экелип бергилеген, ол дезе... База не керек?

— А ол город деп немегерде база иштеер керек дешкилеп тургуглаган эмес беди? — деп, кайын адазы «тыйт» этти.

— Айса. Иштебей. Мен эмди ле јер казып барап эдим. Акту күүнимле. Онон бот сеге: белен суу, белен одын.

— Онызы бир стананза јакши ла — белен суу, белен одын. Јангыс ла ол тушта сен уйкудан' ѡрё күн көрбөс эдинг. Тулуптала семирип калган јадар эдинг. Је акыр, калыраш јеткен. Атанаак.

— Ажанарың ба? — деп, ўи сурады.

— Ок.

— Не, кече база ла... бир эмеш пе? — деп, Наум мангдайын, јүргегин тудунды.

— Ондый, югён, ондый... Артык канай турган болор деп.

— Је бу не? Не? — деп, ол токтоду јок түкүринет, айткыланат. — Је барапы.

Јаркындалган көк айас күн турды. Карга көс кылбыгат. Аркада тымыктан тым, амырдан амыр.

Јол ыраак, јирме беристе кире бар: онон јууктагы агашты јыктырбай тургулаган.

Наум јол баштап, озо баратты.

— Је бу не? Не? — деп, ол токтоду јок түкүринет, айткыланат. — Је бу неге јараар јүрүм? Агаштын ортозына јадала, кижи алтай түбинен одын тартар. Је бу не чак?

Иван дезе чанакка јайкадып, ўргүлеп барадат.

Айландыра агаш ла агаш. Ылгый кара карагай. Јарык аянды өдө коноло, кыр ѡрё бурыйлыар. Ойто ло агаш ла агаш — чыт эткен тайга

— Је бот, кырга чыгып ла баратканча... Танталар көрүнди ле. Бежү. Јолдың кырында сакыгылап алгылаптыр. Бөрүлер.

Наум адын токтодоло, араайын арбанып ийип калды.

— Эх, јазыбалар... Бот сеге — сакыбаган тушташ... Эненди сени...

Иваның ады, ортогой тай, ўркийле, тескерлеген бойынча, атанаар јанында буды оломодон чыга конды. Иван кайра айланар деп, боожозын тарткылады. Ат ачу киштеп, текпилене берди, је буды оломого ойто кирбей турды.

Бөрүлер санды төмөн кыймыс эттилер.

Наум чанагын та качан ортозында айландырып ийген:
— Бу кайттың? Түргеде! — деп, ёдүп јада кыйгырды.

Иван түже калыйла, — та кайдан күч келген, — адының будын оломого кийдирип ийди. Онон түрген ле чанак јаар күп јыгылды... Ат бойыла айлана соголо, саңды төмөн шунгұрттып ийди.

Наум чик јок ырап калтырып.

— Тоногылап јат! Болушка-ар, болушкар! — деп, аай-коой јок багырып, адын токтоду јок камчылап баратты.

Бörүлер чанактардың бажын корый аларга, кырды төмөн борондо жоғылбырт эттилер.

— Тоногылап ја-ат! Болушка-ар! — деп, Наум чанакта багырганча ла баратты.

«Бу канайда берт? Санаазын ычкынып ийген болбозын — деп, Иван сананып калды. — Мында кем кемди тоноп јат?» Бу тушта ол коркый берди. Та кандый да саң башка коркыду болды: бörүлер јара тартып ийбезин деген коркымчы да болды, бу керек неле божоор эмеш деген јаан жилбиркеш те бар болды, бу ла ёйдö кайын адазына каткызы да келди. Же удабай ол жилбиркеш те, бу каткы да ундылып, јаныс ла коркымчы артып калды. Бörүлер чанактан жüs метр кирде жолго чыга конгылайла, чörкөлижип ийеле, јеп-јенил јаба жеткилеп келеттилер. Иван чанактың бажынан чыт атпактанала, бörүлерди ширтей кörүп отурды.

Эң озо эң ле јааны, күрдек көгүстүзи, казыр јүстүзи келип јатты... Чанактан он беш-жирме ле метрде. Иван бörү ле ийттинг башказын сезип, јаан кайкап калды. Иван алдында бörүни јуугынан кörбögön, оны овчарка ла ошкош, же јаныс онон эмеш јаан тынду болбайсын деп јүретен. Бörү — ол бörү, казыр аң деп јарт сести. Кандый да тудаган ийти кап-тудардың кажы јанында канайып та токтодып, коркыдып ийер арга бар. А бу шилеенди јаныс лаölüm токтодор... Же бу ла келип јат. Ыркыранбайт та, коркытпайт та. Јаныс ла јаба једер, јара тартар деген санаазы бар. Тегерик сары көстөрининг кörүжи де чике, јарт.

Иван чанакты аյқтайды сокты. Керек дезе чырбагал да јок. Малтапар экилези кайын адазының чанагында. Бар неме јаныс ла тóжёк эткен бир тудам ёлбң, колында — камчы.

— Тоногылап ја-ат! — деп, Наум багырат ла.

Иван чын ла коркый берди.

Алдындагызы, байагы ла бörү, байла, башлыгы болбайсын, чанакты озолоп, ат јаар калыырга јазанып келди. Ол јаан ла болзо, эки метрде болгон... Иван чанактың канат агажынан түдүннана, ол башлыкты камчылап ийди. Бörү мыны сакыбаган болгодай, тиштери тарс эдип, туура ташталала, маны ўзүле берди... Арткан бörүлер оның ўсти орто келдилер. Ман бажына айлана соктылар. Байагы бörү отура түжелес, азулары кылас эдип, эки бörүни чийе сокты... Онон айрылып чыгала, чанакты јеп-јенил јаба жетти. Иван ойто ло онгдойип, камчылаарга јаза-

нып алды. Же бөрү чанакка јууктабай, ыраагынанг аттың бажын коруды. Бу тушта база бирүзи чанакты камчы јанынанг кыстап келди. Иван тиштерин тиштенип, јэзи шолжырайа берди.

«Божогон. Олүм деп неме бу». Ичкери көрди.

Наум адын камчылап ла баратты. Кайра кылчас эделе, бөрүлер күйүзин эки јандай кыстап алганын көрүп ииди. Же түрген ле көрбөчинг болды.

— Тоноп жа-ат! Тоноп жа-ат!

— Эмеш араайла, ада!.. Малтаны бер!.. Бис олорды ала согуп ийерис!

— Тоногылап жа-ат! Тоногылап жа-ат! Болушка-ар!

— Араайлат!.. Аргаданып ийерис!.. Араайлат дейдим, ийт!..

— Нени-нени ташта! — деп, Наум удура кыйгырды.

Баштаны бөрү атка тенгдекип келди. Эмди ле калып ийер... Кий-ниндеги бөрүлер база мында. Ат јыгылза ла, олор чанак јаар бойлоры ла кийдире калыгылап келгилеер — ол тушта олүм. Иван бир тудам ёлён таштап ииди; бөрүлер оны керекке де албады.

— Ада, араайлат deerde! Малтаны чач, чач!

Наум кайа көрди.

— Ванька!.. Көр, таштап јадым!..

— Араайлат! Оозын тарт!

— Көр, таштап јадым! — дейле, Наум малтаны јолдың кыры јаар таштап ииди.

Иван келиштире чоттол алды... Чанактаң калыган бойынча, малтана ала койдыш... Ол калып ийерде, кийниндеги ўч бөрү ўркийле, туура ташталдылар, онон кижи јаар калып ийерге, токтой түштилер. Же бу ла тушта баштаны бөрү кату күртке тебинип, ат орто чураг барды. Ат јолдон туура бололо, күртке бадалып калды. Чанак антарыла берди. Оломолор комутты айланыра толгоп ийерде, ат шыйкыннактап, текпилепе берди. Камчы јанында келип јаткан бөрү аттың алды јаар кийдире калыла, курч тырмактарлу табажыла оның ичин тиле согуп ииди.

Иванга јазантан ўч бөрү эмди ат јаар болдылар.

Эмди олор бежү эмдиге ле текпиленгенче малды эдин јара тартылап, ыркыранылжып, јитана буулаган көк-кызыл ичегелерди ак кардың ўстиле сүүртегилей бердилер. Башлык бөрү тегерик сары көстөриле кижи јаар эки такып жап-јарт көрди.

Бу болгон ончо керек коркышту түрген болды. Керек дезе түш жериндегидий бодолды. Иван — канайтын база — малтазын тудунала, бу торо бөрүлердин менгдештү ажаныш-јыргалын көрүп турды. Башлык бөрү ол јаар база такып көрди. Женёни алдым деп маказырап, канайып та болбозың деп шоодылганду көрди... Иван бого ачынган бойынча, малтазын талайганча, бөрүлердин ўсти орто чурап барды. Бөрүлер бир ле эмеш ырайла, канду оосторын јаланылап, тура түштилер. Кижини олор кичинек те керекке албай тургандый бодолды. Же башлык

бөрү онон чек көс албай турды. Иван оны бойы билер эн коркышту сөстөриле айткылап, каргай берди. Малтазын жаңып, ўсти жаар басты... Же бөрү кыймыс та этпеди. Иван база тура түшти.

— Ийт бёкөзиле бок блаап жиир. Ондый ба, шилемирлер? — деди. — Же тығынгыла, сволочтор! Карылгылап кал! — дейле, жаар базып ийди. Жара тартыртып койгон ат жаар көрбөсkö албаданды. Же чыдашпады — көрүп ийип калды... Жүргеги ачу чым эделе, кайын адазына ай-коой јок жаан ачынып чыгала, ичи-бууры кодорылып, коскорылып келди. Жолды төмөн түрген базып ийди.

— Акыр ла!.. Сакып ал, тирү јылан. Экү болгон болзоос, бөрүлөр бисти канайып та болбос эди. Ат тирү артар эди. Кайран ат... Ух, ўзүт.

Наум күйүзин бурылчыкта сакып алтыр. Онызы тирү, канайтпаган да једип келерде, чынданапка ла сүүне берди:

— О, кудайга баш! Тирү турбайын — деди. Чала кемзинип унчукты.

— Тирү эмей база — дөп, Иван унчукты. — А сеге не, жара тартылап койгон болзо, жакшы болор беди?

Наум күйүзининг кыйгак сезип, күн эртеде чанакка отурып алды.

— Же не?.. Олор ондо... канайткылап жат?..

— Сеге алкыш айтсын дешкен. Олгён тере эмтириң сен!

— Бу канай турун? Оозым ла бар дейле, бодоп ўрдүртпе!

— Менде оос то бар, алакан да бар — дейле, Иван чанакка јууктап келди.

Наум адын камчылап ийди.

— Тур! — деп, Иван кыйгырып, кийнинен јүгүрди. — Тур, паразит!

Наум адын ойто ло камчылай берди. Өскö сүрүжү башталды: кижи ле кижи, кайны ла күйүзи сүрүжип келетти.

— Тур дейдим сеге! — деп, Иван кыйгырат.

— Бу канайда бердин? — деп, Наум удура кыйгырат. — Бу сенде санаа бар ба? Не тиижип турун? Мен нени эдип ийдим?

— Нени эдип... Экү ол атты аргадап алар эдис. А сен...

— Канай аргадаар эдис?! Нени айдадын? Санан... Канай аргадаар болорыс деп...

— Ух, олгён тере! Сеге эмеш ўредү керек эмтири. Токtot — түнгей ле качып болбозын. Бого ло сабап салайын. Эмди ле... жаан уят болбос. Онон ѡскö улустын көзинче теерменди берерим. Куучындап берерим. Токtot — сеге килеп айдадым!..

— Эье, «токtot». Белен токтоп берерим мен сеге! — деп, Наум адын камчылап ла баратты. — Көрмөстинг элчизи... бу мындый эдү биске кайдан табылды. Тирү кинчек баштаган.

— Тур дейдим — бойынга жакшы болор! — деп, Иван арый берди. — Бого ло суруунгды кандырып койойын. Кемге де айтпазым.

— Сени, кызыл-ылангаш тербезенди, кижи айлына кийдирип алар. А сен дезе кижиғе — малталу... Уят кайда?

— Уйат... Озо јазап, јакшы илгиндең койойын. Уйатты онң көргөйис. Тур! — деп, Иван ыраак артып калган, уур јүгүрип келетти. Онң чек тура түсти.

— Кайда да барбазынг. Бышкыны берерим! — деп, кайын адазына калганчыда кыйгырды.

Иванның айлында кижи јок болды. Эжиги сомокту. Ол сомокты ачала, турага кирди. Шкафты калырада тибирди... Кече жетире ичпеген кабакты табала, стаканга урала, јык этирип алды. Онң кайын адазының туразы јаар басты.

Чеденнинг ичинде комудын алып койгон ат турды.

— Карын айлында эмтирип — деп, Иван маказыранды. — Эмеш аластап койор керек.

Эжикти ача тартты — ачык эмтирип. Ол күрчектүй болор деп бодогон. Кирип келди... Оны сакыгылаган эмтирип: турада кайны, Иванның ўйи ле милиционер отургылады.

— Је не, Иван?

— А не?.. Коптонып койгон бо? — деп, кайны јаар көрди.

— Айса. Качан ортозына јудунып алган?

— Бир эмеш... тилге јенил болзын деп — дейле, Иван отурып алды.

— Бу сен канайып турунг, Иван? Сенде санаа-укаа бар ба? — деп, Нюра туруп чыкты. — Бу кайттын?

— А кайттым?.. Адангыла ўредип койор дедим не. Эмеш кижиге түкней болзын деп.

— Токто, Иван — деп, милиционер унчукты. — Је жеткерге учураадаар. Коркыгылай бердигер. Онң не болды? Ондый болор деп кем бодогон? Казыр аң слерди база айлатсынба.

— Јок, бис атты аргадап алар эдис. Мен дезе јаңыскан...

— Мен сеге малтаны таштап бердим ине? Артык база не керек? База не керек сеге менен?

— Көп тө неме керек јок болгон. Меге чындык кижи керек болгон. А сен дезе ёлгён тере. Ўредерим мен сени.

— Ўредүчи меге јаныла табылган туру!.. Чимирик. Јокту-јойу тербезен. Көрзөн оны: белен јилик-бөйрөккө учурайла, кёкип чыккан. Онң белен суу, белен одын керек deer.

— Керек мында эмес, Наум — деп, милиционер айтты. — Белен суу, белен одын — ол не дегени?

— Ол деремне — јаман, городто артык дегени — деп, Наум токтодынып болбой турды. — Ондый кижи бого не келген? Городы јаар тайыла беретен. Ончо неме ого јарабас. Ондый кижи јаныс ла Совет јангага удура улус түймедер!

— Бот јыдымар! Чынла јыдымар! — деп, Иван тудунып болбой, туруп чыкты.

Милиционер база туруп чыкты:

— Токтогор! Экилегер токтогор! Бараак, Иван...

— Ондый кычыткак түймечилдерди кайда сугуп турган, билерин бе? — деп, Наум тилденгенче болды.

— Билерим! — деп, Иван каруузын берди. — Суалгыш тёён. Будын саң ёрө эделе! — дейле, кайны jaар алтап ииди.

Милиционер Иванды колынанг јединип, тышкарлы чыкты.

Токтой түжүп танкылай бердилер.

— Көрзөн оны... Бурулу кижи мен болуп калдым — деп, Иван эмдиге ѡкпööригенче турды.

— Токтодын. Тайарга ба оны...

— Јок. Мен оны ойто ашкарлып койор учурлу.

— Эйе. Оноң темир эжик jaар калырт ла эдип калгайынг. Бокко уй-малба!

— Эмди мени кайда эдерге?

— Бистинг айыл бараак. Конуп ал. Эмеш соо. Оноң ёскö бажынга суу уруунып алдынг. Тийбе ого.

— Јок, юк. Же бу не? Кандый ондый тескери јүстү кижи?

— Ярабас, Иван, ярабас. Жудрукла нени де эдип болбозынг. Оромло базып иидилер.

— А туку кедертине... Ого ўредер керек болгон ине — деп, кенетийин милиционер айтты.

— Кача берген — деп, Иван ўшкүрди. — Једижип болбогом.

— Же бот... Айдарда — токто. Бого — ярабас.

— Ат карам. Кайран ат.

— Карам эмей а...

Унчугыштай узак бардылар.

— Уксан да: мени божодып ий — деп, Иван тура түшти. Воскресенде мен ого нени эдетем?! Тийбезим мен ого.

— Јок, юк. Базаак ла. Жеткер јең алдында. Сеге килеп айдадым. Барала шахмат ойноорыс. Билетен бедин?

Иван танкызынынг учын кар jaар түкүреле, база бирүзин аларга, карманын кодорды:

— Билбей а.

БЕШҮЛДҮКТҮНГ ОЗОЧЫЛДАРЫ

Акча Чамаев

КОИЧЫЛАРДЫН ТОРТИНЧИ УИЕЗИ

Үстиги-Шибергини ёрё јанты кыркыган койлор мендештү чубап браатты. Койлор бүгүн кандый да јенилчек немедий билдирет. Изў күндерде узакка кайчылалбаган кө örкүйлер не аайлу шыралаган. Ка-рын, кыркыткан ла бойынча кече креолин чейген сууга јундурып ийегенис. А бүгүн олор кандый айданыр, кандый јенил барып жат. Олор, байла, алтайында узак болбогон кижидий ле јайгы турлузын, тайга-тас-кылын санап калган болбой кайтсын. Байла, оның учун олор бүгүн сүрекей мендеп барып јадылар. Канатту күш та, туйгакту аң да, азыра-ган мал да алтай јерим deer, саң ла башка неме ине! Јердинг ўстинде јүрүм кандый чүмдү, кандый күч ле јарамыкту кеен эдилген... Койлордынг кийнинен тастайған арчымак артынган, некей тондор бöктöргөн жиит койчы Валерий Клешев ижи-тожын сананып, јортуп отурды.

Ол бүгүн Кызыл-Тыттынг боочызына једип конор. А эртен койло-рын айдаганча јайлузына једе берер. Јайгы турлұнны, малдан болгой, кижи бойы да санап калатан неме турбай. Валеранынг јайлузы Абайдынг бажында јерлердин бүркүзи болгон тасқыл-тайгалардын бирүзинде. Ол кой јайладарга сүрекей эптү јер. Одоры телкем, одын-суузы јанында, јараш ла бай... Валера ол јерлерди јакшы билер. Јаштан ала ада-энэзиле, ага-карындаштарыла кожо келип, кой кабырган јерлер эмей ол. Оның ада-энезининг, Айдыннынг ла Шымсаанынг, алдынан ла бери кой кабырган јерлери — ол Абай-Бажынын кобы-јиги, кош-аркалары ине. Айдынг ёрөкөн Ада-Тöрөл учун Улу јууда туружып, канча јерден шырkalадып, артап калган. Андый да болзо, ол узак јылдардын турку-нына койчы болуп иштеп, мактулу ады чыккан. Валеранынг энези, Шымаа, чын ла «алтын колду» кижи. Ол узак ёйдинг туркунына баш койчы болуп, иште кандый ёйлөргө туштабады деп айдар. Је сүүген ижине бастыра беринген койчылар кандый ла күч кыштан койлорын јакшы чы-гара беретен. Айдынг ченемелди адазынанг — Мааныкы ёрёкённөнг ал-ган эди.

Мааныкы база малчынынг уулы. Оның адазы Улу Октябрьданг озо-ас-мас мал азырап, бойынынг алдына ла јаткан дежетен. Кырлыкта кол-хоз төзөлөрдө улустынг бириктирген койлорын Мааныкы обөгөнгө бү-

дүмжилеп берер эдип јөп јарадылган. Ол эмегени Боролдойло кожо колхозтың баштапкы ўүрин алып кичееген. Олор бастыра 342 тын кой тоолоп алган. Ол ўурде кандый кой јок деп айдар. Башка-башка ёндү, кураанду-кучалу, ириктү-јоонду ла карганду-јииттү ёлло-чоокыр ўүр болгон эди. Койчылардың кичеенип иштегендериң улам колхозтың койы ёскён. Ол койлордон колхозтың көп ўүрлери төзөлгөн. Јаны төзөлгөн колхоз јадын-јүрүмде јозок болгон, көрүмжилү ижи учун Клев Шев Мааныкы Москва jaар выставкага барып јүрген. Кой ёскуреринде бийик једимдери учун укту малчи Лениннинг ордениле кайралдаткан. Ол улу башчының сүр-кебери јуралган орденди Кан-Оозы аймакта баштапкы ла алган кижи болгон. Мааныкы ла Боролдој јаны јүрүмнинг баштапкы ырызын көрүп таныган, коммунисттердин улу партиязынын ойтор шүүлтезин ондогон баштапкы улустың тоозына кирген.

Олор карып, јажы једе берерде кичееп турган койлорын јаан уулына — Айдынга бүдүмжилеп берген эди. Айдын да койчының јегил эмес ле чүмдү, ижине јаштаг ала ада-энэзиле кожо иштеп ўренип алган. Онын шылтузында Айдын ла Шыммаа иштеп баштагандарынан ла ала аймактын талдама койчыларынын тоозына кирип туратандар. Айдынгын билези јетинчи, сегизинчи ле тогузынчы бешъылдыктарда аймактын талдама малчыларынын тоозына киргөн. Олор койчи болуп 21 јылдын туркунына иштеп, төрөл колхозына, онон совхозына јаан тузалу иш бүдүргендер. Олор Мааныкынын «мал ижин чачпай, кичееп иштеп јүреер, балдарым» деп, керес келтү айтканын ундыбай, онын бүдүрген ижин, эткен керектерин ўзўктелтпей, онон ары улалтып апаргандар. Олор сегис бала чыдаткандар. Балдарының чыдаганы ла мал ижине барып, ада-обёкөнинг иштеген ижин, эткен керегин онон ары көндүктиерге тургандарына Айдын ла Шыммаа сүүнүп, сананып айткан керсү сөслө дö болзо ўредип, јакарып айдадылар. Олордын јаан уулы Анатолий Айдинович бийик ўредүлү ветеринарный врач, совхозтың баш врачи болуп иштеп келгенинен бери удай берди. Геннадий деп уулы база ла кичинектен ала койчи болуп, эмди билезиле алдынан кой алып кичеерге белетенип турулар. Онон кичинеги, Валерий, эмди ада-энэзи јажы једип пенсияга чыгарда, олордын ордына артып, малчынын агару керегин улалтат. Надя деп кызы база койчи. Олордын арткан балдары ўредүде.

Мааныкы ѡрёкённинг мактулу адын ёскö дö балдары јаманга-јабарга салбай, иштинг јакшынак јозогын көргүскилеп, мал ижинде иштейдилер. Кызы Баркышева Майчык алдынан ла бери койчи болуп иштеп, озочып койчылардын тоозына кирген. Майчык кичинек тушта ада-энэзине кой кабырышкан. Онон ло бери ол кой кичеер иштег айрылбаган. Ол торт баланынг энэзи.

Мааныкынын кичинек уулы Стакан — эмди Степан Мааныкынович — бийик ўредүлү зоотехник, ветеринарный техник. Бу уулынын адын Мааныкы ѡрёкён бойы адаган дежетен. Онын уулы бистинг ороон-

до Алексей Стакановтың баштапкайын јомөп, ударниктинг мактулу ады учун, иште јаан мөрбөй, тартыжулар болуп турган ѿйдö чыккан. Бу иштеги јаан мөрбйдинг баштаачызына учурлап, Мааныкы Мааныкович төрөл жеринде улай ла койчы, ветеринарный ишчи ле зоотехник болуп иштеген. Откён јылда ол профсоюзтардың ишмекчи комитетининг председателине тудулган. Стакан Мааныкович јаан биленинг адазы. Ол алты бала чыдадып жат. Олордың јаан кызы Барнаулда јуртхозяйственный институтта ўренет. Арткан балдары ўредүге де, ишке де каданы болуп чыдайдылар.

Валерий Кырлыктагы орто ўредүлү шкоды божодоло, ада-энезининг ордына баш койчы болуп барды. Малчылардың тоозына јаныдан жиит малчы кожулганы Кырлыктагы совхозтың ченемели јаан озочыл койчыларын Кара Урматовты, Александра Киндикованы, Петр Мишкинди, Александр Яграшевти, Владимир Серушевти ле онон до ѡскёлөрин сүйндириет.

Быјыл жиит койчы Валерий Клешев баштапкы јыл тәнг алдынан койкыштадып, оны төрöttөн. Ол 741 койды 99,4 процентке корулап, кажыла 100 койдон 96 курааннан торныктырып алган. Онын кайчылап табыштырган түги бир койго 3240 граммнан келишкен. Мыны уйан једим деп айдарга јарабас! Төртинчи ўие койчылар мындый бийик једимдерге једип алганын Мааныкы ѡрёкөн көргөн болзо, канайып кайкабас, канайып сүйнбес эди!

Улужай Садыков

САЛЫМДУ УЙ СААЧЫ

Барагаштагы совхозтың Шыргайтыдагы фермазының уй саачызы Канакаева Нина Лазаревна — озочыл иштү уй саачы, ол пландарын јылдың сайын ажыра бүдүрип турганы керегинде областной газеттерде көп катап бичилген, радио до ажыра айдылган. Иште жакшынак једимдерге једип турган јерлеким керегинде бичиир деп мен де амадап јүретем. Эптү айалга чек ле келишпес. Быјыл Беш ичи дöён ѡол-жорык боловордо, ѳнотийин ле Шыргайтыга бардым. Ненинг учун дезе, бу ферма государствового сүт табыштырары јанынан он биринчи бешжылдыктың ўч јылышынын планын бүдүрип койгон деп жетирү болгон. Ферма планын бүдүрип койгондо, Канакаева Нинаның да иштеги керектери жакшы болбой кайтсын деп санандым.

Кезикте уй саачылардан «Иш-тош кандый, пландарыгарды канайда бүдүрип турыгар?» — деп сураганда, «Иш жакшы, план кандый бүдүп турганын конторадаң угыгар, ондо айдып берер» дежетендер. Онын учун Канакаева Нина керегинде элден озо бу ферманын бригадири Боделуков Давыд Кильемеевичле куучындажар деп санандым.

Билгир башкараачы бойының баштап, башкарып турган ишчилендинг јаңыс ла бүдүрген ижин эмес, јаткан јадынын да, јүрген јүрүминде жакши билип жат. Оның үчүн сураган сурагымды бир де сананыш, белетениш јогынан жартап берди. «Канакаева Нинаның бистинг фермада иштегени жирме беш жылдан ажып калган — деп, Давыд Килемеевич эрмегин токыналу ўниле баштады. — Сүрекей иштөңкей кижи. Ижин бир де күн божотпос. Иштегенинен бери планын бүдүрбеген јыл болбогон. Он биринчи беш жылдыктың ўч жыларының планын эки јыл он айга бүдүрген.

Ол јаңыс ла озочыл иштүй уй саачы эмес, анайда ок жакшынан эне. Жети уул чыздадып жат. Балдары ончозы жакши — кылыш-јандары да, јүрген јүрүми де јанынан».

Мындык куучынды угуп, эмди Канакаева Нинаның бойына јолыгар, оныла куучындажар деп тергендим.

Күн ёксөп, удура түш болуп калган ёй болгон. «Слердинг уй саачылардын эртен турадагы ижи божоды не? Нинага кижи кайда јолыккай не?» — деп суразам, Давыд Килемеевич айтты: «Эмди айлында борор, мен фермадаң келеримде, уй саачылар көнөк-айактарын јунгулат, жанарага шыйдынгилап турган эди».

Канакаева Нинага јолыгарга Шыргайтының суузын жакалай барган чичекчек јолло ёзёкти ёрё бастым. Сууны эки јандай ылгый ла ўчтөрт катаптан шиферле, јосло jaap койгон jaан, жарашиб туралар. Аланыш-кайдалар чек јоголгон. Јаңыс ла Борбуева Алгыйчы эмегенинг бойыла кожно жақап, элентизи једип калган айлы көрүнет. Ого до ёрөкөн от салбайтап ошкош. Чобралары јантыйрын суузына кайжайа јунулып калтыр. От салып турган болзо, ышка каарып калар эди. Эмди бу јурттың улузы айыл да тутпас боло берген. Стенелерин, бүркүзин јостоп, ичин полдоп, тира ошкош жайгы кухнялар эдип жат. Кайдан азыгы ышту айылдар, ичи ару да, телкем де, жайгыда серүүн де. Көп-көп туралардың јанында тира ошкош јылу гаражтар. Мындағы улуста кандый автомашиналар јок деер!

Алдында јылдарда «Запорожец» алып ийгенде тыңзынгылап туратан. Эмди «Москвичти», «Жигулини» де jaан керексигилебей, «Нива», «Волга» алғылап турулар. Иштөңкей, кымакай улустың јадын-јүрүмийнг јаранып баратканы ол тур.

Јуртка государствоның электролиниязын ёткүрген кийинде улус нургулай холодильниктер алар боло берген. Телевизорды көрбөри уда-бас турлуларга таркаар, ого тутак болуп турган неме — олор jaар электролиния ёткүргелек.

Јурттың ёзүмин көрүп, улустың јадыны јаранып турганына сүүнип, билдирибезинен Канакаева Нинаның айлына једип келдим.

Нина ла оның обөгөни Таркрашев Токпок айландаша штакетникле чедендең салган, јанында jaан айылду, автомашина тирада гаражту је ле деген туранның эжигинде турдылар. Азый бу јуртта мындык jaан тирада

јаңыс ла колхозтың конторазы болгон. Улуста тörtтөн кыптаң болгой, жаңыс та кып тура јок, жайы-кыжы әланчык айылда жатканда.

Эзен-амырды угужып, келген керегимди жартап берзем, Нина мени айлың даар кычырды.

— Слердин турагар бу эмес пе? — деп, бозогозынаң ала јылтырада будып койгон туралың эжиги даар колло уулазам, эмеген-оббогон каткырышты.

— Бу тура эмди балдардың. Бир уұлыс бу јуукта айылду болгон. Бис екү эмди башка турада даар турғаныс.

Балдардың туралың эбіре бассабыс, оның кийин жаңында база жедеген тура турғаныс.

Шыргайтының улусы жаткан туралың жаңында каргандардың туралы деп, еки кыптаң тура тудары жаңжыга берген. Жаңы даанай берген улуска ўч-торттык телкем тура не керек, балдары чыдап, айылду-јұртту боло бергенде, олорды мында арттырып, бойлоры оогош турага көчкүлейт. Ондо жылу да, даанай берген улуска тыш та. Бу билелде мен таныш. Айылдаш өрөкөн ажыра төрөөнзижип те жүретем.

Канакаева Айылдаш Ада-Төрөл учун Улу жууның жылдарында, оның кийиндердеги кату ойлордöй улай үй саачы болуп иштеген. Ол тушта иштеер улус жеткил, эмдигиди техника бар эмес, бир кижиғе еки кижиң ижин эдип, бастыра иштерди еки колдыйн күчиле здерге келишкен. Канакаева Айылдаш үй саап, оның кийинде ферманың сааган сүдин Барагаштагы сары ла сыр жедетен заводко абрали жетиретен.

Барагаш ла Шыргайтының ортозы он километр. Ого канча фляга сүтти жетирип, оноң ойто келетени белен неме эмес, «Айас күндерде, јол курғак тушта не болзың, жастьың балқажында, даардың жаңмырлу күндеринде сүрекей күч болуп туратан» — деп, Айылдаш өткөн ойлордöги ишти эске алышып айдат. Ол тушта ферманың сүдин өрөкөн үйларын саайла абрали жетирген болзо, эмди аңылу кижи автомашинала жетирип жат.

Еки кижиң ижин бүдүрген деп айдарда ла жеңил, же оны бүдүретени күч. Айылдаштың иштенгейин Шыргайтының улусы кайкаждып туратан. Арзырын, тыштанарын билбес кижи дежетен. Иште турумтай, жандыл жаңа болбос боловына Нина энзинен үренген.

Айылдың ээзи Токпокло экү жаш тужыста кожо өскөнис. Экү мондолоп, өркөлөп, Шыргайтының жаландарын, кобы-жиктерин ончозын кериптенис. Арбаның бажын терип, чарак куурганыс, аралдар керип, балыктап та туратаныс. Кижиңин бала тужы ундылар эмес, эмди Токпокко јолыксам, элден ле озо оның оогош тужы санаама эбелет. Ол ондор жыл мынан озо эмес, кече ле болгон немедий.

Жууның кату жылдарында улуска жаңыс ла жири курсак эмес, жадар тура да жедишпейтен. Токпоктың энези, Тана өрөкөн, сөнгүскен чайынаң биске уруп, куучындан отуратаны санаама кирет. «Көрүп ле жүреер, балдар, жуу божозо, жүрүмис жаранар. Слер эмди ле жаргак штан кийип,

тойо канбас курсак јип отураар. Чыдазагар, ол ырысту ёйгө јетсегер, эки-үч кып турада јадып, чекпен кийим киерер. Бұдыгарды күлге су-гуп јылытпазыгар, балкаш печкелў јылу турада отурапыгар».

Орёённинг бу айткан сөстöри јүрümде бүткенин јаңыс ла онын уулы эмес, бойы да кörüp отуры. Эненинг јүреги сескир, ол, байла, мындың болорын ажындыра билген тур.

Магнитофонымды столдын ўстине тургузып, Нинанын куучынын бичииргө тергенип турзам, ол ишке чырныгып калган колдорын уужай тудуп, санаа алына берди. Жирме беш јылдан ажыра ёйдинг туркунына уй саап, канча јылдарга улай јакшынанк једимдерге јеткен, онын иштеги ченемели сүрекей јаан.

Фермада иштеп турғандардын тал-ортозы ишке таскабаган јашос-күрим. Нина Лазаревна шеф-таскадаачы болуп, олорло база көп бй ёт-күрет. Айдатан немелер көп. Мактанып, кёдүринип билер эмес, бойы керегинде куучындаарынан кемзинип, күчсинип турганы ол.

— Мен уй саачы болуп 1957 јылда иштеп баштагам — деп, куучынын араайынан баштады.

— Оноң ло бери бир де солынта јок иштеп келген бе? — деп со-ныркадым.

— Улай ла иштегем, ёскö бир де иш этпегем — деди. Мынча кире-зи ёйдинг туркунына уй саачы болуп иштеп келген кижининг ченемелиле-тансыжарга сурадым:

— Сүт саап алар планды канайда бүдүрер арга бар? Ненин учун кезик уй саачылар планын бүдүрип, кезиктери бүдүрбей јат? Айалгазы башка болуп турган ба, айса арга-чагы јетпей турган ба?

— Уй саайтанды ол тегин неме эмес, ого иштезе, јазап иштеер керек. Анчада ла јайгыда бир де күн божодорго јаребас. Сүттинг ёйинде уй саабаза, план кайдан бүдет.

— Јайгыда саабаган уйдын эмчеги де кунурактай беретен болбой кайтын? — деп, азый јаанамнынг айтканын эске алынып, сурадым.

— Андый эмей а, уйдын эмчеги бир ле ўрелген кийнинде јажына баратан неме ине. Оныла коштой, ёскö улус сааза, бойынынг уйлары чылап каятай саабай јат.

— Акыр, кактай саабай јат deerингде, уйды механизмдердинг болжыла сааган кийнинде колло база саап јадыгар ба?

— Саап јадыс — деп, Нина каруузын тургуга ла јандырды. — Кол-ло саабаза, уйлардын ийинти сүди артып калар. Кезик уйлар качан да јетири ийбей јат. Олорды колло кактай саазан, 2—3 литр кирези сүт чыга берер. Уйдын ийинтизин саап албаза, сүттинг койузы да јабыс болуп јат.

— Уй саачылардын куучынын укканда, уй ёскöлөнчөнг, ого ўзеери саарга келген кижининг күүн-санаазын ёткүре билип ийер дежер.

— Андый, андый. Кажы ла уйга ајару керек. Бис амыраар күндерде уйларысты ёскö улус саап јат. Олор бу уйынг ийбеди, онызын јетири

саап албадым дежип турар. Анчада ла узак јылдардың туркунына улай иштеп келген улустың уйлары öскö кижини öскölöp турар. Кандый ла немеге, ол тоодо уйга да, жалакай jürек керек — деп, Нина куучынының учында айтты.

Оның уйларды, анчада ла жайыда, бир де күн божотпой, улай ла саар керек дегени учурлу шүүлте. Былтыргы жайда мен Барагаштагы совхозко jürüp, совхозтың директоры Валерий Павлович Палиев Аскаттагы ферманың уй саачылары ортодо жуун ötkürip жатканына учурагам. Ол жуунда кезик уй саачылар эки-үч күн ишке келбей, уйлары саалбай турганы керегинде чур-чуманак болгон.

Ол тушта совхозтың директоры ишке кичеенкей, каруулу болоры жынынан Шыргайтының фермазының уй саачыларын темдек эдип айдып, олордон жозок алыгар деген эди. Чындан та, иш бүдүрери жынынан Шыргайтыдагы ферманың уй саачыларынан жозок алар керек. Олор кандый да буудактаң, уур-күчтен жалтанбас, жарбынып отурбас улус. Бир канча јылдар мынаң кайра, качан Шыргайты жүртка государственный электролиния ötkürep түштә, жүрттың он жыны, ол тоодо Алтыгы-Шыргайтыдагы уйлар саап турган ферма, электроот юк арткан. Керектинг аайын жартаар болгожын, жүрттың ич бойын электрифицировать эдер проект тургузарда, оның он жыны аяруга алынбаган. Такып проект, смета тургузып, электролиния ötkürip турганча, жарым јыл ötkön. Оның алдында электрифицировать эдилип калган двордо от күйбей, уй саачылар фонаръла јарыткыш эдип алала иштегендөр. Мындый айалгада иштейтени сүрекей күч болгон. Ё уй саачылар ижистинг айалгазы коомыйтыды деп бир де жарбынбагандар.

Шыргайтының улузы уур-күчтен тұра калбас, жана болбос улус. Ферманың бригадидири Давыд Килемеевич Боделуков дворыс эски, жаңы двор тудуп, малға курсак берерин, öтöгин арчырын механизировать эткен болзо, ижис жентилип, жедимис эмдигизинең чик юк бийик болор эди деп айткан. Чын, эмдиги öйдö улустың жаңыс ла турумкайына, ижине кичеенкейине иженип, иштинг озочыл эп-сүмезин тузаланарына, уур иштерди механизмдердин болужыла женилтерине аяру этпегенче болбос. Ол öйдинг, ичкери özümнин некелтези болуп жат.

Иш кижининг ырызы, оның магын, албаты-жон ортодо тоомызының көдүретен аргазы деп албатыда тегиндү айдылбаган. Канакаева Нина узак јылдардың туркунына кичеемелдү, бийик жедимдерлү иштеп, көп кайралдар да алган, жаан тоомызға да көдүрілген. Ол «За трудовую доблесть», Ленининг 100 јылдығына учурлалған юбилейный медальла, «Бешілдіктың мергендүчизи», «Социалистический мөрбйидинг жөнүчили» деп занктарла кайралдаткан. Күндүлү грамоталарды, баалу сыйларды да көп алган. Областьтың отчетту ла выборлу XXXII партийный конференциязында Канакаева Нина Лазаревна партияның обкомының членине тудулган. Эмди ол жүртта жаан общественный иш ötkürip жат.

1984 жыл Канакаева Нина Лазаревнага база бир жаан сүйнчи экелди.

1983 йылда иштеги једими учун оны башкару «Знак Почета» орденле кайралдаган. Мындың жаңа кайрал салымду, жайлалту уй саачыны оморкодып, бүдүрген ижинде бийик једимдерге көдүрер деп иженер керек.

Василий Тоенов

СОЛОНГЫ

Бу очеркти күч өйлөрдө чыдаган, жаштаң ала уур иш эткен, эрте «таадактар» ла «јаанактар» болуп калган койчы-малчы јерлештериме учурлап турум. Андый билелер Экинурда ла Эликоманарда, Жабаганда ла Жаланыйда, Шыргайтыда да, Боочыда да бар. Олор јурттарда эмдиги ёйдинг эн тоомылу улузы.

* * *

Жыбаш Ангчинович эмденер корпустын экинчи этажына чыгып келеле, ўлүш чачын тарап, бүткүл стенедий күскүден бойын бир канча ёйгө аյыктап турды. Айла, бу коридорло барган стенае полдонг ала потолокко жетире жаң-жаң күскүлерле бүркелген. Мында болгон учуралды санаңып, оның каткызы келди.

Курортко жаңы келген күн врачтар Жыбашты экинчи этажка барып, кварцла белин изитсин дешкен. Ол озо баштап баштапкы этажта, туранын ичинде, текпиштердин алдында шоркырап ағып жаткан суучакты, оның сары мрамордонг эткен «јарраттарын», ондогы жарап таштарды, Ѽзўмдерді ле чечектерди сүрекей соныркап ла жакшызынып көргөн. Байа стололовыйда база андый оқ сууга түштаган. «Кандый жакши! Мыны ончозын кандый сагышту улус эткен!» — деп санаңып браадала, ол экинчи этажка чыкканын билбей калган. Бу ла коридорло ары-бери улус ѡдүжип турган. Оноң ол эн ўстинdegи текпишке чыгара базып келерде, улустың ары жаңынаң алтай кижи элес эдил калды деп көрүнген. Оноң бир-эки алтам туура базала, жаңы ла күскүден бойын көргөнин билип ийген. Уйалганина јүзи тортло кызара берди ошкош. Палатага келеле, ўйине куучындаарда, Жыламаш талганча каткырган.

— Кой ло кой, кой ло кой, жаштаң ала көргөн немебис жаңыс ол до, бистенг нени аларың! Учында келип, аймап, күскүден бойысла арай эзендешшеп жүргенис ол ине. Айла, сени амыраак, кайда-кайда бараак дезем, чек болбайдың ине. Жок, адазы, эмди балдар жаанаган, амыраар, јорыктаар, јерлер көрөр керек...

— Мен јөп, көөркий, — Жыбаш каткырып, эки колын көдүрди, — жаңыс јорыктаарга көп акча керек болбой...

— Тегин неме кайдан келзин. Айыл-јурт, јөөжө, машина бар. Эмди иштегенисти амырашкa чыгымдаак.

— А балдар?

— Не балдар? Айыл-јурттуларын «умчылаарын» чек токтодор көрек. Таңынан бойлорының күчиле жатсын. Ол тушта эптү-јөптү де болылаар, неменин баазын да билгилеер. Бис экүге кем болушкан?

— Аксанаа кижиғе барза, канайдарга турунг?

— Ого јөйжө алып берер аргабыс бар эмес пе?

— Оны ээчий Сурайа, Суркураш.

— Акыр, акыр, адазы, бу сен кыстарынды бойыстан түрген жайлаарга не мендей бердин? Олор кичинек кёёркйилер ине. Аксанаа — он жетилү, Сурайа — он бештү. Суркурашка кышкыда он ўч толор... А сен чынын айтсан, байа ол күскүдөн бойынга эзендешпедин бе?

— Јок, дийдим, кёёркй, тонг ло мени кайткан деп, бойымда јўк ле «база бир алтай кижи јүрү» деп сананып калгам.

...Жыбашты ла Жыламашты јурттың улузы сүрекей жакши билер. Экилези — ѡскүс кёёркйилер. Жыбаш жаан аказы Актула кожно карган таайында чыдаган. Акту он беш жаштуда одынга барала, агашка базыртып божогон. Онон Жыбаш он сегис жаштуда таайы жада калган. Арткан-калган төрөёндöри, јурттың жаан улузы жаныскан арткан уулды айылду эдер деп шүүшкен. Таай-јенгелери Жыбашка Кадын ичинен онын бойына түнгей иштенгкей, ѡскүс бала сөстöп, экелип бергендер. Жыбаштың тойына бастыра деремне болушкан. Эне-адазының жеңдери койлор бергендер, колхозчы уулдар жаны айыл туткандар, жаныс жердин келин-кечиндери кочо согуп, эйгей, быштак эдип, аракы аскандар. Улус олорго: «Слер ѡскүс-ябыс эмезигер, бис сперле кожно. Тойлогор, ырысты жадыгар, бала-барка азырагар, бис сперге иженип жадыс!» — деп айткан немедий болгон.

Иш эмес болгон болзо, алдында көрүшпеген-танышпаган кёёркйилер туш-башка баскылай ла берер эди. Колхоз жаны төзөлгөн билеге бир ўр кой берген. Обогёни — он сегис жашту, ўйи жаны ла он жетиге брааткан. Баштап тарый ёоркёжип, маалкадыжып та тургулаар, же ишти качан да таштабайтандар.

Жыбашты ла Жыламашты айылду эткен каргандардың эмди бу ырысты нак билени көрүп, сүүнери ле оморкооры жолду. Тен, жаны айылду болгон жииттер ошкош. Адазы, энези дешкен турар. Эмди де экилези жиит, омок-седен, көрөргө сүрлү. Жыбаш төртөн бирлү, Жыламаш јўк ле одус тогусту. Жаан уулын айылду эдерге Орого кудалап келеле, ондо бир кижи: «Слер, жаны айылду болуп жаткан уулдың ака-јенгези бе?» — деп сураган эмтири. Жаан уулы Амаду — колхозтың зоотехники, эмди бир жашту кызычакту. Онон кичинектери Олег ле Сергей былтыр жаныс уунда айылду болдылар. Экилези — механизаторлор. Жыбаш ла Жыламаш бай улус — ўч уулду, ўч ырысты, бир жееничектү.

...Жыбаш Ангчинович «сауна» мылчынын кургак кейине жакши изидинип алала, эмди эжигиндеги кыпта желмер коларткышты ябынып алган, тал-тууразынант жадыры. Ак халатту сырсак келин жараш айакка мөттү

чай экелип береле, айтты: «Диваш Ангинович, изү чайданг ичиp, нени де сананбай, амырынанг јадыгар, телевизор көригер». Јыбаш унчуклады, је бойында мынайда сананды: «Менинг адам Ангина эмес — Аңчы. Ол мен чыгар јыл канду јууда јер жастынып јыгылган, энем мен бир жаштуда јада калган. А сен мени — «Ангинович» ле «Ангинович». Је, көбркүйди оны, Аңчы деп сости билер эмес. Онон «сананбагар» дегенин канайып онғдоор? Кижи канайып сананбайт. Ол телевизор эмес, токтодып койорго».

Јыбаш эмденип турган төрт-беш обөгөнлө кожно мөттү чай ичиp, кандый да сүүнчилү «мультиктер» көрүп жатты. Айла, санаторийде мынайып жалбагынанг јадып, мылчаның кийнинде мөттү чай ичиp, телевизор көрүп јадарынг деп кем-кем алдында айткан болзо, ол бүтпес эди. Јебрен Грецияның каандары, байлары ла јылу бассейндерде јунунгылап алала, мынайда соотонып туратан деп угуp јүретен.

Јыбаш бүгүн кере түжине ёткён јүрүмин, ўйиле кожно мында амырап турганын санаып божобойт. Канайып ла сананбайын дезе, айланып келген тураг. Эмди де оның санаазы мөттү чайданг ла телевизордан ыраак.

...Акыр, ол канча јылда болгон эди? Эье, алтан ўч јылдың јазы болгон. Апрель айдынг баштапкы күндеринде јылу күндер тура берерде, малчылар торт ло сүүнгилеп турган. Койлор көндүре одорлой берген. Койчы-малчы кишининг сүүнчизи ле ырызы айдынг-күннинг аайынан камаанду неме ине. Чеденге толтыра олёндү болгон болзо, койды не азырабас. Јоктың кинчеги ине, юктың кинчеги. Чеденде төрттөн койлорго беретен бир эмеш олён арткан, ѡскö не де јок. Оның учун Јыбаш ла Јыламаш алты јүс эне койды эки бўлип алала, јакшы күндер турагарда, тантэртен турадан ала бозом киргече кабырып тургандар. Ол күн кичинек Амадуның эди изип, тың оорый берерде, Јыламаш деремне түшкен. Јыбаш койдо јаныскан арткан. Айла, качашкан чылап, энгирдент ала јашкан карлап, шуурган башталган. Йиит койчы эртен тура чыгар болзо, бу не — ўлшү карга ла шуурганга јердинг ўсти тошло тонгуп калтыр. Куру койлор чеденде токтобой турды. Јыбаш бастыра койлорын айдал алыш, эмеш ыжык туратан кобыжиктерденг одор бедреп баскан. Тал-түштенг ала кар анаар ла јаап, салкын тынтый берген. Ол күн Јыбаш койлорын турлу дöйн айдабас деп шүүген. Эмеш ыжык кобыга турлу јазаган, түниле от салып, койлорын каруулдап конгон. Эртengизинде Јыламаш ого атту јеткен. Ононг төрт күнгө улай олор экүге кар арчыш база болгон ло. Айла, кайда барадынг, бу ла азырап отурган ак малынг јанында мааражып турганда! Олорго одор керек. Је күч јылдарда бу ла колхозтынг малын кичееп јүрүп, не болбоон деп айдар? Ононг оны ѡдүп калган уур-күчти эмди коп незин сананар. Јарык, ырысту да күндер болгон эмей. Болбой аа, болгон. Андый күндерге, ырыска, сүүнчиге иженип јүрбей.

Айла, салым сый эткен чилеп, ол жас јиит биле колындағы кажы

ла јүс койдонг јүс он курааннан телчилип алган. Ол Іыламаштың ла Йыбаштың баштапкы једими ле јенүзи болгон. Келер јылда олор кажыла јүс койдонг јүс он алты курааннан телчитеңдер. Текши бешілдыштың орто једими база жакшы: орто тооло јылына тогузон сегис курааннан келишкен. Ол бешілдышқта јеткен једимдери учун Йыбаш «Знак Почета» орденле, Іыламаш «За трудовое отличие» медальла кайрапаткан. Ол ок алтан алты јылда олорды экилезин КПСС-тинг членине алғандар. Оның да кийинде олор койдо узак иштегендер. Йыбаш экинчи катап Иштин Магының III степеньдү ордениле кайрапаткан. Айла, оның койды арттырып, бригадир болгонынан бери јўк ле ўчинчи јылга барып жат. Же Іыламаш, ўй кижи, бала-барка көптөөрдө, он эки јыл мынан кайра конторага ишке көчкөн.

...Йыбаштың ла Іыламаштың Кара талайдың јаказына келгенинен бери он конгон. Күндер откөн сайын Йыбаш ўйин торт ло таныбай барған. Айла, оның бойының да белининг сарсу-сабы астап, сыны јенилген. Оның бадминтон, волейбол, теннис ойноп, қыскачак спортивный штанду јүгүрип турганын койчылар көргөн болзо, база таныбас эди. Же Іыламаштың тен айдарга болбос. Олор тал-түшкө јетири тегин де көрүшпей јадылар — эмденип турган жерлери башка. А түштинг кийинде Іыламашта чек бош јок. Алма-Атадаң келген эки келинле најылажып ийген, бир көрзөң ателье, база көрзөң парикмахерский браадыс дежер. Кече энгирде столовыйда Йыбаш ол ўчүни сакып, узак отурып калған. Көйркийлердин жараштары коркыш. Же олор экү — жаан городтың улузы; а мынаар Іыламашты канайып турган deer.

— Жакшы ба, былар? Слер кажы жердин кижизи болердеер? Бисти кандый көрүп турыгар? — деп, Іыламаш ойноп сураган.

— Менинг сөс айдар аргам јок. Слер ўчү мени тектага јаба кадап койдыгар! — деп, Йыбаш кокырлаган.

Онон түйказынан ўйин узак-узак аյыктап отурган. «Бу платье оның сынын канайып жарандырып жат?» Іыламаштың жалбак кабактарын чичкерте јулуп, тырмактарын чичкерте кезеле, жалтырууш күренг будукла сүртүп койтыр. Кирбиктерин ле көстөрин айландыра база эмеш будыптыр. Эриндериндеги будук тың билдирибейт. Ээлгир, узун сабарларындагы алтын јүстүктер, жалтырууш сыргалар — бу ончозы Йыбашка сүрекей жакшы көрүнди. Деремнеде болзо, айса болзо, кими ректепенер эди, а эмди дезе карын жакшызынды. Ол бойында жаңыс ла мынайды саңанды: «Уур ишке сабарларын карын канайып ўреп албаан, көйркий».

— Ўйин ойнинен откөре онойып шыгалабайтан. Ол улус кайкашпазын — дәп, Іыламаш алтайлап айтты.

— Кайдак, меге туш улус не керек...

* * *

...Санаторийдеги амыраштың калганчы күни. «Jakшы болзын, Карапталай! Jakшы болзын, јараш јер! Эзенге јетире». Јыбаш талайды, мынаар бу алдындагы кичинек көличектеги одус төрт фонтанды балконнон аյыктап турды. Кенетийин булуттардың кийнинен күн чыгып келерде, фонтанның ўстиле алты кат солоны тартыла берди.

— Јыламаш, Јыламаш, солоны! Солоны!

Јыламаш јүгүрип келеле, Јыбаштың ийиндерин тың күчактай тұтты:

— Кандый јараш!

— Адазы, бисте бала болзо, канайып адаар эдин?

— Солоны деп адаар эдим.

— Солоны — кыс баланың ады.

— Кыс болзын, энези. Солоныдый јараш болзын. Карып брааткан бойысқа бу солоныдый јаркының сыйлазын.

УЛУ ЖЕҢҮНИҢ 40 ЫЛДЫГЫНА УЧУРЛАЙ

Савелий Пахаев

АЛТАЙ КИЖИННИҢ КЫЗЫ БОЛГОН

«Ол кааның Кышкы ёргөөзин јуулаган улустың тоозында Совет жаң учун тарташкан, адар эдип јартыладала, качып аргаданган, ЧОН-ның эскадронында политрук болгон, ак бандиттердин башчыларын туткан... Тоозы ас алтай албатының кызы, јалтанарын билбес бу ўй кижининг јүрүм-салымы ајарулу. Оның ёткөн јўрумین сананганда јакшынақ керек здерге амадаган кижининг јўргени неге ле чыдажар аргалузын көргүзер. Ол кижининг ады-жолы — Анна Тозыякова».

Күнбадыш Сибирьдин издательствозы 1968 јылда кепке базып чыгарған «Ўй улус революцияда» деп јуунтыда журналист Р. И. Липецкаяның «Алтай кижининг кызы» деген очерги шак андый сөстөрлө башталды.

Анна јокту биледе чыккан. Тозыяковтордың јуртынаң шыра-түрени айрылбайтан. Бу кыс биледе токтончы болгон. Он ўч баладаң алтузы жаш тужында оорып ёлгён. Тирү арткандары эмеш ле чыдап келеле, байлардың јалчылары болуп барган. Эн ле кичёзи — Анна ырыс болуп, тёррэл Чопош јуртында миссионерлердинг ўч классту школын ўренип болжоткон. Оноң ары ўренер арга табылбаган. Адазы јеткерге учурайла, ѡлүп калды. Аннага база јалчы болуп баарга келишкен.

Кыс он алты жашту боловордо, түбек-шырага алдырган энези кызын јуртта көк-тенек аракызак немеге берип ийген. Удабай Анна, ёбёгёниң калжу кылыштарына чыдашпай, ыраактагы Кош-Агаш јаар јўре береле, анда коюйымга јалданып иштеген.

Је анда да узак иштеп јўрбеди. Обёгёни истеп барып јатканын угала, баштапкы телекейлик јууның фронтына акту бойының күүниле јўре берди.

1917 јылда февраль айда Россияда кааның јаңын антарган революция башталарда, Анна Тозыякова Риганың јанында јуулажып турган. Революцияның күндеринде солдаттар полктың командиринде большевиктерге кўйнүдү офицерди туткандр. Ороондо революцияла колбой болуп турган керектерде аайланарга јиит алтай кысса јаңыс јердин кижизи, коштойындагы Чаргы јурттан черўге барада, јаңыс полкто јуулашкан Петр Вилисов болушкан. Большевиктер не улус

болгонын, олор неге амадап тартыжып турганын Петр Аннага јартап айдып берген. Аңчада ла алтайлар, Россиянынг ёскö дö албатылары чылап ок, кемге де базынчыктаптай, күчин јидирбей, орооннынг тен праволу јайым улузы болуп јадары керегинде Петр куучындаганын сүреен јилбиркеп уккан. Анна фронтто болуп турган митингтерге јүрүп, газеттерди соныркап кычырып турган.

Солдаттар немецтерле јулажарынан мойноп ийерде, полкты баштап Псковко, оноң Петроград јаар ийе бергендер. Полктын командири алтай келинди солдаттардын комитетдининг ле Петроградта Путоловтын заводынынг кызылгвардеец-ишмекчилерининг ортодо тил алыжатан кижи эдип көстөп чыгарган. Анда, Петроградта, Анна Тозыякова бойына, ишкүчиле јаткан калыктынг јаны, ырысту јүрүмине јол ачкан. Улу Октябрьский социалистический революцияны уткып, ишмекчилерле, солдаттарла, матросторло, кызылгвардеецтерле коко Кышкы ѡргёөни јуулап аларында турушкан.

Он сегис јылда Анна Тозыякова фронтто јуулашкан солдаттарла коко Алтайна јанып келген. Тöрөл Чопош азыйги ла ээжи-јаныла јуртаганча эмтири. Анна Байланатан озогы ээжилерди тутпай, эр улусла коко јуунга келеле, ўй улус эр улусла тен праволу болуп калганы керегинде куучындаганын байлар, анайда ок бичик билбес алтайлар јаратпай тургандар. Јуунга јуулган улус Аннаны не ле деп јамандап, јууннаң чыгара сүрүп ийгендер.

Байлар ла олордынг колтыкчы-кёдочилери фронтто јуулажала, јанып келген јиит келиннинг революционный ижин токтодып, сөс уккур эдип болбодылар. Је озогы јаман ээжи-јандардан канайып айрылатынын, революциянынг једимдерин Алтай јеринде канайда корулайтаянын Анна ол ёйдö бойы да билбеген.

Карындашы Владимирди айбылап алала, Анна Тозыякова Чаргы јаар Вилисовко јолыгарга атанды. Чопошто ёткён јуунда не болгонын Петр угала, айтты:

— А сен не деп сананган, Анна, байлар ол ло тарый Совет јанга јöпсинерине ижендинг бе? Советтер учун биске тынг јуулажарга келижер, кёёркий! Оны билип јүр, Анна...

Анна Тозыякова фронтто коко јуулашкан нöкөрине Совет јан учун јуулажарга мен бүгүн де болзо, белен деди. Онынг керектерин, Чопоштогы айалганы ончо јанынаң шүүжеле, Петр айтты:

— Чын, Анна, сеге Чопошко ойто баарарга јарабас. Бийск бар. Анда Кызыл гвардиянынг отряды төзөлип јат...

Петрдынг айтканына јöпсинеле, Анна Тозыякова Бийскке келерде, оны баштапкы ротага кызылгвардеец эдип алдылар.

Россияда Октябрьдагы революция јөнгени Европада, Америкада, Японияда капиталисттерди тынг чоочыткан. Олор ол ло тарый империализмнинг бирлик кынжызы Россияда ўзүлгенин ойто улаштырагра болуп, революциянынг једимдерин јоголторго тынг ченешкендөр. «Олор

бистеги ёрт оног ары ёңжип күйеле, олордың туразының ўстине тар-
карынан коркыдьлар» — деп, В. И. Ленин айдып туратан. Ӧскө ороон-
дор бойлорының черүүлерин Россия jaар ийеле, бистинг ороондо граж-
данский јуу баштагандар. Олор ичбайындагы контрреволюцияга јомёлт-
тö эткендөр. Сибирьде Японияның ла Антантаның болужы ажыра тё-
зёлгөн есаул Семеновтың аңылу маньчжурский отряды Совет јанга
анчада ла тың јеткерлү болгон.

Сибирьдин Советтерининг Тös исполнительный комитетининг кычы-
руыла Семеновтың бандазыла тартыжарга Забайкалье jaар Алтайдың
кызылгвардеецтерининг отрядтары база ийилген. 1918 јылда май айда
Анна Тозыякова Кызыл гвардияның Бийскте тёзёлгөн отрядыла кожно
Забайкалье jaар атанган. Оныла кожно Күнчыгыш jaар Чамалдан Мен-
диек Тихон, Онгдойдон Лиза Зятькова атана бердилер.

Бийсектен барган отрядты Иркутскта турган Баштапкы советский
полкло коштылар. Андагы совет черүүлердин текши командующийи
Сергей Георгиевич Лазо болгон. Анна Лазоның јуучылдар алдына айт-
кан куучындарын көп катап уккан. «Гражданский јууның ат-нерелү ге-
ройы Сергей Лазо улустың алдына куучын айдып билер кижи болгон.
Оның айтканы кажы ла кижиге јарт болуп туратанын» писатель Алекс-
андр Фадеев темдектеген.

1918 јылда май айдың учында Антантаның агенттери ле акгварде-
ецтер Чехословакияның пленге кирген солдаттарынан ла офицерлерин-
нен каан јаны тужында тёзёлгөн корпусты Совет јанга удурлаштыра
түйметкен. Олор Совет јанының тылында Антантаның мергендү ийдези
боло бергендөр. 8 июньда акгвардейский офицерлер Улалуда Совет
јанды аңтарала, јанды бойының колына алдылар.

Совет Забайкальени корулап турган кызылгвардеецтер эки фронт-
тың ортодо боло бердилер. Бир јанынан — акчехтер ле акгвардеец-
тер, экинчи јанынан — Семеновтың бандазы. Кызылчөрүчилер ўч ай-
дың туркунына ат-нерелү јуулажып, акгвардеецтердин ле акчехтердин
Сибирьдеги ле ыраак Күнчыгыштагы черүүлерине биригерге бербеген-
дер. Слюдянка станцияның јанында болгон от-калапту јуу-согуштардың
бүрүзинде Тихон Филимонович Мендиек ле Лиза Зятькова юлгөндөр.

Забайкальедеги фронтто 1-кы Советский полкто Анна Тозыякова ўч
ай јуулашкан. Је ол ёйдö интервенттердин ле акгвардеецтердин јуула-
жар ийдези совет черүүчилерден тың болгон. 1918 јылда август айдың
учында Устиги-Удинскти (эмди Улан-Удэ город) ле Читаны ѡштүлөр
јуулап аларда, совет черүүнин командованиеизи, башкараачы партийный
ла советский ишчилер партизандардың тартыжузына көчөр деп јөп-
тöшкөн.

Анна Тозыякова Тетерин Степанның отрядында болгон. Партизан-
дардың разведчиктери болуп, Анна эки партизанла кожно јуучыл јака-
ру бүдүрүп јүреле, атаман Семеновтың контрразведказына туттурган.
Нерчинсктеги атту-чуулу түрмеде отуарда, оны шылап, коркышту

кыйнагандар. «Мени түрмеге апарып јада, јолой соккондор, мастер-скойдо, түрмениң коридорында, тапчы кылта сагыжым эндөлгенче ток-поктогондор. Йўк ле экинчи күн тынданып, тынышым кирерде, мени, јарым тынду кижиини, түрмедеги больнициага салгандар» — деп, Анна эске алынган.

«Оноң мени јаргылагандар. Оны мен билбейдим. 23 марта адып салар деген приговор јарладылар. Түрмеде узак отурып, соктырып, кыйнадып, шыралап калган ёлётинин коркыбай турғам. Революцияның улу кереги учун ёлуп јадым деп сананып арткам. Онын учун приговор мени коркытпады.

Йўске шыдар арестанттарды, ончозын адар эдип јаргылаткан улусты вокзалга айдал келеле, поездле Шилка станцияга тартып келгендер. Бисти мында божодотон эмтири деп санандыс. Поездтен чыгарып, карачкы түнде вокзалдан айдал чыгардылар. Темир ѡолды кечерге једип келеристе, алдыста бир канча вагондор тарткан паровоз ёдўп јатты. Бисти апараткан офицер «Тур!» деп јакару берерде, арестанттардың кемизи де «Ур-ра, нёкёрлёр!» деп тың кыйырды. Оны уккан улус айдал барып јаткан солдаттарды јыга соккылайла, туш-башка јўгўрдилер».

Анна Тозыякова станциядан ыраак юк ёсқон койу агаштың ортоzына јажынала, таң алдында темиржолчылар јаткан јуртка келген. Анда эки айдын туркунына бир ишмекчининг билезинде јажынып јаткан. Онон ол Шилка станцияда јуртаган Анна Шупфер деген кижи деп справка јазадып алала, партизандарга јеткен. Партизандардың ол отряды 8-чи советский полкко кирген. Анна Тозыякова кызылдардың агитпоездиле јўрўп, станцияларда ла разъездтерде јуртаган улустың ортодо политический ле культурно-јартамалду иш ёткўрген.

1920 ўйлда Анна Васильевна Шупфер-Тозыякова Туул Алтайга јанып келген. Ол ло тарый јаны јўрўм тўзбўр ишке эрчимдў кириже берген. РКП(б)-нинг Алтайдаги губкомы оны партияның Туул Алтайдаги уездине ўй улустың ортодо иштеер бўлўктиң заведующийи эдип ийген. Мында иштеп тура Туул Алтайдаги ўй улузының баштапки конференциязын ёткўрген.

1921 ўйлда Туул Алтайда бандиттер база ла катап тўймеендер кўдўрерде А. В. Шупфер-Тозыякованы ЧОН-ның јуучылдарының ортодо политический иш ёткўрерине ийгендер. Оны 4-чи кавэскадронның полигруғы эдип кўстёгёндёр.

Эскадрондо кўп нургуны коммунисттер, азыйда кызылчерўчилер, партизандар, актарла јуулашкан улус болды. Андый да болзо, анчада ла јиит јуучылдар ортодо јартамал политический иш ёткўрери керектў болгон. Политрук А. В. Тозыякова ол задачаны јенёлў бўдўрди. Эскадрон Туул Алтайда арткан-калган кўп бандаларды јуулап тоскырган. Анчада ла кўп улусту Колесниковтың бандазын јуулап оодо согордо, отрядтың јуучылдары јалтанбазын кўргўскендер. ЧОН-ның 4-чи кавдивизионның политбўлўгине эскадроннон барган јетирүде айдылды:

«Баштапкы кавдивизион эки башка бөлинеле јуулашты. Ӧштүнің черўзи тың удурлашкан да болзо, кызыл јуучылдар ат-нерелў јуулажып, Колесниковтың бандазын јуулап јоголтып салды.

1-КЫ КАВЭСКАДРОННЫҢ ПОЛИТРУГЫ А. ШУПФЕР

ЧОН-ның политругы Аркытка јетире јуулажып барган. Јүрүмин кыс-канбай јуулашкан учуралдар көп болды. Аркытта көп тоолу бандиттер капчал јерге киреле, бир де кижи јууктатпай, адыйып тургандар. Олорды јуулап алар арга јокко јуук. Ол тушта политрук бойы мылтық јокко бандиттерге барган. «Слер тегин јерге кан төкпöгöр. Слерди бис туй курчап алғаныс, мынан چыгып барып болбоозор. Амырынча мылтык-бычагаарды табыштырала, Совет жаңта киреер» деген. Баштап бандиттер Аннаны тудала, күлип салғандар. Олор узак майножып турала, учы-учында политруктың күлүзин чечеле, бис кирерге јөп дешкен. Ол тушта тоолу ла бандиттер качкан, артканы ЧОН-ның отрядына мылтык-јепселин табыштырып, Совет жаңта кирген. Ол керек учун эскадронның политругы А. В. Шупфер-Тозыякованы облревком мөнгүн часла кайраалдаган. ЧОН-ның командованиези оның минген адын, тудунган кол-мылтыгын сыйлаган. Кызыл Черўнин ле ЧОН-ның отрядтары өмөлжип, 1922 јылдың күзине јетире Туулу Алтайда бандаларды јуулап јоголтып салды.

Анна Васильевна Шупфер-Тозыякова баштап Москвада медицинский техникумда ўренген. Оның сонында Краснодарда јуртхозяйственный институтта агрономго ўрендиген.

Үредүнің кийнинде Туулу Алтайга жаңып келеле, баштап Ябаган-дагы јылкы ѡскүрөр заводто, оноң Улаган ла Турачак аймактарда иштеген. 1937 јылда ёббөгни Күнчыгыш жаар иштеп баарда, Анна Владивостокто «Заготзерноның» крайдагы конторазында иштеген.

Ол ёйдо япон милитаристтер бажын көдүрип, СССР-динг ыраак Күнчыгыштагы гранын бузуп тургандар. Тозыякова Хасан көлдинг жаңында япон самурайларда јуулашты. Ол јууда түрушканы учун төштө тағынар значокло кайраалдалган.

Ада-Төрөл учун Улу јууның јылдарында алтай албатының жалтана-рын билбес кызы база ла фронтто немецкий фашисттерле јуулажып тартышты. Медицинский службаның лейтенанты А. В. Шупфер-Тозыяко-ва фронтко барада, шыркалаткан совет јуучылдардың јүрүмин аргадап, «За боевые заслуги» ле ѡскө дө көп медальдарла кайраалдаткан.

Јууның кийнинде Туулу Алтайга жаңып келеле, Анна Васильевна школдордо, культураның учреждениелеринде иштеген. Общественный иште эрчимдү түрушкан, јашошкүрим ортодо военно-патриотический иш ёткүрген. Персональный пенсионер болгон. Џакы једеле жаада каларда, оның сбөгин Чопаш јуртында Кадын сууынг жарадында јууган.

ЖҮРҮМНИНГ ҮРҮЗҮ

— Слер ырысту ба?

— Ырысты.

— Ненинг учун?

— Оның шылтагы јаңыс эмес... Је кыскарта, чокымдап айдар болзо, баштапкызы, меге Ада-Төрөлимди аңзыраган ёштүлерден корыыр тартыжуларда туружар јаан ырыс келишкени учун. Экинчизи, фронтто санинструктор болуп, шыркалаткан јўстер тоолу јуучыл нёкёрлөримди от-јалбыштынг ортозынаң чыгарып, болуш јетиргеним учун. Үчинчизи, Улу јууның учына јетире туружып, јенгү алган кийнинде, Алтайыма амыр-эзен јаңып, албатының су-кадыгын корыыр иште эмдиге јетире иштеп јўргеним учун.

Мындык куучын областной санэпидстанцияның инструкторы, Лениннинг орденининг ле ёскö дö кöп јуучыл кайралдардын кавалери, коммунист Евгения Андреевна Карпунинала болгон. Ада-Төрөл учун Улу јууда дезе бис экилибис 232-чи стрелковый дивизияда Воронеж городты курулаар ла јайымдаар тартыжуларда турушканыс.

1942 јылдын изү јайында тымык Дон сууның јарадында бистинг јиит јўрўмисте энг баштапкы от-калапти јууларды эске алынганыс. Анда бистинг кўзиске кўрўнген не-неме јўрўмисте энг баштапкызы болгон. Ол болот тамажыла кара јерди белбара базып, ман бажында отло, окло ўрдўртип келип јаткан танктар; сыйғыржып, сыйкаждып турган октор ло осколкалар; кўчўлдешкен-кўзўрешкен снарядтар ла бомбалар, нёкёрингнинг шырказынаң аккан кан, оның карара кадып калган эриндери, кайкаган бойынча токтоп калган кўстёри; айландыра ла от, ыш, онту, сыйгыт... Бу, чорчёктоғи јыш-тамыдый, коркышту немелер — ончозы биске баштапкы тушташ.

Јўк ле 18 јашту комсомолка Женя Карпунина (алдында «Ойротка» деген артельде кўктоёндргў ўренинг турган кызычак) 712-чи стрелковый полкто санинструктор болгон. Бу полк 1942 јылда июль айдынг баштапны кўндеринде Дон сууның ол јаңында, Губарево деп јурттын јаңында јууга кирген. Шак ла мында — Донның јарадында «Воронежки олжолоп аларга чурап келеткен ёштүлерди 1942 јылда 3 июльде энг ле баштап 232-чи дивизия токтоткон» — деп, «Воронежское сражение» книганын 16-чи страницасында бичип салган.

Алдында фашисттер, кийнинде Донның суузы. Адыш-согуштынг ортозында ёлум, шырка, онту, калак. Санинструкторлорго мындык айалгода бойы керегинде сананар бош ёк юк болгон. Шыркалаткан кызылчерўчилерди тўрген-тўкей аргадаарга менѓдегилейт. Бир катап Женя Карпунина ёлгён улустынг ортозынаң јўк ле тындуу уулчакты таап алган, кўёркийдинг эриндеринде эки-јаңыс кара кылга саал болгон. Коп кан јы-

лыйткан болгодый, јодозын ок оодо согуп салган. Танышкакты салып жада, уулчактың онтузына чыдан болбой, Женя мекелешкен:

— Албадан, көйркий. База ла бир эмеш. Је бот, эмди бу јамынчы-палатканың ўстине јадып ал, мен сени сүйрептеп апарарым. Бис экү фрицтерден озо блбэзис не, бис олорло јуулажарыс...

Анайып, көйркий арып-чылаганын да билбейтен. Кезикте күнине 40—50 кижиғе жетире аргадап, Донның јарадына жетирип туратан. Ол фашисттердин колына кирбекен јаан эмес јер историяда «Губаревский плацдарм» деп адалып калды. Анда ѡлгён кызылчөрүчилерге учурлалган көреес памятник эмди Губарево јурттың јанында туру. Ол памятникте Туулу Алтайдың да көп улузының ады-жолы бичилген.

Женяның кару наýызы Чепканакова Лиза деп алтай кызычак анда баштапкы ла јууларда божогон. Ого Женя коркышту кородогон. Ол тушта кожо санинструктор болгон кыстардан эмди Маша Золотухина Шебалин аймакта Узнеси јуртта, Серафима Щепкина Горно-Алтайск градо та јуртап јадылар. Олор эмди карган јаанактар.

Евгения Андреевна Карпунина баштапкы катап база бу Дон сууныңjakазында шыркалаткан. Госпитальдың кийнинде ойто ло фронт, ойто ло шыра, кан, ёлüm, оодылып-сайалган туралар, кардың ўстинде кара столмодый печкелер, гайландыра кижининг санаазы карыгар кандый да коркышту ээн, эрикчелдү јерлер... Орловско-Курская дуга, Сумы, Белая Церковь, Киев деген городтор; Днепр, Днестр деп суулар; Карпаттың кайыр кырлары; Румыния, Венгрия, Чехословакия деген ороондор... Мындый јерди јуулажып ѡдёргө торт јылга шыдар ёй керек болгон.

Фронтто јенгил качан да болбой јат. Кажы ла јууни, кандый да учуралды эске алынганда — ончозы ла ёлүмле, шыркала, шырала колбулу. Је бир катап 232-чи дивизия фашисттердин черүзин сүрүшкен айас Днепрдин јарадына јаба једип барган. Ол тушта сууның ол јанында коруланып турган ѿштүлерди кайып көрötön кайучыл команда ийгендөр. Ол талдама 17 јуучылдан турган команда санинструктор эдип, 19 јашту Евгения Карпунинаны аткаргандар. Кайучылдар јуучыл јакылтана бўдўрип келгендөр. Командование олордың экелген жетирўзин бийик баалап, ёлғондёрин де, тирўлерин де бийик кайралла темдектеген. Ол тоодо бистинг Туулу Алтайстың јалтанбас кызычагына, Евгения Андреевна Карпунинага, Лениннинг ордени берилген.

ОЛГӨНДӨРДИН ТООЗЫНДА

— Аندый похорона деген коркышту ачу-коронду чаазынды мен тортон ўчинчи јыл башталып ла турарда алган эмейим. Эки оогош баламды көксиме јаба кармай тудуп алала, соок турамның ичинде кирангүй түн киргенче ыйлап отургам. Оноң сагыш алынып, мындый жеткер эмдиги ёйдö јаныс менде болуп турган эмес, кажы ла кижи калаксыгытта отурып жатпай база, канайдар оны деп тың санангам. Је түнгей

ле уйуктап болбогом. Өбөгөним ёлүп калган. Ол эмди качан да эжик ачып кирбес, јанбас. Эки јаш балам азырайтан адазы јок ёскүс артканы бу туру деп, бүдер күүним јок болгон. Канча кижиғе похоронаның кийнинде катап ла письмо келип турганын эске алышып, бойымды токынадып, эки көзимнинг јажын арчый тудуп, балдарымды сырма јуурканның алдына орол алыш јаткам — деп, Николай Дмитриевичтинг ўйи Устиния Григорьевна куучындайт.

Чындан та јуу-чак деген неме кандый коркышту. Бистинг албатыг Төрөл ороонын шёттүлердинг олжозынан јайымдаар болуп, кандый чыгымды, кандый шыраны көрбөгөн деер. Је олор фронто до, тылда да ат-нерелү солдаттар болгонының шылтузында шёттүлерди ѡлтүре ток-поктоп, Улу јенүге једип алганы ол ине. А бистинг најыбыс Николай Дмитриевич Бурлев миллиондор тоолу солдаттардын бирүзи, улу јууның от-калапту тартыжуларында јаныс катап ѡллө тирилген эмес. Је ол похорона бичик келген тужындагы керек Воронежкете болгон.

Воронеж городты Н-чи стрелковый дивизия јарым јылдын туркунына шёттүлерге бербей тартышкан. Арт-учында городтынг јүк ла күнчышында да коруланарага келишкен болзо, городты јайымдаар тартышжу тортён эки јылдын калганчы күндеринде баштала берген.

Соок деген неме тортён градуска јеткен. Ок-тарынынг ыжына күн јарыгы көрүнбес кызыл туман турган. Шак ла бу күндерде ўч станковый пулеметты, ол тоодо Бурлевтын расчедын, Масловка јурттын јанына јажытту апарып, узагына адышкар јер белетеп аларына приказ берилген. Экинчи коноктын таң алдында бистинг артиллерия адип баштаган. Эки час болгон артподготовкага улаштыра бистинг «катюшалардын» сүйнчилү «кожоны» чойилип, төгерининг түбин отту снарядтар јара кескилеп барган. Бу ёйдö кызыл ракеталар пехотаны атакага көдүрген.

Алдынан бери тыңыздынып алган шёттүнинг обороноазын ўзе согуп ёдёргö сүрекей күч келишкен. Бу Масловка јуртта коркышту колдомдош јуу болгон. Арт-учында шёттүлер танктарлу удурлаш-контратакага көдүрилген. Станковый пулеметчиктер шёттүлерди ѡткүрбеске јана баспасстан ла јалтаныжы югынан адыхын токтотпогондор. Је бу ёйдö станкачтардын отурган позициязын немецтинг танктарга тепсеп, ѡлгён-тирилүррин окоптынг ичине балбара базарга айланыжып тургандар...

Сержант Бурлев билинин ле келзе, јанында ак халатту, кеберкек чырайлу келин турганы көрүнген. Көргөн көзине бүтпей, кайда болгонын, не болгонын чек онгдол болбайт. Оноң кыймыктастып ийейин дейле, јээж-буурын ѡткүре кадалган сыска чыдан болбой, ойто ло билинбей калган...

Атту-чуулу пулеметчик бойынын подразделениезине јарым јылдын бажында Курский дуга деп адалган јаан тартышжуда јеткен. Анда угар болзо, оны нёкөрлөри ол тушта ѡлгён деп бодогон болуптыр. Ачукорон сооктордо болгон јаан тартышжуда бистенг сүрекей көп улус ѡлгён. Кар-шуурганның алдынан казып, бир канчазын таппай да калганы

чын. Оның учун Бурлевты өлгөнгө бодоп, айлы-јуртына, алган эжине похорона аткарылган. Андый да болзо, өлөлө тирилген јуучылга «За отвагу» деп баштапкы јуучыл медальды эмди тирү бойына табыштырган. Өбөгөнининг мындый салымду јүрүми керегинде Устиния Григорьевна письмо ажыра угуп, бүдер-бүтпей сүүнген.

Кажы ла јуучылдың алдынан бойының өткөн јолы, јуучыл јүрүми керегинде билер улус ас. Эмдиги карған јуучыл-ветерандар көпти билер де болзо, бойлоры керегинде куучында байдалар. Бу да јуучыл керегинде билбес эдебис, карын, Горно-Алтайсктагы 1-кы номерлү школ-интернаттың Кызыл исчилери Туул Алтайдан Н-чи стрелковый дивизияда јуулашкан улусты сурулап бедрекенин шылтузында таныштыбыс.

...Николай Дмитриевич 1912 йылда Старобардинский райондо чыккан. Лебяжье јуртта колхоз төзөлөр тужында ол эн баштапкы колхозко кирген улустың списогында төртинчи кижи болгон. Ада-Төрөл учун Улу јуу башталарда ол билезиле Улаган јуртта жаткан. Аймактың строительство бөлүгінде иштеп, колхозтор сайын атту јорыктап, жаңыдан төзөлгөн јурттарда жаан строительный иштер башкарған. Ажу тайганы атту ажып, Ада-Төрөлин корысырга Улаганың уулдарыла кожо атанган.

1982 йылда жетен жашту Николай Дмитриевич ўйи Устинияла экү Туул Алтайдан барган ветерандарла кожо Воронеж городто өткүрилген туштажуга барып јүрген. Бу туштажуда јуулган ветерандардың ортозынан амыр-эзен арткан алдындағы наýыларына јолығып, кару карындаштар чылап күчкәткән арткан алдындағы наýыларына јолықканына сүйнгилеп, ак чачту каргандар көстөрининг жаштарын арчыгылайт. Йуулар өткөн јурттарла јорыктап, анда жаткан албатының күндүзинде болдылар. Ол ок ѿйдо көстөрининг алдында өткөн ѿйлөр көлөткө чилеп элбендейт. Жаш јүрүми ўзүлип, жақына арткан јуучыл нöкөрлөрин эске алынгылайт...

Сумы городтон ары Украинаның телкем чөлдөрин өткүре, жаан сууларын кечире, Карпаттың бийик тууларын ажыра, Чехословакияның жерине жетире чойилип барган от-калапту јууларда Николай Дмитриевич јуучыл частытар ортодо жақытту пакеттер жетиретен сүреен каруулу командада болгон.

Фронтто тил алыхатан деп неменинг учуры коркышту жаан. Жақытту жетирүни телефонло эмзеле радиоло айдарга жарабас, ѡштү тургуза ла билип алар. Оның учун андый пакетти колдон көнгө жетиретен кижи кандый да учуралдан жалтанбас, билгир, сүмелү, бес чыдалду, анчада ла слөрдинг өлгөнчө ѡштүге садынбас патриот болор учурлу. Шак андый бүдүмжини коммунист нöкөр Бурлевко эткен.

— Жақытту пакетти ѡйлү ѡйинде жетиретен приказты бүдүрип, кандый сыйалгага учурабадым деер — деп, Николай Дмитриевич ол ѡйлөрди эске алынат. — Бир катап түнде таң атту эки кижи барып жатканыс. Бир-бирүбис өлүп те калза, пакетти кыйалтазы јогынан жетирери учун,

јакылтага экиден-ўчтен де барып туратаныс. Картада көргүзилген јерге једип бәрзабыс, анда КП — командный пункт јок. Кайда барган? Учураган солдаттан сураар болzon — айтпас, та билбес. Фронттың чокым линиязы да билдирабес. Бир јerde кезек агаштындын төмөн барып јада, ёштүлердин автоматчиктерине учурал, арай ла болзо јыга аттырып саларга јастаганыс. Эртезинде агаш јаар калытканыс. Анда да нөкөриминн адын шыркаласпен ийген. Оноң, карын, артиллерист уулдар ажыра јаны КП-ны таап, пакетти табыштыргам. «Передовойдо атту маңтадып турар — јүүле бердин бе?» — деп, полковник Сычев мени көмөлөгөн. Андый да болзо, пакетти юлү ѡйинде јетиргеним учун мактаган эди — деп, Николай Дмитриевич куучынын онон ары улалтат.

Јажытту пакетле колбулу јеткерлү де, каткымчылу да учуралдар Николай Дмитриевичтинг јүрүмийде көп болгон. Бир катап Днестрдин суузын атту кечерге келишкен. Бу учуралда Улаганда иштеер тужында Башкөс ло Чолушманын сууларын атла јүстүрил, кечин турганы болуш болды. Пакеттү вешмешокты јүктенип алала, јаратты ёрё јортуп, суунын арту-ашпак јерлерин талдап, адын јүстүрген. Тал-ортозына једип ле баарда, суу аттын байканын ажыра согуп ийген. Эмди кайра бурыларга јарабас — ичкери ле. Аттын тискинин тың тудуп, эки кулагына ла суу кирбезин деп чеберлейт. Анаыйп, Днестрдин јалбак суузын кечип, пакетти база ла тутагы јогынан јетирген.

Связьтинг начальнигиле болгон база бир куучын карган јуучылдын санаазынан чыкпайт.

— Сен јакшынан кавалерист болгонынды билерим. Мотоциклле маңтадып билеринг бе?

— Билбезим — деген.

— Автомашинала?

— Јок.

— А самолетло?

— Јок.

— Сен кандый јаман курьеर. Аттан ёскө нени де башкарып билбес. Сен јажытту пакет јетиретен аңылу курьеर ине. Приказты алган кийининде неле де болзо, баар үчурлу. Билдинг бе?

— Чып-чиын! Билдим!

Онызы коқырлаганы болгодай. Оноң коштойын отурып, пакетти самолетло јетирерин јартап айдып берген. Анаыйп, ыраакта турган чөрүнинг командирине «Кукурузник» дежетен самолетло учарга келишкен. Ол до учуш чоочыдулу айалгада ёткөн. Немецтинг месссерлери көрүп ийген. Је летчик сүрекей тың таскадулу кижи болгодай. Ол самоледын јабызадып ийеле, карагай агаш ёскөн арканы кыйулап оролыжа берерде, түрген учушту месссерлер жабызап болбой, бийикле учуп ѳдö бергендер. Анаыйп, бистинг самоледыс ёштүни төгүндеп ийеле, једер јерге јеткер јогынан једип барган...

Ада-Төрөл учун Улу јууны божодып, Николай Дмитриевич ойто

Төрөл Алтайына, бала-барказына бурылып јанган. Көксуудагы ла Абайдагы совхозтордо управляемый болуп јирме јылды ажыра иштеген. Онон, су-кадыгы уйадап пенсияга да чыккан кийинде, јирме јылга шыдарлай общественный иштерде көп иштеген. Ол тоодо көп јылдардын туркууна саду ишчилерининг албаты шинжүзин башкарған. Јууда алган кайралдарына ўзеери В. И. Лениннинг чыкканынан ала јüs јылдыгына учурлай «За доблестный труд» медальла кайралдаткан.

...Школа-интернатынг јаан залында јык толо ўренчиктер ле ўредчилер. Төрдө — јуунынг ветерандары, Н-чи стрелковый дивизиянын јуучылдары. Улу Јенүнинг күнине учурлалган торжественный јуун болгон. Мында школдын «Поиск-232» деген групазы бойынынг бүдүрген ижи керегинде отчет эткен. Концерт болгон. Бу јуунга келген партиянынг ла комсомолдын, јуунынг ла иштинг ветерандарынынг областной Соведининг президиумынынг председатели Василий Иванович Плетнев уткуулду куучын айдып, школдын военно-патриотический ле интернациональный таскаду аайынча ижкин мактаган. Бу ишке јакшынак болужын јетирип турган ветерандарды, ол тоодо Николай Дмитриевич Бурлевты областной Советтинг Күндүлү грамотазыла кайралдаган.

Нак биледе јадып, јуу тужында ёбёгёнине похорона алыш, ыйлапсыктап јүрүп эки балазын чыдаткан эмегени Устинья Григорьевна ла Николай Дмитриевич Бурлевтор былтыр күскиде Алтын тойын ёткүр-гендер. Каргандар ёлбёгённинг очине эмди де омок-сергек јүрүп јадылар. Бу көдүрингилү јуунда олор экүни бастыра зал бут бажында туруп, изү колчабыжула уткыгган.

Эжер Яимов

ШЫРКАЛАР СЫСТАЖЫП ТА ТУРЗА...

Оору улустынг эң ле тал-табышту, ойын-коқырлу палатазы он алтынчы палата.

— База ла бир процедура артты. Бу процедура лардан торт ло теликтү јер арттай барды — деп, Андрей Павлович Пешков јалмажын тудунгана, палатага кирип келди.

Андрей Павлович Пешков черүге 1939 јылда төрөл Ойрот-Турадан атанган. Москвандын жана индагы јаан јуу-согушта турушкан. Калининский областы Балагой, Торжок, Торопец, Калинин городторды јаан јуу-согуштарла ёткөн. Холм деп городто уур шыркалаткан. Ол экинчи Прибалтийский фронтко кирип турган частья јуулажып, бастыра алты катап шыркалаткан. Жалтанбазы, тынын кысканбай тартышканы учун Кызыл Чолмон орденле, алты медальла кайралдаткан.

1944 јылда ол төрөл городына шыркалу јанган. Онон 25 јылдынг тур-

кунына ўзүк јогынанг темир сөгор ус болуп иштеген. Оның колындағы темир беленирдий зэлгир, корголындый јымжак. Ол жетен јашка шыдарлай да берген болзо, ойын-кокыры ѡогынанг јўрбес кижи...

— Эй, уулдар, фронтовой табышқак табаар! Тапкан кижиғе энирдеги курсагымды берип жадым: «Он эки башту, жирме эки бутту, жирме ўч колду, жирме ўч көстү, токтомыр жок јўректү, тоозы жок темирлү. Ол кандый тынду? — деп, Александр Егорович Казанцев күлümзиренип, палатага кирди. Ол будына протез кийбес, тизезининг ўстинең жок будынынг ордына бойы эткен ёнгилчек агаш казык бутты сүрекей түрген јаба танып, тайак та тайанбай, аксанғдабай да тўп-тўс база берер. Оның палатадагы чоло ады «поэт», ёе ол чын ла поэт. Оның ўлгерлери јарлалбаган да болзо, ол ўлгерлер чўмдебей отурбас кижи. «Мен ўлгерлерди бойыма ла бичип жадым. Оныла мен јўрегимнинг бууканын чечедим» — деп, ол айдат. Бут бажына туруп, чырайын соодып эмезе эрў күлümзиренип, јаны чўмдеген ўлгерин колдорыла имдеп туруп, туктурылыш ѡогынанг айдар. Йуучылга Твардовскийдинг «Василий Теркин» деп туузызы сүрекей ле јараган болгодай — ол оны бажынанг ала учына јетире алатыш ѡогынанг айдып, ўренип алган. А кандый ус, кандый јакшы кычырар! Улус оскө палаталардан угарга келгилеер.

Ол јууга калапту 1942 јылда атанган. Баштап Тўндўк-Күнбадыш фронтто, Старые Руссы деп јерде јаан јуу-согушта турушкан. Онон олорды Тўндўк Кавказтагы фронтко ийгендер. Мында Крымский деп станциянынг јанында ол уур шыркалаткан. Онон јанып келеле, 20 јылга шыдар киномеханик болуп иштеген. Эмди ол темир-бетоннон эдимдер эдер заводто иштейт. Ол — заводто эн тоомылу улустынг бирўзи. Йуудаң ол эки Кызыл Чолмон орден ле торт јуучыл медальду јанган.

Улус табышқакты таап болбой, мокооп турдылар.

— Јербака болор бо?

— Он эки башту јербаканы кайдан кўрдин?

— Бу, байла јанғы эдилген робот.

— Американынг бисти коркыдатан термоядерный ракетазы болор бо?

— Жок. Таппадаар, уулдар, таппадаар! Уйан эмтиреер! Ол бистинг палата ине!

— Палата? Палата канайып 12 башту, буттарлу, колдорлу болот?

— Палатада бис он эки кижи. Алексей ле менде бут јок, Йорпондо бир кол јок, Григорьевичте сынгар кўс јок. Бот, оның учун бис 12 башту, жирме эки бутту, жирме ўч колду ла жирме ўч көстү болгоноис ол... А бистинг темирлеристе чын ла тоо јок. Ордендеристи, медальдастыры оччозын тагынып ийзебис, тўштöристе теликтў јер артпас! А эдиканыстагы јўзўн-башка осколкалар кайда?..

— Ха-ха-ха... палатадагы улус јир каткыга кире бердилер.

— Михаил Егорович, бу табышқакты сананып табарга кўп ёй ёткўрдеер бе?

Бу ла ёйдö коштой палатаданг кеберкек чырайлу, эттö-канду јиит келин кире конды:

— Слер оору улус па, айла араланып турганыгар ба?! Бу кандый каты, кандый тал-табыш?!

— Акыр, акыр, балам, сен не кородоп турун? Кöп кородозон, түрген карып каларынг. А сенди кеберкек кижи, ас ла салза, 60 јашка жетире карыбай, куулбай јўрер учурлу. А биске кокыр, каткы ѡлумди, фашист-олжочыларды јенгерге болушкан, а эмди дезе шыркалардын сызын, оору-јоболды јенгип чыгар арга берет. Слерлер мындый јарашибырысты, сүүнчилү јўрзин деп, бис улу јенгү тутканыс. Онынг учун Улу јуунынг кенектерин јаман кёрбөй, олорго кыйгастанбай јўр — кинчек болор, балам — деп, палатадагы улустынг јажыла јааны, сегизен јашту сырсак бўдўмдў Иван Васильевич Загребов келинекке араайын јартады. Онызы кызырып, былангдан, айдар соc таппай турала, тескерлеп, палатаданг чыкты.

— Канайдар олорды, курсактаң аштабаган, кийимнен тутабаган, кыйын-шыра кёрбёгён улусты — деп, карган ёрёкён терен чырыштарлу, кызара берген чырайын сыймай согуп айтты. — Мен эмди очередь јогынанг аш-курсак, керектү товарлар садып аларынанг кемзинип, чынын айтса, јалтанып, очередьке ле туруп алдым. Бир катап мен алама садып аларга баргам. Оны да бойыма эмес, уулымнынг уулына — кичинек Сережага. Очередь јаан болордо, јангымды тузаланып ийейин деп, бичигимида чыгарып, садучы јаар boldым.

— Слер кайдоён, кайдоён! Кайра болыгар, бу уйалбас кайткан улус, очередь юкко албадана!

— Мен јуунынг кенеги, документим бу...

— Йўзён-башка документтү немелер коптёгён! А бис улус эмес пе! Бис иштебегенибис пе? — кабагын јемире кёргён, эттö-канду тес-тек келин кородоп кыйгырганча меге калып келген. Мен јомётё сурап, айдар соc таппай, турган улуска кёргём. Ё кёп јиит улус менинг кёзимненг кёстёрин јажырып, туура кёргёндёр. Мен нени де айдып болбой, јана баскам. Ур контузиянынг кийинде түрген куучындап болбос, туктурылчан болуп калган инем. Мен сүрекей карангүй күүн-саналу јангам. Ағын айдадым — нокорлоримде кожо ары ла јуунынг јалағында не артпагам деп карыгып санангам. Карын балам, Сережа, шантажанча јўгўрип келип, мойнымнанг кабыра кучктап, окшой берген. Бўдереер бе? — меге тоолонып ағып турган костинг јажын уулымнанг јажырарга сүрекей кўч болгон.. Мен торт јашту уулымга јўрегимнинг кородоп ачынганын, кўйнимнинг комыдаганын соc јогынанг айдып, оны бойымя јаба кучктап, ёкпётгёним очкёнчо узак отургам.

Ононг онгдонып, карык санааларды түрген сееп, алдымда тынг катырып, болчондоп јўгўрип турган уулымнынг кийиненг сүүнип талтандаткам. Көрзöр дö, бала кижини кандый тынг сүүндирип јат. Карык санаалар кайылган — мен бойымнынг ырыстуумды ондогом. Бис ка-

нысты тегин төкпөгөнис. Ондо, канду јууның јеринде, сөöгин салган нöкөрлөрис тынын тегин бербегендер. Бу јакшынак јадын-јүрүм, 39 јылдын туркунына амыр-энчү јадын, айас тенери — олор ончозы бистинг, совет уулстынг јенил эмес тартыжуда туткан јаан јенүбистинг шылтузы.

Иван Васильевич Загребов артиллерист болгон. Ол Воронежти јайымдап, историяга кирген Курский јуу-согушта турушкан. Онон Чехословакияның, Польшаның, Германияның јерлериле јуулажып öдүп, Берлинге жеткен. Ол јуучыл алты медальду јанганд.

Чекураков Јорпон Йыпирович Венгрияны, Чехословакияны, Австрияны јайымдаар канду јууларда турушкан. Австрияның тös городының, Венаның, јанында уур шыркалаткан.

Филатов Алексей Иванович финский јууда турушкан. Онон фашистский олжочыларла јуу божогончо тартышкан.

Лейтенант Яков Григорьевич Попов — империалистический Японияла јуулашкан јууның туружаачызы. Јуудагы болгон учуралдарды куучындаганда, угарга сүрекей ѡилбили.

Кезикте тал-табышту кокырлардын кийинде алдындагы јуучылдар јадын-јүрүм керегинде араайынаң куучындаха бергилеер. Олордын амадузы јангыс — јуу-чак јердинг ўстинде база катап болбозы, амыр-энчү, айас тенери.

Мындың кандый да уур-күчтерде јана баспаган, сыныкпаган, кунукпаган уулсты кандый да ѡштүге јөнгерге күч. Олор јөндиртпеген, јөндиртлес. Олордын јана болбос күүн-табы, сергеленг сыны, омок јүректери шыркалардын сзыын јылыйтат, оору-юболды јөнгерге болужат. Областной больницаның пульмонологический болүгинде он алтынчы палата бар. Оның эжигине «Ада-Төрөл учун Улу јууның туружаачыларының палатазы» деп бичип койгон. Мында чын ла кунугып билбес јүректү, јана болбос күүн-тапту јуучылдар бойлорының су-ка-дагын орныктырадылар.

БИСТИНГ ЮБИЛЯРЛАРЫС

Күүгөй Төлөсов

БААТЫРЛАРДЫН САЛЫМЫ

Бичиичи И. В. Шодоевтинг 70 жаңына учурлай



Кой кечкен суу дейле, бörү ичкенин кем көргөн? Айдарда, албатыга жаңыс ла кеелү-сүрлү жарап кийим-кепле тамзықту јакшы аш-курсак керек эмес эмтири, а атту-чуулу баатырлар керегинде јакшынак чörчöктöр база керек болгон.

Бис јуунынг-чактынг öйлөринде школго баштап ла барып турарыста, «Алтай баатырлардын» баштапкы, экинчи томын кычырып туратаныс. Ол тужында кижи кози жарап Кöзүйкенинг öлгөнине кородоп эмезе Алтай-Буучай баатырдын тирилип келгенине сүүнип, кös јумбай кöп-кöп түндерди öткүретен эди. Керосин-лампа јок öйлөрдö, темир пеккенинг оозын ачып алыш, жалбырап јаткан јарчаанын јаркынына баатырлардын jörgümin кычырып, кижининг тыныжы көксине бадышпай баратан эмес беди. Же соондо жаандап келип, ол немелер ончозы чörчök деп онгдол, жаш туштагы жарап кörүлерге-илбүлерге жаңыс ла араай кülümzirенип jörgen. Анайда «јакшы болзын, жарап чörчöктörim» деп jörgенчеес, бу 1958—1959 јылдардын ичинде Иван Васильевич Шодоев деп кижи биске Ирбизек деп коркышту бöкө баатыр укту күрещи керегинде повесть бичип сыйлаган. Бу повестьтинг

кире сөзинде автор мынайда јартаган эди: «Он тогузынчы јүсілдыхытынг баштапкы он ылдары киребе Кан-Јабаган ичинде јуртаган Ирбизек деп бёкө керегинде айдылат. Ирбизектінг әдазы қыпчак союкту Чийне деп кижи болгон. Ирбизектінг уулынынг ады Селбик. Селбик Сайму деп уулду ла Содокы ла Іаман деп еки қысту болгон дежет. Со-докы Јабаганнынг совхозында ылкычы болгон эмтири. Чеденниң ичине өлүп калған сарбааны ол јаңыскан көдүрип, чеденнең ажыра таштап ийген учурал керегинде ле кандый ла эмдик малды јаңыскан тудала, зэртеп минип алатаны керегинде куучындарды мен 1960 ылда Јабаганннынг улузынанг уккам. Саймұның жаан уулы, Іымжай, Јабаган-Бажында соххотынг торбокторын кабырып туратан. Кичинек уулы, Іыңыспай, Экинурда колхозто койчи болуп иштеп турарда, мен ого јолыккем.

Ада-оббеконинг историязында болгон ат-нерелү керектерди канча кирези билгенисле ончозын چынынча мөңкүлүктеп бичип койзоос, ол келер ўйеге бистинг бүдүрген агару керегис болор деп бодойдым».

Бис шак бу кире сөсти қычырала, чын болгон кижининг јүрүмиле баштапкы ла катап танышкан эдис. А чын болгон керекти искусствонынг бийик тепкижине چыгарарга бичиичиге жаан жайалта ла бек идей-чак керегин, байла, бистинг кажыбыс ла ондол отурган болор.

Бу бичик ындык ла чыга берген тужында болгон бир учурал керегинде айдар күйнім бар. Мен ол тужында радиокомитетте иштеп турғам. Кажы ла откөн неделеде кандый берилте, кандый солун табыштар, кемдий канайда откөн керегинде бастыра ишчилер јуулып алыш шүүжетенис. Чичинов Валерий коркышту эптү ле кайкамчылу этире солун-табыш бичиген дешти. Акыр, бу не керегинде болотон деп јартына чыгып, угар болзо, Иван Васильевичтін «Ирбизек» деп повези керегинде болуптыр. Бу мыны кижиденг башка этире канайда бичиген деп қычырып көрөр болзо, Валерий оны бичиктен ле көчүрип бичип салган эмтири. Ол мындык болгон: «Жер-Боочыны ѡрё ўч айылдаш — Шаты, Жалбак ла Белек ээчий-деечий јорткылап отурдылар. Олор көргөжин, удаган юкто ло олордонг озо база бир атту кижи боочыны ѡрё жаш карда јорт бертир. Анаң барып јатылагажын, байагы аттынг изи јоголып, јойу кижи јүре берген эмтири.

— А бу кижининг ады кайда баады? — деп, олор бой-бойлорынан суражып, анаң кайкап боочыга чыгып келдилер. — Акыр, уулдар, атты јүктенип алган, јабатып јүрген айу болбозын, аյыктанаар, айыктанаар... Ба-таа, бу тен куулгазын болбой бу. Мынанг ойто јүрееректер бе? — деп, бой-бойы дöён алаатый берген көрүштилер.

Анаң олор боочы төмөн түжүп брааткаждын, ойто ынтынг изи јадар. Анаңда саат-маат болбой јүрүп, ол аттынг изи өзөктөги бир айылдынг чакызына келген түрдү. Олор айылга кирзе, Ирбизек отурды.

— А бу сен адынгды јүктенип, кижини не коркыдып туруң, Ирбизек? — деп, олор ўн алышып сурадылар.

— А бу бир сарбаа арый берерде, ого болужып турбай база — деп, Ирбизек күлümзиренип, каруун берди...»

Шак ла мының ла кийнинег Иван Васильевич Шодоевтинг кажы ла бичиген произведениеин жаан да улус, жаш та бала-барка жаан суруда бедреп, коркышту јилбиркеп кычыргылайт. Оның кийнинде, 1967 жылда, оның «Кызыланған жылдар» деп романы кепке базылып чыкты. Бу ол роман 1973 жылда экинчи катап, а быылгызыла ўчинчи катап кепке базылды. Бу коомой бо? Жок. Айдарда, автордың чүмдеп-јурап бичигени албатыга жараган. А нениң учун жараган деген суракка бис бир кишинек жартамал ла романнан бир канча темдектер алып көрөли. Иван Васильевичтинг жартамалыла болзо, алтай албаты бойының историязында болгон ат-нерелү керектерди ундыбай, ўйеден ўйеге улалтып, бойының бичилбеген бичигинде алып јүрген. Темдектезе, он сегизинчи чактардың ортозы кирде Кан-Чарас ичинде Бүдүки, Тузагаш, Карчага, Түүкей, Чече ле ѡскö дö атту-чуулу бökö баатырлар, аткыр солоондор, чыйрак ла капшуун кезерлер болгон. Олор ѡскö јерлерден келип, табару эдип, улусты кырып, тоноп ло олжолоп турган ѡштүлөргө көп катап удурлажып, тöröl жери ле албатызы учун ат-нерелү јулашканы көрегинде көп-көп улус эмди де оморкоп куучындейдилар. Керек дезе бу мындай кыйын-шыраның öйинде келин-кечин де бойлорының омынын, жалтанбазын көргүскендерин бис бу романның кажы ла страницаларынаң көрөдис. Темдектезе, романнның «Сööttü тайга» деген болжигинде Шутур деген кыс Алтын-Тогус деген жалтанбас јучылды кара казактар кыйнап ѳлтүргенин көрөлө, ол мынайда айдып, каргап жат: «Ой-ой-оой! Агаш-ташту Алтай! Ак-ярыкта бис, алтай албаты, кандай кинчек эткенис? Нениң учун бис олжоның базынчыгында, нениң учун жаантайын шырада, кыйында ла ѳлумде? Ой! Алтай-кудай, биске мындый кыйнатырып ѡлёр салымды не берген? Айлу-күндү тенери! Үргүлжиге сеге мүргийин, кинчеги ажынган кара казактарды от-жалкыныңла ѡртөзөнг, мениң чанткыр тенерим!..»

Шутур мынайда айдып, учы-учында каргыш кожон кожонгдол жат.

Жайналганду кожоғым
Жайлугушка угулгай,
Жаман қыдат черўзи
Жар бажына кырылгай.

Кају јердинг ѡлбигин
Кара малым отозын,
Кара қыдат черўзин
Кара кускус чокызын.

Сары-кобы ѡлбигин
Сары малым отозын,
Сагыжы жаман черўуни
Сары кускус чокызын...

Бу кожонғың кийинде Шутур деген қысты кара казактар узун шерде агаштың жоон учын јерге чала қыяа кадайла, күнчыгыш жаар ба-каналап көдүрген учкур бажына кептей сайып койгон. Оның таналарла чүмдел өргөн қызыл-күрөн торко чакту шанкызы каланғап, эзин-салкынга арааң жайканип турганын автор кижиның көзине көрүне бергедий ле күйка-бажы жимирей бергедий этире бичийт. Өштүү мындый кыйнашту өлтүришле алтай албатыны мокодор, кезедер, сүрдедер, колго түжүрөр амадулу болгоны жарт. Же алтай албаты өштүнинг алдына чөгөдөп качан да жалынбаган, жалынбас та.

Эне-Алтайы ла албатызы учун ат-нерелүү јуулажып, жер жастанып жыгылган уулдардың ла қыстардың ады-чуузы албатыда ундылбай, ўйеден ўйеге улалар, ўргүлжиге тирүү јўрери керегинде бичиичи эмдиги өзүп жаткан жаш ўйеге қычыру кептүү бичийт.

Оның да учун бу роман ўчинчи катап кепке базылып чыкканы бу.

Төрөлиске ле албатыска келген кату ёйлөрдө бойлорының тынын қысканбаган калапту бүткен ада-обёкөлөристигүү јүрүм-салымын онгдол, олордың эткен керектерине тем болорго бистинг кажыбыс ла албада-нары ѡлду. Мыны ончозын алаканда немедий жапжарт этире чүмдеген бичиичи Иван Васильевич Шодоевке бойыстын алкыш-быйанду сөзисти кемибис ле айдар аргалу.

...Бу өрөги айдылганы бичиичининг произведениялери керегинде тоолу ла сөс болор. Иван Васильевичтинг су-алтай тили, озогы сөстөрдүнг билдирир-билдирибес күрмелгелери керегинде элбеде жартамал эдерге анылу специалист керек. Ол андый жаан жартамалду иш жада-тура бүдер деп иженер керек.

Бичиичини јаңыс ла оның произведениялери ажыра ондоорго арай ла толо-бүткүл эмес болор. Ол кайда ѡскён-чыккан, нени иштеп јүрген? Шак бу бого каруун берерге бичиичининг јүрүминде болгон бир канча темдектүү ёйлөрин эске алыш ийзе эптү болор эмес пе.

...Иван Васильевич Шодоев быыыл жетен жашту болды. Жетен јылдын туркунына бу кара бажы буурайып калган өрөкөн кандый ѡлдор ѳт-пöдү, кандый неме көрбөди эмеш. Кижи јүрүминде тайкылып жыгылар да, ойто тайанып турар да болуп бүткен ине. «Жууның-чактың ёйлөринде мен көп-көп жакшынак нöкөрлөримди де жылыйткам, бойым да өштүнинг оғынанг канча-канча катап канла жунулгам. Кезик осколкалар эмди де эди-канымды ёйкөп, эгеп, жут-јулакай күндерде амыр бербейт» — деп куучындайт.

Иван Васильевичте жууның ла иштин ўч ордени, он эки медали, көп тоолу күндүлүү грамоталар бар.

Жууның кийинде И. В. Шодоев көп јылдарга улай советско-партийный иштерде эрчимдү турушкан. Ол көп јылдардың туркунына «Алтайдың чолмоны» газеттинг редакторы, облисполкомның председателининг заместители, РСФСР-динг бичиичилерининг Туулу Алтайда-гы биригүзининг каруулу качызы болуп иштеген.

Иван Васильевич 1981 жылда «Өлümди јенип» деп повесть кепке базып чыгарған. Бу бичиктинг төс геройы Ирбисевтинг жалтанбас жүрүми, Төрөлине ле албатызына келген калју штүле кызыл канын төгүп, калапту тартыжуларда жана баспай јенү алган жалтанбас геройды көргүзет. Кычыраачы алдында «Ирбизек» деп повестти кычырып, эмди бу «Өлүмди јенип» деген бичиктинг төс геройының ортодо кандый да колбу барын сезип ийген болор. Алдында Ирбизек деп бökö баатыр кептү кижи болгон болзо, а эмди ол бу от-калапту жуу-согушта база ол ок Ирбизектий Ирбисев деп атту-жолду неден де жалтанбас жуучыл-геройдын ууркүч ле кижи күйүнгедий жайлата-салымын автор жаркынду страницала-рында журайт.

...Иван Васильевич Шодоев пенсияга чыкканынан бери анча-мынчай өй өдө берди. Амырлата гылккам дейле, ол айлына отурбас кижи. Кажи бир өйлөрдө. Иван Васильевичтү үгар болzon, түку Барнаулда, Томскто, Кан-Оозында дежер. Же көп лө жарымы өйлөрди Иван Васильевич Тугайадагы садында откүрип жат. «Эски шыркаларым бу жут-жулакайдын алдына сыстажып та жат» деп жүргенде, ол жаантайын кычыран жерге келип, балдардын, жашоскүримнинг алдына бойынын жүрген жүрүмин, албатызына ла Ада-Төрөлине эткен ижи керегинде жаантайын күучын-дап жүрет. Иван Васильевичтүн баскан базыды эмди де быжу, эдетен иштерим эмди де көп деп, жаантайын жол-жорыкта, творческий бедрениште ле ак чаазынды алдына салып, өй, жүрүм, албаты-жоннын да, Ада-Төрөлининг де эмезе акту бойынын да салымы керегинде учыккайузы билдирбес айладу сагышта.

...Өйлөр өдөр жанду, а кижи дезе — карыыр. Же андый да болзо, кажы ла өй бойынын анылу темдегин артыргызат, а кижи дезе — жүрүминин анылузын, башказын. А Иван Васильевич Шодоевтүн откөн жолын ла бүдүрген ижин көрүп, бистинг кажыбыс ла шак мынайда сана-нып та калар эмезе айдып та жүрер аргалу: «Кара бажы кажайа берген шак бу бичиичи алтай баатырлардын жүрүмин бойынын жакшинак бичиктери ажыра ойгозо-тиргизе журап көргүскени учун, ол бойына да албаты ортозына жакын-чакка артатан алтай баатырлардын салымын алынганы жарт».

ЖҮРҮМНИҢ АЖУЗЫНДА



Бежен јылдардың башталгында
крайдың бичиичилерининг јуунында
Александр Демченко мынайдада айткан:
— Менинг учуп чыгар јерим — эм-
диги ѿй!

Бичиичи-коммунист бойының сөзине чындык болуп арткан. 1952 јылда оның повесттерининг ле куучындарының «Шаргайта» деп јуунтызычыккан. Јуунтыга ат берген повесть

бойының кееркемјик ле идеиний учуры јаңынан бийик кеминде бичилген. Анда Туул Алтайда койдың јаңы уғын öскүрип турган койчылардың јадын-жүрүми ле ижи-тожы көргүзилген. Колхозтың карган койчылары Санаш Ялатовтың ла Борлой Ачубаевтинг, олордың балдары Майнаның ла Мураттың ат-нерелү ижи керегинде куучындап, автор кижиар-бүткенди бактырага амадаганын көргүзет.

Александр Демченко — бистинг областыта алтай теманы онча јаңынан көдүрип турган бичиичилердин бирүзи. Бүгүн оның чүмдемелдерининг геройлоры ого быйанду сөzin айдышкан болзо, ол сөстөрдин көп нургунын алтайлап айдар эди.

Орус бичиичилердин национальный литературада ижи — ол бистинг совет јадын-жүрүмде чек јаңы керек. Жиit литературапардың түрткендей өзүминде төс учурулу керек — бой-бойына јетиришкен камаан.

Орт айдылганы Туул Алтайда орустап бичип турган бастыра бичиичилерге келижип жат. Орус бичиичилер Туул Алтайга ајаруны алдынан бери эткен. Онызын анчада ла атту-чуулу орус бичиичи Вячеслав Шишковтың творчествоозы керелейт. Ол алтай материалга тайанып, бойының «Чуда болгон керектерин» бичиген.

Анайып, орус литература карындаштык литературалардың төзөлөррине ле идеино-эстетический өзүмине јаан камаанын јетирген.

Туул Алтайдың историязына бойының ады-јолын Александр Демченко бичиген. Оның «Чүйдің таңдақтары» деп романы Октябрьдың кийнинде алтайлардың жадын-јүрүмінде болгон кубулталар керегінде көдүрингілү куучындан берет. Бу романда качан да базынчыкта жаткан алтайлардың творческий ижи чечектеп öскөнин, олордың орус улуска карындаштық öмө-жомөлик ижин, најылығын, жайымдалған ў кижикинің жаражын көргүскени анчада ла баалу. Романың төс геройи Гульзах ачу-коронды көп көрүп, иште ле акту јүрүмде жаңы ырыс табат.

Романда жаан ајару совет жаңының жылдарының туркунына öзүп чыдаган ла партияга таскаткан жаңы алтай жашоқшүримге эдилген.

Романды пресса жылу утқыган. Темдектезе, «Комсомольская правда» газет ол керегінде каанының Россиязының алдында жака жерлеринде јуртаган улустың жадын-јүрүмін чындық ла терең ондогонду көргүскен социалистический реализмнің чүмдемели деп бичиген.

Бичиичи «Jүрүмнің ажазында» деп романында бойының төс тематиказына чындық артат. Jүрүмнің ажазы — ол ўргүлжик амаду. Бу чүмдемелдінг төс шүүлтезин шак анайда ондоор керек. «Горный большевик» деп колхозтың jүрүмін көргүзип тұра, бичиичи жарт хожайствоны партийный башкарапының сұрагын түргузат.

А. Демченко бойының чүмдемелдеринде улайын жарт хожайствоның сұрактарын көдүрет. «Чындық сүш керегінде повесть» деп романынг төс геройи — агроном ў кижи Марина Иноземцева. Ур-күч ченелтілі жылдарда ол партизан болгон, амыр-әнчүй бйлөрдө дезе оның jүрүмнің төс учуры совхозтың салымы, улустың жадын-јүрүмін жарандырары боло берген.

А. Демченконың очерктерден, куучындардан, жаан эмес повестьтерден турған бичіктери ээчий-дееций чыгат. Олор: «Менинг амадуумынг улузы», «Туулардагы туштажу» ла öскөлөри де. Олордың төс геройи — ишке, эл-жонның керегине беринген, керсү ле ак-чек jүректү кижи.

Москвада «Современник» издаельство кепке баскан куучындардың ла очерктердин «Кеп-куучындардың жери» деп бичиги «Чүйдің јолы» деп очеркле ачылат. Бу бичигинде автор Туул Алтайдың öткөн, тургуга ла келер öйи керегінде куучын öткүрет.

Жууның öйинде Александр Михайлович Демченко парашютный черўлердин десантниги болгон. Оның соңында — ол крайдың «Алтайская правда» газедининг бистинг область аайынча корреспонденти. Ол, журналист кижи, Туул Алтайдың ончо хожайстворында болгон. Улус ла олордың ижи керегінде ол периодический печатька ла областының радиозына ўч jүс очерк, Петр Суховтың кызылгардейский отрядының ат-нерелү жуучыл жолы керегінде «Настенька», Туул Алтайда эн баштапкы Чолушманнның «Jайым иш» деп коммунализын кулактардың бандалары оодо сокконы керегінде «Jасты чеберлекер» деп эки радиопьеса бичиген.

Бистинг область ноокылу эчкilerле алдынан бери макталып келген. Шак мында бойының юйнде эчки оскүрери аайынча Бастырасоозный юун откөни тегиндү эмес. Александр Демченко очерктерининг бирүзинде бойын бу керекке учурлаган улус керегинде куучындайт. Он беш јылдын туркунына ноокылу јаны ук эчкilerди оскүрери јанынан иштеген койчылар Мамый ла Сойонг Курдяповтор, ученый Лидия Владиславовна Окулич-Казарина керегинде ол көдүрингилү бичийт.

«Кеп-куучындардын јери» деп бичиктеги «Ак-Талдың ээзи» деп документ кептү куучын сүреен јилбилү. Анда јаныс та аксагалдарды эмес, је бастыра јуртты кайкадып, јурт советтинг председатели боло берген казах кыс керегинде айдылат.

Бичикке кемиле јаан эмес, је курч сюжеттү куучындар ла очерктер кирген. Олор байлык ла сүрлү тилле бичилген.

Тургуза ёйдо крайдын бичиктер чыгарар издаельствозында ак-ярыкка чыгарарына оның совет кайчылдар керегинде «Көрүнбес фронттын јуучылы» деп бичиги белетелип јат. Александр Михайлович «Деремнедеги керектер» деп јаны романын учына јетире бичип барадыры. Ол «Совет бичиичи» деп издаельстводо кепке базылар.

«Оок суучактардын канайда бүткенин сперге көрөргө келишкен болзо, олор бойының јолын канайып јана болбостон ѡлдоп турганын спер, байла, аярган болороор. Кандый бир карангүй өзөктөнг сызылып чыгала, андый суучак јалтанбастаң ак-ярыкка чыгарга чырмайат. Ол бойының јолында јөндөрди, агаш-ташты ырып, ийде-күчи там тыңыйт. Ичкери дезе — јаан суу».

Бичиичининг очергинен алышлан бу сөстөр Кызыл Чолмон орденин ле көп тоолу медальдардын кавалери Александр Михайлович Демченконың творческий јолын неден де артык көргүзет. Ого быйыл 22 августта 70 јаш толды. 1945 јылда бойының дивизиязының историязы керегинде бичип баштайла, алдындағы фронтовик Сибирьдинг бичиичи-лери ортода аңылу жерге тұра берген.

Александр Демченко

АРУ УЙАТ

Јети јыл мынаң озо Семен Егорович Архиповты јерлештери саду јанынан шингжү откүрер јамыга туткандар. Оның ла кийнинде темиккен эзжи гайынча, кажы ла суббот, воскресен күндерде эртен турадан ала магазиндердин ижин кайып базар болгон. Олор ас эмес — торт: бирүзи гастроном, ўчүзи ларек. Ончо ларектордан эң ле табыш-чугандузы, анчада ла жайгыда, сыра садып турган ларек болгон. Оның учун Архипов ол ларектын ижине анчада ла јаан ајару эдетең.

— База ла шингжүнге барадың ба, карган? — деп, ўйи кородогон кептүү сурады.

Семен Егорович нени де айтпас деп сананды. Мындый аялгада ўй уулусла кепчежерге јарабас. Оноң ўйининг серемјилүү көрүжине чыдашпай айда салды.

— Не болды?

— Халва экелген дежет — ўйи көзнөк јаар карап көрөлөө, айтты.

— Жарт. Сенинг сүүген ажынгы кыйалта јогынан садып экелерим.

Уйи сүүне берген болбой, Семен Егоровичтин јардына таптады.

— Сен ондо көр, байа магазинге аракы экелгилеген турган эди. Аракы сүүчилерле бириге бердин.

— Је, бу канай турунг — деп, Архипов ўйи јаар көрди. — Меге бүтпей турунг ба? Саду башкаар комиссиянын башкараачызына мени тегиндүү туткан деп турунг ба?

— Кийинде ле көргөйис, — ўйи колын јаңыды.

— Алдырбас, энэзи, меге мындый керекти јаңыс катап бүдүрерге келишпеген ине.

Архипов магазиндердин ижин шингдейтен комиссиянын члени деп биледин карманына сугуп алала, менгдеш јогынан айлынан чыкты. Кыштынг соок күни болгон, соокко тонгон кар кату таманду сопогынынг алдына јаан табышту чыкырап турды. Мындый эртөн турада кей де сүүп калгандый, тынарга јенгил билдирет.

«Аракы — классовый ѡштүдөн коомой» — деп, Семен Архипович јолой сананды. Оны јенетен арга јок. Ого кандый кижининг бажы базылбаган, кандый эр јыгылбаган. Онын чагына кече ле нөкөрингле, антыгарлу најынгla ѡштү болуп каларынг. Кезик аракычы бойын атнерелүү керек эттим деп бодойт, кезиги санаазын да, уйадын да јылыйтат. Мындый кинчектүү немени та кандый шилемир сананып тапкан».

Архипов мындый уур санааларды сананып барадала, магазиннинг эжигине јуулып калган көп улусты көрөлөө, базыдын араайладып ийди. «Он бир часка јетирире сакыгылаар, ого јетирире эмди де эки час. Мындый улус иш эдерге турган болзо база борор, көрмөстөрдүнг ле бойлоры».

Архипов мындый шүүлтөле магазинге једип келди. Ол кемге де јаман да эдерге сананбаган. Кижи кайдан билер, кижининг кандый көреги јок, айса болзо, ыраак төрөгөнине јолыгар, эмезе јуук нөкөрине туштажар. Ондо коомой неме јок. Ачу ашты алатан ёйи он бир час, ого јетирире эмди де эки час, ого јетирире бу турган көөркүйлер тынг ла кинчектелбей кайтсын.

Архипов мынайда сананып турганча, магазиннинг эжигинде тургандардан кем де кыйгырды:

— Егорыч, ишке келген болбой кайдарын?

Көрзө, онын алдында комбайнда кожо иштөгөн нөкөри болтыр. Кирза сопокту, кызыл чамчалу, јуртта аракычылардын јааны. Онын аракы-чеген ичкен јерден туруп калатан јери јок кижи.

— Мен көрзөм, сен база төжөктө токыналу уйуктап албай турган кижи болтырын? — деп, Прокудин эрмегин баштады.

Архипов нёкөрининг айтканына кородой берди. Ол бу јуртта мынды аракычыла жолыгарым деп сананбаган. Кайракан ижин, билезин таштайла, калганчы ёйлөрдө та нени эдип турган.

— Уйкуданг астыктым, Егорыч — деп, Прокудин эрмегин онон ары чойди. — Бот, оның учун кызыл таңда туарга келижип жат.

— Канайдайын, болужар аргам јок, — Архипов бажын жайкады. — Ондоп турум, је канайып та болужатан аргам јок.

Магазинге кирип барада, бир салковойго халва кемјип берер деп сурады. «Үй кижи тату неме јийтем деп айткан, оның сурагын бүдүрбес арга јок».

— Кассага талон соктырып ийеер — деп, жиит садучы магазиннинг эжик жаңы jaар отурган кеберек кыс jaар кол уулады.

Кассада отурган кызычак аппаратла эптү иштеп, Архиповтонг беш салковойдый алала, эки чаазын јандырды. Семен Егорович берген акчаны тоолободы да.

— Бүгүн спердинг он бир частаң ала керек кызық болотон эмтири — дейле, магазиннинг эжигине јык толо јуулып калгандар jaар кол уулады. — Ас ла болзо, бежен кижи бар бolor.

— Је, олорды незин айдадыгар, күнүң сайын мындай болуп турбай — деп, кыс колын јаныды.

— Дежурный бар ба?

— Милиция ба?

— Дружинниктерден де болзо. Мында сыгылыжып турup, прилавканы арай јемиргилебеди ине. Акыр, мен ѡлой јурт Советке кирип, оның аайын угул ийейин. — Кызычак Архиповтын агару амадузын ондоп, күлümзирене берди. Ол бу акча да төлбөс, бойының күүниле бүдүрип турган ижин ак-чек бүдүргени удал калган. — Мен уда базым, ўй кижиге садып алган немемди јетирип берейин. Карган да болзо, тату немени коркышту сүүр кижи. Чек јаш бала ошкош. Оны канайдарынг жакына јуртап јадыс, сурагын бүдүрбеске болбос.

Архипов куучын көптөй бергенин сезип ийген болбой, колын јанып ийеле, эжик jaар басты.

...Jaан уда бай женине кызыл бös буулап алган уулдар ээчи迪п алган жетти. Үч уул магазиннинг эжигин түй тургулап, улусты ўчтенг-тöрттöнг кийдирип турдылар.

Мындағы керек айланған, эмди ѡсқо магазиндердин ижин кайып көрзө кайдар дейле, калаш садып турган магазин jaар басты. Магазин жанты ла ачылған. Садучы Аксинья Волкова пирогтор садып турды.

— Эттү бе? — деп, очередьте тургандардын бирүзи сурады.

— Буурлу — деп, садучы омок айтты.

Карған буурлу пирожкторды коркышту сүүйтеп, оның учун кармандағы акчазын белен кодорды.

— Бежүни — деп, ол ары-бери көрбөй лө айтты. Аксинья алган акчазын көрөлө, жандырузын тарелкага салды. Баштап бежен беш акча салды, оның кийнинең эки салковой. Архипов баштап тарый алган акчазын бир де тоолобой алала, ононг отко күйген немедий, ойто сунды. — Бу сен канай турунг, Аксинья? Акча тоолоп албай барган ба? Мен сеге бир салковой бердим ине, а сен дезе ўч салковойдөн жандырып жадынг. Сенинг пирожокторынг жанчадан?

— Баазы жаантайын ла жаңыс.

— Тогус акчадан ба?

— Эйе.

— Аныдарда бежүзи төртөн беш акча ба?

— Эйе, мен сперге бежен беш акчаны жандырала, ўзеери эки салковой бердим. Менинг бүгүн кере түжине жууган акчаларым бу. Слерден артык акча алды деп сананбагар.

— Мынайтсанг жаан керекке илинеринг, Аксинья.

Садучы акча салып турган тарелказын каап алала, Архиповтын көзинин алдына жайкап турды.

— Бот, көр, Егорыч, сенинг берген ўч салковойыннан ёскö чаазын акча жок.

Архипов көргөн көзине де бүтпей, колын карманына суга салды. Алаканында ўч салковойдиг жап-жаны чаазыны шылышрады.

— Аксинья, сен мени жүүлгек деп бодобо. Менде беш салковой акча болгон, бир салковойго халва садып алгам. Артканы төрт. Ўч салковой карманымда, аныдарда, сеге бир салковойдиг чаазынын бергем.

Очередьте турган улус чуркуража берди.

— Сен, карғанак, алатаң неменди садып алган болzon базарлаба, кейлекинг токtot, бис база аларга турус.

— Акыраар, бу бала жастырып ийттир, аныдарга жарабас ине.

— Же, же, чындыгынды мында көргүспе, очередьтен чык.

Аксинья катап ла акчалу тарелказын ала койды.

— Кудай учун улуска чаптык этпе, Егорыч. Берген акчанг бу жат.

Архипов кородоп, жер жаар түкүреле, туура басты.

— Акыр, не болгон болтон, айса болзо, ол гастрономдо иштеп турган кызычак жастырып, меге төрт салковойдиг ордина эки ўчти берген болор ба? Берген акчам ўч эмес, бир ле салковой болгодай эди. Бу Аксинья канай турган болтон. Айса болзо, ондо кандый да ёскö шүүлте бар.

Ол катап ла прилавка жаар болды.

— Бу кандый уйалбас карган — деп, очередь күүлэй берди. — Мындый эрте кайданг ичинил алган шилемир бу?

— Уксагар да — деп, эрмегин баштаарга ла жадарда, очередьте турган жаан оборлу уул кородой берди.

— Ичин алган болzon, ичегенинге барып кир, мында кёскö кёлёткө болбо. Токынабазаң, житкелеп ийерим.

— Меге спердинг очередигер керек јок — деп, аргазын таппай, Архипов айдынды. — Слер ондоп тураар ба, мен кишининг акчазын не аламат. Ол менинг ичимди жажына бойкобёр.

— Көрзөгүр дö, улус, мындый ак санаалу немени јер ўстиненг кгайдан-кайдан көргөн кижи бар ба? — деп, байагы ла јаан оборлу уул айтты.

Очередьте тургандар оны јомёжип, күүлэй берди.

Архипов артык арга таппай салала, магазиннен чыгып, гастроном даар басты. — Айса болзо, кассир кыс жастырган.

Кезек ѡйдин бажында Егорыч кассирдинг јанында солызактап калган турды. Кыс ол даар көрбөйт, улустын кёби коркыш. Очередьтинг тууразынан келип јуктады.

— Акыр, экем, мен сеге јаан керектү јүрүм.

Кассир карганды кайкаганду көрөлө, сурады:

— Слерге не керек?

— Мен байа халва учун акча төлөгөм санаанга кирет пе?

Кассир кыс алан кайкай берди ошкош.

— Угуп турум, — бойы очредьте неме аларга турган кижи даар көрди. — Слер нени аларга турыгар?

— Мен байа беш салковой акча берёле, бир салковоюг халва алгам.

— Эйе — деп, кыс јөпсинди. Неме ундыбайтан бала болуптыр.

— Мен жандырган акчаганды алала, тоолобой ло карманыма сугуп алгам.

— Жастыра жандырган болбой кайдарым? — кыстынг чырайы соой берди.

— Андый болгон, жангыс сен эмес, мен төлөөрим.

— Канча салковойды? — кассир кыс тақып Архипов даар көрди.

— Эки салковойды. Сен меге торт салковой жандырар ордына алты салковой берген турган.

— Андый болуп жат — деп, кыс сүүне берди. Архипов карманынан эки салковой кодорып, кассир кыска сунды.

— Алкыш болзын сперге.

— Мен Аксиня жастырды деп бодогом, сен артык акча жандырып берген болтырын.

Архипов айлына санаазы сооп калган жанып келди. Алдында качан да андый болбайтон. Кийимин түрген уштып, тёжөккө жада берди. Бажында байагы ла эки салковой акча. Кемизи жастырган болотон: јиит кассир бе, айса Аксиня ба? Аксиня жастырбас учурлу. А кассир јиит, жастырардан да маат јок.

Эртезинде калаш садып турган магазиннинг жаныла базып отургажын, Аксиня кыйгырды:

— Егорыч, чүрчө сакып алыгар.

— Не болды? — деп, Егорыч алан кайкап, тура түшти.

— Кече мен јастырган болтырым.

— Чын ба? — деп, онызы алан кайкай берди.

— Чын, чын, кудай ўстимде туро.

— Та-к, а мен ол кассир кыс болор деп бодогом. — Карманынан ўч салковой акча чыгарды. — Салковойын ойто јандыр.

— Эмди ле! — дейле, Аксинья магазин jaар јүгүрди.

Архипов јол кечире турган магазин jaар кунукчылду көрди. Онын көзине күүни сооп калган кассир кыс көрүнди. Ол до кёёркий бурулу эмес, албадап апарып берген де. «Je, бот, карганагымла кожно баалу-чуулу халва јиптириш». Ол Аксиньяны да јамандабады, кассир кыска коомой сананбады. Архипов улуска бүдетен. Ол бу кылыгын јылайтпаган.

* * *

Архипов кенетийин оорыйла, бир неделе кирези айлынан чыкпаган. Сү-кадыгы онгдолгон кийнинде бир күн магазинге келзе, кассир кыс јок эмтири. Практиказы божогон, такып ўредүзине барган дештилер. Јаңып келетсе, јолой туштады.

— Канча күннинг туркунына слерге јолыгар деп чат болjadагам, карын туштай бердигер.

— Не болды? — деп, Архипов соныркай берди.

Кыс сумказынан эки салковой акча кодорды.

— Алыгар. Бу слердин. Мен кассамды табыштырамында эки салковой артык турган. Кассада артыкташкан акча төлүге түшкениле түней. Меге бүдигер.

Ого бүтпеске болбос. Кыстың эрмеги де, чырайы да ачык-јарык.

— Алкыш болзын — деп, Архипов узак манзарып турала, айтты. — Бу эки салковой акча учун эмес, ару уйадын учун. Мындый болгонын учун сүүнип турум. Жажына ла андый бол.

— Айтканыгар учун алкыш болзын, кичеенерим.

— Кижининг ырызы бай болгонында эмес, уйады ару болгонында. Андый кижининг санаазы да тоқыналу јүрер, улустаң да уялатаң, кемзинетен немези јок.

СТАТЬЯЛАР

Петр Адаров

ЖОЛ-ЖОРЫК. САНААЛАР. ШҮҮЛТЕЛЕР.

ЭНГ АРТЫК КОЖОН

— 1975 юилда, ноябрь айда карындаштык Хакасияның кожонының ла бијезининг «Жарки» ансамбли Бельгияга гастроль-жорыкка јүрген. Ол жол-жорыгы ла хакас ансамбль керегинде бу ѡолдыктардың авторы мының алдында газетте ѡаралган «Кожондор ажыра јүректер табыжат» (1976 j.) ла «Жарки» кожондойт ло бијелейт» (1981 j.) деген статьяларында кыскарта айткан эди. Б. Бедюров 1976 юилда культуралының сурактарына учурлалган бир ўүр материалдарының бирүзин «Койонокко Бельгия кол чабынды» деп адап, ол керегинде база бичиген. Је автордың бу эске алыныжы алдындағыларынан тың аңыланып жат. Оноң элденг ле озо эткен керектинг каруузы да, учуры да эмдиге јетири јылыйбаганы жарт сезилет.

АЛКАЙДЫМ, АЛТАЙЫМ

Кижиге кожон кептү јүрүм берилген. Ол бирде коолоор до, бирде кородоп комыдаар да. Оноң кожон сыйлту салымда ѡткөн ѿйдин жаңылгазы деп бир жап-жаркынду жантар база бар. Алтайынды алкап, айдынып јүрген акту кожон. Ондо санааркаш, сананыш, сакыш деген јайнашла кожо көбөрөш тө, сүүниш те, оморкош то салынган.—Андый санааларга анчада ла жол-жорыктарда алдырттарын. Ары-бери јүрүп, айлыннан ыраада барзан, жаман да, јакшы да болзын, је караннан кайра ла көрүп јүреринг. Жаантайын жаныксаарын. Төрөлинг неден де баалу, карам ла кару болгонын бир катап сескен јүргегинг ого жаян-чакка чындык артар. Оның да учун бистинг коолой соккон кожондорыстың энталдама дегендери Эне, Төрөл керегинде болгоны, байла, ол. Алтай албатыда андый кожондор ас эмес. Олордың јük ле бирүзин алактар:

Жаскыда ёской чечектий
Жаш јўрүмис жаранат,
Жараш чанкыр Алтайда, Алтайда
Ырысту кожонгдор чойилет.

Акыр, жаңылга деп айдарыста, кандый андый жантар болотон ол. Айса болзо, мындый болор бо? Ол јылдар узак-узак. Жинжипердий тизили-

жип-тизилижип, шынғыражып ёдө берген. Іанып жаткан турналардың күйгізындый, ол юйлёрдинг јаңылгазы көксімде артты. Же кандай да болзо, мени эмдиге жетире жектеп таштабай, артып калған сок јаңыс кожоным бар: «Турналар, турналар...» Бу Күүгей Төлөсовтің «Турналар деген кожоным» деп куучынының үзүги. Санаамда ол шак андай, айса ого бодоштош. Не дезе, ондо күүнинг күйбүредер, жаш тужынды эске әлдірттар эмезе жүрүмінде болгон жаманду-жакшылу жақы бир учуралды жалт эдип жарайдар ол юйлёрдинг јаңылгазы бар.

Санаамда туку он жыл мынан кайра болгон бир јол-жорығым сомдоло берди. Оскё ороонғо жүрүп көргүсken ол туштагы ойын-бијелерис, коот-жыргалду кожондорыс кече-башкүн ле болгон немедий. Ол жорыкта гран ары јаңының көрөöчилерине эки бөлүктең турган элбек ойынду көп концерттер көргүзилген эди. ыраакка барып, сүүген Төрөлинг, эне-жеринг керегинде айткан кожондорың эмди канайып ундылат эмеш.

САЯННЫҢ КЕЕНДИГИ

Гран ары јаңына гастроль-жорыкка барап деген табыш «Жарки» ансамбльдың туружаачыларына канча айлар озо келген. Биске каруулу да, күндүлү де, күч те керек бүдүмжилелип жатканын ончобыс ол лотарый жарт ондогоныс. Аналып, ансамбльдың алдына гран ары јаңының көрөöчилерине жарагадый жакшынак ойын белетеп алар некелте турған. Оскё ороонғо барып, совет искуствоның бийик адychузын бойынтың арга-чыдалынгла чындыктап көргүзетени күндүлү де, каруула да керек ине. Ол иш элден ле озо репертуардагы бар программаны чик жок элбеткенинен башталған эди. Ансамбльдин художественный башкараачызы Павел Михайлович Ким ол тұшта хакас албатының чүмделгі творчествозына жаан ајару эткен ле бүткүлиңче ого тайланған.

Самодеятельный артисттерге јол-жорык алдында айдары жок жаан болушты јербояынданғы театрдың актерлоры ла музикальный училищенинг ўредүчилери жетиргендер. Репетициялар күнүң сайын ёдөр болгон. Бис, хордың балдары, Федор Михайлович Чьеденг арт-учында кала жырай да беретенис. Залда оның ла «Жок», «Жарабас», «Ойто катап», «Ару кожон», ансамбль керек» (бир кижи чилеп кожондоор) деген не келтелү ўни јаңыланатан. Же андай да болзо, амадубыс јаңыс — канча ла кирези жакшы белетенинп алары болгон. Репетициялардың кийнинде Павел Михайловичке баштадып алып, чур-чуманак ойындар ойноорыс. Кышкыда катокко барғаныста, музика јаңырайтан. Кызыл качарлар, эрү чырайлар анда-мында элестелер. Сүүнчилү болотон. Шак ла ол кокыр-каткыбыс, чур-чуманак ойындарыс бисти бириктирип, бир бек ле нак коллектив эдип салған. Оның учун кайда да болзоос, бойбойыска ачык-жарык жүретенис. Анчада ла Бельгияда ёён-бökön жок, бир биленинг балдарындый жүргенисти айдарга турум. Гастрольдан јаңып

келеделе, ансамбльдың кожончызы Тувинский АССР-динг заслуженный артизи, РСФСР-динг культураларының заслуженный ишчили Клара Ефимовна Сунчугашева блокнодыма кереес эдип, «Бис, оок албатылардың балдары, јаба алтап јүргенис кандый јакшы» — деп бичип салғаны да бар.

Је эм тургуза јўк ле репетициялар. Ансамбльдың хоры анчада ла оруս «Калинканы» јик юк этире белетеген. Хакас балдар бистин «Койонкты» кожондоорын база сүйтендер. Айла, олордо оның орустапта сөстöри бар. Биске орус ла хакас албатылардың, ол тоодо алтай да кожондордың (Койонок, Яблоня, Киске) кеен-јаражын ачкан кижи хормейстерис Федор Михайлович Чье. Ол бойы музыкальный училищеде дирижерско-хоровой бўлўктинг ўредўчизи. Оның ўренчиктерининг бирўзи, Йаан-Јаламанның уулы Гриша Товаров Бельгияда «Койонкты» кожондогон.

Гриша сценада койонды ойноорго чырмайза да, је арай ла болалбайтан. Бот Воинков, оның ўстине алтай хор болгон болзо деп саннатам. Је бисте андый ансамбль да, хор до эм тургуза јок. Оны ачар арга-чыдал, ўредўлў улус јок эмес, бар. Алтай албатының оос чўмдемел творчествозы кеен ле байлык болгонын јааныс та, јажыс та јакшы билер. Албатының кожон-бијеге јайлалту болуп бўткенин айтпай да јадырым. Айдарда, оны чеберлеерин ле ёскўрерин кичеер керек. Липецкте, Новосибирске, Алма-Атада ла ороонның ёскё до городто-рында јакшынак алтай бијечилер, кожончылар, режиссерлор барын билерим. Олорло колбу тудуп, Алтайына айланар, јадар ла иштеер јарамыкту айалгалар не тозёбёс. Шак андый куучын калганчы XXXIII областной партконференцияда база ёткён. Кош-Агаш аймактын колхозтор ортодогы «Чуй» ансамбли Монголияга ла Башкирияга концерттеп јўргени — ёзўмистинг бир јаркынду темдеги. Је мынызы бўгўнги кўнде арай ла ас.

Озётёни јенил эмес. Ай-үй деп, ағынча айдар једикпестер де јеткил. Темдек эдип, КЭБ-тин «Байкара» коллективин алактар. Оның концерттерине алтай кörööчилер ненинг учун ас јўрўп јат. Улустаң укссан, мынайда айдыжар: «Анан генинг учун ас јўрўп јат. Улустаң укссан, јарап кожондоры, јаркынду бијелери керек, эмезе, укссан ла, «Байкара» крайдига чўлдёриндеги хозяйстввлордо барган тураг. Сананарынг, је, байла, артист улустынг јорығы андый, биске де келер эмей. Онон сакы ла сакы, јок ло јок. Бого кожор до неме јок. Јаңыс ла айдарга турганым мынди. Кандый да творческий коллективте, ол јаан да, оогош то болзын, јербойның дайтен јўзи, ууламъязы, арт-учында сакыған кörööчизи болор керек. Ол тушта ого тоомъя да, мак та келер.

Алтай фольклорный ансамбль тозёёр деген тал-табыш канча јылдарга улай угутат. Керде-марда керек-јарак айланана берзе, оны КЭБ-те эмес, алдынаң чек башка коллектив эдип тозёёр керек. Ол тушта алтай фольклор, хореография ла музика эл-јон ортодо элбеде тарка-

дылар эди. Су-алтай кожондор эне јеристинг элкем-телкемине јайылза, кандый сүүнчилү болбос. Айса болзо, хакастардың «Жарки» ансамбли чилеп, биске качан-бирде база ыраада јорыктаарга келижер.

КИЖИ КИЖИЛЕ БАЙ

Атанаң өй билдирибезинен јууктап келген. Канча айлар туркунына белетеген программабыс та бүтти. Абаканның киоскторын айланып, Хакасия керегинде ал-камык значоктор садып алдыбыс. Бельгия дöйн атанаң алдында программабысты эл-јонго до, јаандарга да көргүзип, јөп лө јараду алып барганыс. Гастроль-јорыкты баштап ла башкарып јүрген кижи — обкомның ишчили Лариса Ивановна Орешкова.

Одус октябрь. Абаканның вокзалы. Перрондо јык толо улус. Уйдажү. Јанаңа да жетире јакшы болзын, тöröл јер. Јолыбыс ыраак. Барып жаткан керек күндүлү де, күч те. «Славянканың» күүзи јанырап, јанырап, кийнибисте артты. Поездтин көзнөктөринен ар-бүткен элестелет. Айла, ол тушта јорыгыс јолой откүрген јылу туштажуларла кееркедилген эди: Новосибирскте, Свердловскто, ононг Москвада.

Алтай албатыда «Кижи кижиле бай» деп бир јакшынак кеп соң бар. Оның чүмдү ле сүрлү болгонын јүрүм неден дө артык керелейт.

Новосибирск. Мында ансамбльдиг алдындагы турожаачыларына, Глинканың адыла адалган консерваторияның ўрненешилери, эземе, Зина Адаровага ла хакас кыс Маша Тодановага јолыкканыс. Маша эмди — Абакандагы музикальный училищеде албаты ойноткыжының инструменттери аайынча клазының ўредүчизи. Зинаның јүрүминен сүрекей эрте ырап калганына акту бойым ачурканып та, кородоп то јүрүм. Алтайына айланып, јакшынак алтай хор төзбөр амадулу јүретен. Бүтпей калды. Канайдар... Новосибирсктен ары ар-бүткен ак јуурканын тапту ла јабынып ийген эмтири. Јолдо ўч күнöttи. Аналып туруп, Москвага энгиргери келгенис. Поезд оройтып та келген болзо, бисти вокзалда областының культура аайынча управлениезининг начальниги Г. Саражаков автобустарлу сакып турган эмтири. Олорго отурып, «Алтай» деп гостиницаны көстöдис. Јолой арып-чылап калган улус ол күн эрте јадып уйуктадыс. Эртезинде öскө ороондорло наýлык колбу откүрип турган Совет обществодо болдыс. Ондо до репетиция откүргенис. Түштинг кийнинде Кызыл площадьта болуп, Москвала таныштыс. Бу күндерде бисле кеже алтай уул Владимир Кончев болгон. Ол тушта ол Москвадагы Гнесиндердинг адыла адалган музикально-педагогический институтта ўренген. Ол Павел Михайлович Кимнин эң артык ўренчиктерининг бирүзи. Владимирдинг гитаразы торт ло јанырап турган. Јүрүм кезикте кижиге кату ла бийик некелтелер эдип јат. Шак ла бир канча јүрүмдик шылтактардан улам Владимир көп јылдарга чыгарға Алтайынаң ыраакта јадып иштеген. Эмди ол Горно-Алтайскта. Жайлалту музиканттан бис көпти сакыйдыс. Эдетен иш көп.

...Јол-јорыгыс эртен, 4 ноябрьда, анаң ары улалар. Ӯкпööрип турғанысты не деп айдар. Концерттерис та кандый ѿдöр.

ТЕЛЕКЕЙ АЛАКАНЧА

Шереметьево аэропорт. Кар чаракталат. Балдар да бир кезек ѿй-гö ал-камык санааларга арададып, тымыл берген. Тыңдаланып турзам, куучыныс та јаңыс ла айлыс керегинде эмтири. Кар дезе jaap ла жат, jaap ла жат. Көзнöк ѿткүре бу айланып жаткан апагаш телекей ала-канча немедий. Мындык учуралда јўрегинг та неге аайы-бажы ѡок јарсмарс согулар, ап-ару сыс кёксингди чым этирет. Та нени де јетире эт-пей, таштап, јўрўп отургандый.

Jaан удабай Аэрофлоттың ТУ-154 таңмалу эпту ле јакшынак самоледына отурып ийдibis. Ол тенериге шунгандык кийнинде, алдыбыста Москва — Брюссель деген чангкыр ѡол чойиле берди. Коштойымда Галия Сунчугашева ла Валера Азараков отургылары. Галия эмди журналист болуп калган, Хакасияның «Ленин чолы» газединде иштеп жат. Куучыныс сүре ле барып жаткан ороон керегинде болды. Кандый ол, канайтса да капиталдың јери ине. Самолет то, ѿй дö бир јerde тонгуп калган немедий. Сакылта деп неме андый эмей а. Алдыбыста Балтийский талай. Керептер көрүнет. Оноң ары иллюминаторды койу туман туй тудуп ийген. Эш-неме көрүнбей барды. Је бот, динамиктер күүлөген, шыркыраган јerde стюардесса јарлайт: «Брюссельде койу туман. Самолет эм тургуза ого отурып албас. Он минуттың бажында Амстердам (Голландия) городтың аэропортына отурапыс. Курларыгарды курчаныгар». Самолет јабызаарда, алдыбыска учы-куйузы ѡок јап-јажыл жалаңдар ачылды. Тұп-тұс, көрөргө дö јараши. Каналдардың көбизин. Анда-мында кызыл јабынчыларлу озогы туралар турганы көрүнет. Амстердамда 3—4 частан ажыра отурганыс. Тууразында же ле деген шил аэропорт туро.

Артист улус кунугарын билбес. Канчага тал-табыш ѡок отурап. Бир ле уксаас, Василий Саражаков «Катюшаны» баштап ийген эмтири. Ол ло тарый јомоштис ле. Анаң ары кожон-комыт коолоп, јаңыс јаңырай берген. Коштойындагы салоннон коко учуп бараткан ѡоско ороондордың улузы келдилер. Лаптап тыңдагылайт. «Подмосковные вечерага» кирижип те ийдилер. Көстөринде күлүмji. Колдорында јызырт колчабыжу. Бельгийка студент кыс концерттеригерге кыйалта јогынан келе-рим деп айдат.

Анаýып, ай-күннинг айалгазына учурап, узак отурганыс. Је учы-учында самолет кейге көдүрилип, 20 минуттың бажында Брюссельде болды. Тондорысты мендей-шиндей кийип, трапка чыгып келдис. Тышкары кышкы ай да турган болзо, сүрекей јылу эмтири. Аэропортко кирип, документтеристи көргүзип турганчаас, ўстибистен: «Јакшылар, келгенингерле слерди!» — деген андый кару, андый јылу ўн угулган.

Эди-каныска изү јайылып, бу кылбыркай отторлу, чагылышкан камык рекламалу ёскö ороондо јаныскан эmezиске сүрекей сүйнегенис. Ансамбльды «СССР — Бельгия» обществоның культурный колбулары аайынча баштапкы качызы Гиви Шалвович Майсурадзе уткып келген эмтири. Автобусла барып, городтың ортозында турган отельге токтодыс. Анда Москвадаң барган Лунин деп чыгартулу кижиле жаттым.

Аэропорттоң келип жадала, НАТО-ның штаб-квартиразының јаныла ѿттис. Көзнөктөң бийик тұра, темир каалгалар ла бу Түндүкатлантический блокко кирип турған ороондордың флагтары элбирегени злес этти. Олор эмди ле көстөриме жап-жарт көрүнет. Ол жес-кара кресттерлү флагтардан кижининг күйка-бажы јимиреер, эдининг соогы јайылар. НАТО-ның каршулу ла куурмакту керектерин кажыбыс ла жакшы билеприс. Іер-телекей бүгүн жеткерде. США-ның ла НАТО-ның бир кезек ороондорының башкараачылары ракетно-ядерный база төзөбөргө турғандары иле билдирет. Алтай кеп сөс аайынча «Жеткер ѡң алдында» болгоны бу эмес пе? США-ның аңзыраган башкараачызы Рейган бойының ёйинде Голливудтың эң коомой деген актерлорының бирүзи болгон. Ол актер болгон акчек адын јылыйтып, азып-тозуп, арт-учында политический сценага чыккан. «Артист»-президент американ албатыны тögүндеп, албан-күчле тамыга иидип отурғаны сыранай жеткерлү. Артист кижининг ады ару да, тоомылу да болор учурлу. Шак андый улустың бирүзи американ кожончы Ленинский комсомолдың сыйының лауреады, амыр-энчү учун жана баспас тартыжаачы Дин Рид. Голливудтың эки актеры. Эки американец. Же олордың көрүм-шүүлтөлери ле күүн-санаалары кандый башка. Кожондор ажыра калыктар ондожып, жүректер табыжат. Онызы амыр-энчү учун тартышта сүрекей тың ииде-күч болуп жат.

«Жарки» ансамбльдың гастроль-јорығының төс амадузы — албатылар ортодогы најылыкты тыңыдары ла совет јадын-јүрүмди көр-гүзери болгон. Бу мындый жаан ла каруулу керек ол тушта јенгүлү бүткен. Анаң бери анча-мынча ёй ѿтти. Келер ёйис дезе кечегизинен камаанду. Эткен керегистинг учуры да, каруузы да эмдиге јылыйбаганын жүрүм керелейт. Жол-јорығымды мынча кире ёйдин бажында эске алынып отурган шылтагымның бирүзи шак ла ол.

1917 јылда Россияда каан јаны антарыларда, мынага качып барган эмигранттар Бельгияда толтыра. Олор жажы ла концертting кийинде биске келип, «Россия анда кандый јадыры!» — деп сурайтандар. Анчада ла ансамбль Сибирьден келгенин, Сибириде культура чечектеп ёскөнин олор сүрекей қайкагандар. Бис профессиональный артисттер эмес, тегин ле ўренеечилер болгонысты угуп, алантыгандары да бар. Капиталга бийлеткен калыкка онызын ондооры күч ле болор.

ОНОЙЫП ЛА УЛАЛЗЫН

Жети ноябрь. Бүгүн концерттерис башталып жат. Йүректеристин ти-
пилдеп те турганы коркышту. Жаңыс уунда эки концерт берерис: Брюс-
сельде советский посольство ло Мехелен деп городто. Эртен тура
Лариса Ивановна ончобысты Октябрьдың байрамыла уткыды. Концерт-
териске једим күүнзеди. Күүн-санаабыс омок. Автобустарга отурып,
Мехелен јаар атандыс. Ого једип, танг эртеде сценала таныштыс. Же ле
деген ўсти јабылу стадион болуптыр. Кайра бурылсып, ажанып алала,
советский посольствого келдис. Онын туразы городтын тышты јаар
эптү јерде турган эмтири. Айландыра јажыл агаштар ёскёни көрүнет.
Мында јайым ла тымык.

Jaан эмес актовый залда јык ла толо улус јуулган. Айылчылар да
бар. Бистинг посольство концертке база алты посольствонынг улузын
кычырган. Туй ла ўч час түш. Көп-күйимиsti кийген ле јерде, saat бол-
бой, сценага чыктыс. Көрөöчилерге бир де сел бербей, кожондорысты
ла бијелеристи ээчий-деечий улалтып ийдибис. Анаып турганчаас, зал
аайы-бажы јок жызырай берген. Улус бут кырына туруп, кол чабынат.
Йүстериc кызыл-марал, сүүнүп калган турус. Кызыл галстуктар тагынган
уулчактар ла кызычактар кажыбыска ла чечектер туттургысты. Јуулган
улус јылу сөстөр айдып, ойынаар солун, мындагы көрөöчиге жараар
дештилер. Ансамбльдын адынан посольствонынг ишчилерине Саяннынг
тайгаларынынг сай кузуктарын ла барбак күйруктарлу суvenir-тийи-
нештерин сыйладыс. Концертting кийнинде Клара Ефимовна Сунчуга-
шева каткырып, мынайда айткан эди: «Йүстериgerde чын ла каткы-оын
болгон, ёл ло ёйдö көстөрбөрдö тонуп калган соок јыбар турган».
Канайтса да капиталдын јери ине. Онон башталкы ойын болзын. Же лап-
тап, жартын айтсаас, сценада кандый да ойын көөрөм, анчада ла ёкпöö-
риш јогынаң качан да ѳтлой жат ине.

Экинчи концертке жетире эмеш ле ёй арткан. Мехелен јаар менгдей-
шиңдей атандыс. Јолой, тенгерининг түби ойылган чылап, жаш анаар ла
уруп ийген. Жарым частынг бажында Мехеленде болдыбыс. Жеткен ле
бойынча концертке белетене бердис. Ой деп неме жаңыс јерде тонуп
калган немедий билдирет. Зал бир эмештөн толуп, улус јуулжып баш-
тады. Удабас ла көжөгө ачылар. Ол күн энгирдеги концертис туй ла
сегис часта башталган. Залда от јок. Прожекторлор жаңыс ла бисти жа-
рыдат. Көрөöчилер көрүнбейт. Кажы ла номердинг кийнинде тал-табыш,
ама-томо сыйырыш бир канча ёйгө улалат. Мынызы көрөöчиге ойын
јараганын керелейт. Олор анчада ла хакас бијелерди соныркап көргөн-
дор. «Аңчылар» деп биједе айунынг терезин јабынган артистти көрүп,
тура да јүгүрип келип тургандары бар. Орус «Калинканы» колчабыжула
үйдегенде, тен маказырап та туруп кожондоорынг. Кеендиkке баккан
йүректер андый ине. Кожон озо баштап јўк ле билдирер-билдирбес,
арайынаң башталат. Онон там ла тыңып, түргендеп, түргендеп, кенер-

те токтойт. Оны ананг ары чойөө, чала јымжак ла коо ўниле ансамбльдың кожончызы, Тувинский АССР-динг заслуженный артизи Владимир

Герасимович Чаптыков улалтат. Онон катап ла хор. Таймыр албатының «Хейро» («Түндүктинг јаркыны», андый ансамбль база бар) деп бијези база да солоныдый солынып јадар јүзүн онгдү. Ак јуурканын ја-бынган учы-туби јок апагаш телекей, ак-кийиктер, Түндүктинг јаркыны. Бијенинг күүзинен соок јыбар согот. Отурып, ичиkey деп айдып та ийер күүнинг келер. Мынынг ончозы көрөöчилердин көстөрине көрүнгени артист кижиге неден де артык мак ла быйан. Концерттинг кийиннде Мехелен городтың бургомистри Ван Дал ла социалистический партияның качызы Ван Дер-Занд прием эткен. Туштажу испан клубта ёткён. Мында көп сабада коммунисттер јуулышат. База ла сувенирлер алыштыс. Бургомистрге дезе јараш хакас чамча сыйладыс. Ол оны тешпек кардына албадап туруп кийип алып, «Катюшаны», «Смуглянканы» ла «Подмосковные вечераны» кожо кожондошты. Бу ундылбас ла јылу туштажуны олор «Интернационалды» француз тилле, бис оруус тилле јаба кожондоғонысла божоттыс.

Эмди база бир күнди аңылап айдып берейин деп турум. Брюссельде Каан Театрының ѡрёөзинде берген концертсти. Көжөө ачыларга жетире тоолу ла минут арткан. Ын-шынг. Тып-тым турус. Аналайп турганчаас, тынастаган костюмер јүгүрип келеле, ойыныска бистинг посол нөкөр Романовский келген деп жетирү этти. Та канайда бердис болбогой. Ого ўзеери бу энгирде СССР-динг гимни ойнолор, флагы көдүрилдер. Көжөө араайын ачылат. Оп-сон отурган чырайлардың опсыркак көстөри анда-мында элестелет. Сценаның түбинде эки орооның флагтары илилген. Бельгияның гимнининг кийиннде бистий ойнолды. Зал бут кырында. Көрзөм, коштойымда турган Вала Нарылкова-ның көстөри суркуража бертири. Йып-јылу јаштар јаактарын төмөн ѡлдолот. Арткан да кыстар мыжылдажа бергилеген. Кеириме болчок неме турал бергенин сезип калдым. Ол мөлтүреген көстөр, мөнгүн ару јаштар, байла, качан да ундылбас. Эмди кайда ла јүргемде, Гимннинг күүзин ле уксам, ёкпöбөрий бередим.

Былтыр тöröl Оңдой аймагыма јүреле, куучын бажынан бир уулдың мынайды айтканын уккам: «Je, уулдар, ол Ирина Роднинаның ыйлап турганын не деп айдар. Олимпиаданы ойноп алдым деп карын да сүүнер керек ине». Jöpsинишпей чат-мат тартышкан эдис. Лэйк-Плесидте ёткён XIII Ак Олимпиада кычыраачылардың санаазына кирип турган болбой. Ады-јолы јарлу совет фигурист Ирина Роднинаның пьедесталда турганы. Гимн ойнолордо, кози јашталганы. Ол канайда ундылат эмеш. Бот ол сүүнчининг, ырыстың ла орооны учун оморкогонының јаштары болгонын таш та јүректү кижи сезер эмес пе. Олимпиадада ўч катап улай јенгү алганы, онынг ўстине ѡскö ороондо — ол атнере, турумкай ла Төрөлин изў сүүгени. Ол уулга онызын јартап айдып албаганыма кезикте ачынып та јүредим.

Мындый ыраакта, ёскö ороонның Каан Театрында, бистинг алтай «Койонок» ло «Яблоня» деп кожондор угулганы сүүнчилү ле оморкодулу. Ол күн оның фойезинде совет бичицилердин бичиктери, öндүрјараС открытыкалар ла альбомдор база садылган. Көрөочилер анайда оқ хакас кееркедим искуство танышкан. Ойынның экинчи бólүгү божоп, кёжөй јабыларда ла, арып-чылаганысты јаны ла сестис.

Алдыбыска чечектерлү же ле деген корзина экелип тургустылар. Ойто ло чур-чуманак, каткы, ойын. Анайып турганчас, посол келди. Жаанап калган кижи эмтири. Концертсти мактап, Павел Михайловичтинг колын узак-узак силкиди. Онызы дезе јаныс ла бажын кекийт. Жазырада кол чабындыс. Анайып быйанысты айттыс. 10 ноябрьда бельгиецтердин база бир јаан ла јаркынду байрамына учурал калдис. Ол күн олор Гент городоко баштап ла газ öткүргенинен ала 150 јылдыгын темдектегендер. Ансамбль ого кычырту алган. Ого тўрген-тўкей Дунаевскийдинг «Тёрөл керегинде кожонын» («Песня о Родине») белетедис. Концерттеристинг та кажызы эң каруулу болгон — эмди англаарга да күч. Же Гент городто Бельгияның, Голландияның ла Шотландияның артисттерининг учына тўшлеске тың ла албаданганыс. Сценага озо ло баштап кара јукпелерин кийген шотландтар чыкты. Марш айалу ойын ойнодылар. Оны ээчиде военный оркестр, цирк, онон «Жарки» чыкты. Зал јаан, оның учун элбеде турага келишкен. Хордын улзузының ортозы анча-мынча ыраак болуп калды. Ансамбль эдип, јаба кожондоорго хорго мындый айалгада сүрекей күч. Лаптап туруп тыңдаланар керек. Тёрөл ороонымның јери элбек ле телкем деген сөстөр залдынг ўстинде көдүрингилү јаныланат. Бот, оморкош деп неме мында не. Эки частан ажыра уаллган концерт элес эдип, учына јууктап келди. Калганчы номер јарлалат. Бис сценаның түбинде турус, алдыбысла катап ла тўнгўрлерин тўнгўлдедип, ёскö албатылар öтти. Ансамбль олорды ээчиде бурып, Тёрөл керегинде кожонның калганчы купледин такып, ичкери алтады. Бу ла ёйдо зал аайы-бажы јок јызырай берген...

Адакы учында алтай композитор Борис Шульгининг «Туулу Алтайдын музикальный jürümii» деп бир статьязын эске алып ийерге турум. Ол 1983 јылда чыккан «Чангыр Кадын» деп литературно-кееркемел јуунтыда кепке базылган. Ол статьяда мындый јолдыктар бар: «Улу Октябрьский социалистический революцияның јенгүзининг шылтузында бистинг ороондо јуртаган албатылардын, ол тоодо азыйда бойының бичиги јок ук албатылардын национальный кеберлү социалистический учурлу культуралары öзөр элбек јолдор ачылган. Бистинг ороондо нациялардын ла ук албатылардын культуралары јаранып öзөри олор бой-бойына болушканы, öмблöшкени ажыра öдөлө, исторический кыска öйдин туркунына јаан једимдерге једип алды. «Кажы ла нация ёскölöринен ўренер аргалу да, учурлу да» — деп, Карл Маркс айдып туратан. Ол улу шўүлте jürümдик болгоны бистинг ороонның албатыларының jürümинен иле көрүнет. Кандай чике ле јолду айдыл-

ган сөстөр. Анайдарда, композитордың айтканына јөмөніп, алтай көрөчи Красноярсктың комсомолының сыйының лауреады, Хакасияның кожонғының ла бијезининг «Жарки» ансамбліле јууктада танышкан болзо деп санандым. Андый колбулар текши özümиске тебў берер зди. Март айда КПСС-тің обкомында литераторлордың ла искусствоның ишчилерининг јуұны откөн. Анда КЭБ-тің баш режиссеры В. С. Миронов сөс айдып, öскө жерлердин артисттеріле түштажып, ченемел алышары керегинде база шүүлте эткен.

Бир канча јыл мынан кайра буряттардың «Байкал» деп ансамбли биске айылдан келеле, искусство сүүчилерге канча кире сүүнчи сыйлаган зди. Оны эмдиге јетирие эске алынып јүрүс. Былтыр јайгыда туварлардың «Саян» деп колективи келип жат деп афишалар илилип, билеттер садылып турала, шық ла токтоп калганы санаама база кирет. Кижи жаткан јерин јангараар болуп бүткен. Карындаштық калыктардың тили башка да болзо, кажы ла кожондо күүн-санааны күйбүредер күүлөр бар. Олор көпти айдар аргалу. Андый боловордо, ойындарыс онойып ла уалазын.

БИБЛИОГРАФИЯ

ТУУЛУ АЛТАЙ КЕРЕГИНДЕ БИЧИГИЛЕЙТ

«Литературный Россия» (1983, 7 октябрь) газетте КПСС-тинг обко-
мының качызы Б. К. Алушкиннинг «Высокая судьба» деп статьязы јарлал-
ды. Бу статьяда бистинг областтың өзүмдери ле једимдери керегинде
айдылат.

«Советский Союз» (1983, 11 №) журналда «Обо всем» деп јетирү-
де Туулу Алтайга Катунский ГЭС тудатан баштапкы гидростроительдер
келгени керегинде айдылат.

Москвада «Наука» издательствою өткөн јылда «Крестьянство Си-
бири в эпоху капитализма» деп бичик чыкты. Бичикке Н. Модоровтың
Туулу Алтайдың крестьяндары керегинде статьязы кирген. Бу бичик
керегинде Б. К. Алушкиннинг «Фундаментальный труд по истории кре-
стьянства Сибири» деп статьязы «Звезда Алтая» (1983, 17 ноябрь)
газете чыкты.

Н. И. Шатинованың «Семья у алтайцев» деп бичигин Н. Гришаев
«Советская этнография» (1983, 3 №) журналда шингдейт.

«Советская педагогика» (1983, 7 №) журналда А. Беликованың
«Становление и развитие общеобразовательной школы в Горно-Ал-
тайской автономной области» (1920—1933 jj.) деп статьязы салынган.

«Литературный газетте» (1983, 28 декабрь) З. Ибрагимованың
«Как Черге состояться» деп статьязы јарлалды. Анда Туулу Алтайда Чар-
гыда Новосибирсктеги академияның экспериментальный хозяйствозы-
ның келер бйдёги иштеер ижи-тоҗы ла оның проблемалары керегин-
де айдылат.

Бу он хоziяство керегинде Ю. Родиннинг «Заповедник для домаш-
ных животных» деп статьязы «Знание — сила» (1983, 7 №) журналда
кепке базылган.

«Изобретатель и рационализатор» (1983, 11 №) журналдың када-
рының тёртинчи страницазында «Алтайский пух» деп јетирү јарлалды.
Бу статьяда Туулу Алтайда жаны укту эчкiler азырап турганы керегинде
айдылат.

РСФСР-дин заслуженный зоотехники В. С. Галкиннинг «Абайские
мараловоды. Опыт работы» деп бичиги Барнаулда 1983 јылда чыкты.
Бичикте Абайдагы совхозтың аң азыраачыларының ижи-тоҗы кере-
гинде айдылат.

Новосибирскте В. А. Демидовтың «Октябрь и национальный вопрос в Сибири (1917—1923 гг.)» деп бичиги 1983 йылда кепке базылды. Бичиктинг бир бөлүгі «От районных ревкомов к образованию Горно-Алтайской автономной области» деп адалат.

«Художник» (1983, 11 №) журналда КПСС-тінг Алтайский крайко-мының көчізі А. Невскийдінг «Нивы Алтая — песнь миру и челове-ку», искусствоведческий научаның кандидады В. Эдоковтың «Плечом к плечу» деп статьялары жарлалды. Бу статьяларда Москвада ла Бар-наулда откөн «Нивы Алтая» деп художественный выставка керегинде айдалат. Ол выставка край ичинде жаан культурный ла социальный једимдерге учурлалган. Выставка 400-төң ажыра Москвандын, Си-бирийдин ле Алтайдың журукчылары туружып, 800-төң ажыра иштер көргүзилген. Туулу Алтайдың журукчыларынан И. Ортонуловтың «Зи-ма в долине Чуя» деп журугы көргүзилген.

Бу оқ выставка керегинде В. Карповтың «Сибирь художественная» деп статьязы «Искусство» (1983, 9 №) журналда жарлалды.

«Литературный Россия» (1983, 30 сентябрь) газетте Г. Арабескин-нинг «Песня, потерявшая автора» деп статьязы жарлалды. Автор Новосибирск городто жаткан бичиичи М. П. Михеевтың творчествозы ке-регинде айдал, ол «Есть по Чуйскому тракту машины...» деп кожон-ның авторы деп темдектейт.

Лўк ле 1965 йылда М. П. Михеев «Сибирские огни» журналдың то-гузынчы номеринде «Как родилась песня» деп статьязында бу кожон-ды канайда бичигенин куучындайт.

Ол кожон «Живет такой парень» деп кинодо тузаланылган. Оның киного сүреен жакшы келишкени керегинде В. Шукшин «Сибирские огни» (1978, 1 №) журналда бичиген.

«Алтайская правда» (1983, 16 декабрь) газетте В. Нейштадт «Се-годня и каждый день» деп статьязында Горно-Алтайскта областной шахматный клуб ачылганы керегинде айдат.

ТУУЛУ АЛТАЙДЫҢ УЛУЗЫ — ТОС ПРЕССАДА

Туулу Алтайдың Кёксуу-Оозы аймакта аң азыраачылардың атту-чуулу ишмекчи династиязы — Поповтор бар. Фатей ле Татьяна он ўч бала чыдаткан. Алты балазы ороон ичинде строительдер, инженерлер, ўредүчилер болуп иштейт. Жети уулы ончозы аң азыраачылар. Олор адазының јолыла баргандар. Олордың көп сабазы ороон ичинде башкаруның сыйларын алгандар. Крайда бу ишмекчи династияга учурлалган сый бар.

Бу биле керегинде «Медицинский газетте» (1983, 18 ноябрь), «Не-деля» газеттинг 12 номеринде, «Культура и жизнь» (1983, 10 №) жур-налда ла «Сельская жизнь» (1983, 23 ноябрь) газетте фотојурұктар ла статьялар жарлалған.

Туулу Алтайдың јарлу койчызы Социалистический Иштинг Героыйы

- J. Тоедов керегинде В. Саповтың «Звезда Дельмека» деп статьязы быыл «Настольный календарьда» јарлалды.

«Учительский газетте» (1983, 5 ноябрьда) Б. Волковтың «Дом окнами в школу» деп статьязында СССР-дин албаты ўредүчизи Ю. М. Ойноткинованың ижи-тохы керегинде айдалат.

«Литературная Россия» (1983, 4 ноябрь) газетте Г. Горышиннинг «Сад Николая Смирнова» деп очерги јарлалган. Очерткте көп тоолу фотојуруктар салынган.

Бу очерк 1983 йылда газетте берилген материалдардың эң артыгының бирүзи деп темдектелип, авторго газеттинг лауреадының сыйы берилген.

«Юность» (1983, 9 №) журналда В. Золотухиннинг «Земляки» деп куучыны јарлалды. Бу куучының «Чемал» деп бажалыгында орооның кату јуу-чак ѡйлоринде блокадный Ленинградтан Чемалдың санаторийине экелген оору балдардың јүрүми керегинде айдалат. В. Золотухин бу санаторийде ўч јыл јаткан. Ол бойының баштапкы ўредүчизи Мария Трофимовна Устюгова ла оны эмдеген врач Сайкова Антонина Яковлевна керегинде јылу сөстөр айдат.

АЛТАЙ ЛИТЕРАТУРАЛА ТУУЛУ АЛТАЙДЫҢ БИЧИЧИЛЕРИ КЕРЕГИНДЕ

«Литературная Россия» (1983, 1 июль) газетте јиит алтай ўлгерчи J. Белековтың ўлгерлери кепке базылды. Ўлгерлерди орус тилге О. Пилюгин ле И. Фоняков коччургендер. Бу номерде Б. Укачиннинг «Энелү уулду» деп ўлгери база чыкты.

«Сибирские огни» (1983, 10 №) журналда «Очы-Бала» деп кай чёрчёк орус тилле чыкты. Бу чёрчёкти А. Плитченко коччурген. А. Калкин оны алтай албатының сүүген кай чёрчёктөрининг бирүзи деп темдектеп, бу эң ле јебрен чёрчёк деп айдат. А. Плитченконың сагыжыла болзо, бу чёрчёк матриархат ئىينە келижет.

Бу чёрчёкти алтай албатының сүүген ученьи, филологический науканың докторы С. С. Суразаков орус тилде коччурип, көп тоолу јартамал јетириүлдерлү чыгарар эдип белетеген.

А. Плитченко јаңыс ла ўлгерчи ле коччуреечи эмес, ол јарлу бичиичи. Бу ёткөн јылда автор «След мамонта» деп повезин бичип болжоткон. «Литературная Россия» (1983, 30 сентябрь) газетте ол повестьтенг алган «Сибирская грамота» деп ўзүги јарлалды. Автор ыраак күнчыгышта јаткан көп укту албатылардың (ол тоодо алтай албатының) орус албатыла көп чактардың туркунына ёткөн колбуларын көргүзет.

«Сибирские огни» (1983, 10 №) журналда Ю. Мостковтың «Дорогу осилит идущий» деп обзоры чыкты. Автор 1982 јылда «Алтай»

деп альманахта чыккан Б. Укачиннинг «Убить бы мне голод», Д. Каинчиннинг «С того берега» деп произведениялерин шингдейт. Б. Укачиннинг творчествозын бийик баалап, оны ороон ичинде јарлу ўлгерчи ле прозаик деп көргүэйт. Ю. Мостков Д. Каинчиннинг «С того берега» деп повезине токтоп, јаан кату öйлөрди (Алтайда гражданский јууныг öйлөрин) көргүзип, бичик билбес оок албатыныг јадын-јүрүмн чындык көргүсекен деп айдат. Повестьнинг төс геройы бу кату öйлөрдö чындык јолго чыкканы јаан једим деп айдар керек. Д. Каинчиннинг повестьтери ле куучындары бийик кеминде бичилгени автордынг јаан једими деп Ю. Мостков темдектейт.

«Литературное обозрение» (1983, 9 №) журналда Наталья Леонидованынг статьязы јарлалды. Автор статьязында Б. Бедюровтынг «Эль-Бабурган» деп бичигине рецензия берип, поэттинг байлык творчествозы керегинде бичийт.

«Литературная Россия» (1983, 28 октябрь) газетте «Раздумья над книгой стихов» деп рубрикада Ю. Лукиннинг «Вслушиваясь в говор ветвей» деп статьязы јарлалды. Статьяда А. Адаровтынг «Пусть живет кедр» деп ўлгерлик јуунтызы керегинде көп јылу сөстөр айдалат.

Бу ох газетте (1983, 2 декабрь) кичинек статьяда Туул Алтайдынг эң артык бичиичилерине учурлалган сыйды Кан-Оозы аймакта партияныг XXII партсъездининг адыла адалган колхоз јарлаганы айдалган. Баштапкы тарый бу сыйды бичиичилер: Л. Коkeyшев, Б. Укачин, Ж. Каинчин, А. Адаров, Э. Палкин ле К. Төлөсөв алгандар. Откён јылда ол сыйга И. Шодоев, П. Самык, Ш. Шатинов ло Ж. Маскина көстөлдилер.

«Советская культура» (1983, 12 ноябрь) газетте С. Пайнанынг «Ученник алтайского Гомера» деп статьязы јарлалды. Бу статьяда бичиичи, кайчы, Туул Алтайдын шинжү откүрөр институтыныг научный ишчизи, художественный самодеятельностьныг Бастырапороссийский Лауреады Таныспай Шинжин керегинде айдалат.

«Алтай» (1983, 4 №) деп альманахта Г. В. Кондаковтынг «Уроки Максима Горького» деп статьязы чыкты. Автор бу статьяны алтай литературанынг наýзы А. Л. Коптеловтынг 80 јажына учурлай бичиген.

«Сибирские огни» (1983, 10 №) журналда Н. Карлагиннинг «Никогда в пророка не редится, или критика — это мировоззрение» деп статьязы јарлалган. Статьяда ас эмес јерде Г. В. Кондаковтынг творчествозы керегинде айдалат.

Бу ох журналда (1983, 7 №) М. Бушуева Б. Укачиннинг А. Китайник кочурген «До смерти еще далеко» деп повезин шингдейт. Повесть 1982 јылда Москвадагы «Правда» издательство чыккан.

«Маадай-Кара» деп кай чörчöкти польский поэт Ян Гочол бойынынг тилине кочурип јат деп, В. Явинский «Алтайская правда» (1983, 14 июнь) газетте јарлалган «Восемь тысяч стихов. Алтайский эпос на польском языке» деп статьязында айдат.

1983 ЫЛДА ТУУЛУ АЛТАЙДЫНГ БИЧИЧИЛЕРИНИНГ
МОСКВАЛА ОРООННЫНГ ОСКОР ИЗДАТЕЛЬСТВОЛОРЫНДА
ЧЫККАН БИЧИКТЕРИ

Бедюров Б. Возраст воли. Стихи. М., Советский писатель, 1983, 87 с.

Бедюров Б. Твердыни Алтая. Стихи. М., Советская Россия, 1983, 160 с.

Каинчин Ж. Крик с вершины. Повести. Барнаул, Алтайское книжное издательство, 1983, 288 с.

Калкин А. Г. Алтайские героические сказания: Маадай-Кара; Очы-Бала (Пер. А. Плитченко. Вступит. статья А. Адрова). М., Современник, 1983, 288 с.

Палкин Э. Алан. Роман (Пер. В. Чукреева). М., Современник, 1983, 304 с.

Укачин Б. Повести. М., Современник, 1983, 208 с.

ТУУЛУ АЛТАЙДЫНГ ИЗДАТЕЛЬСТВОЗЫНДА ЧЫККАН
БИЧИКТЕР

Демченко А. Көрүнбес фронттынг јуучылы. Роман (Алтай тилге У. Садыков көчүрген). Горно-Алтайск, 1983, 200 с.

Елемова Г. Күстинг канады. Ўлгерлер. Горно-Алтайск, 1983, 96 с.

Ередеев А. Көзимнинг чогы. Ўлгерлер ле поэмалар. Горно-Алтайск, 1983, 96 с.

Кокышев Л. Мен слерди сүүгем. Ўлгерлер ле поэмалар. Горно-Алтайск, 1983, 392 с.

Кондаков Г. Духовное согласие: Русско-алтайские литературные взаимосвязи советского периода. Горно-Алтайск, 1983, 200 с.

Маскина Ж. Туулардынг тымыгында. Куучындар. Горно-Алтайск, 1983, 132 с.

Тёлөсsov K. Кызыл толкулар. Ўлгерлер. Горно-Алтайск, 1983, 100 с.

Тепуков К. Сапыш бистинг нököрис. Ўлгерлер ле куучындар. Горно-Алтайск, 1983, 32 с.

Укачин Б. Сүүштинг кайкал-кучкаажы. Ўлгерлер. Горно-Алтайск, 1983, 160 с.

Шинжин Т. Кырлык суулардынг кожондоры. Повестьтер. Горно-Алтайск, 1983, 182 с.

КӨЧҮРГЕН БИЧИКТЕР

Пушкин А. С. Салтан каан керегинде чёрчёк (Алтай тилге А. Адarov көчүрген). Горно-Алтайск, 1983, 40 с.

Фадеев А. Согулта. Роман (Алтай тилге П. Самык кочурген).
Горно-Алтайск, 1983, 176 с.

Шолохов М. Донның куучындары (Алтай тилге Ж. Каинчин
кочурген). Горно-Алтайск, 1983, 107 с.

Л. Баштыкова

ЖАЙГЫ ТҮН

Состори К. Төлөсөвтинг

Музыказы А. Тозыяковтын

Коёркимле базайын,
Көмүп ле салзанг, кара түн.
Яраш туйук ёрине
Жажырып ла салзанг, жайгы түн.

Булуттар шуузын тудала,
Базырып салдың бажымды.

Баргаа-ölönг јыдыла
Эзирип ле салдың бойымды.
Тынар-тынбас бараадым.
Тымык-тымык жайгы түн.
Кап ла кара ѡолынга
Кайылып калдым, кайран түн.

БАЖАЛЫКТАР

Н. Модоров. Интернационализмге ле патриотизмге тазыктырарының сұрақтары. Н. Тодошев көчүрген 3

ЈАНГЫ ЧҮМДЕМЕЛДЕРДЕН

Б. Укачин. Таңмалар ла имдер (қыскачак күучындар)
Б. Кудирмеков. Тууларда чыкканыс, тууларга жанарыс 33

КОЧУРИШТЕР

М. Дервиш, М. Бисису. Израильдин танкизине бичиген письмо. Т. Садалова көчүрген	44
И. Такубоку. Бешжолдық ўлтэрлөр. Б. Бедюров көчүрген	45
К. Кулнис. Соолгон суалғыштың күнуги. Т. Садалова көчүрген	47
Д. Кугульгинов. «Бойының туулган күнин...» Т. Садалова көчүрген	
М. Гекки. «Сен Поззияны сүүген...», «Јанғазеттер», «Јаңмыр јолло тадырадат...», «От-калапка жалады...», «Јер ле тегерининг уулы эдим...», «Оңжүк ле жылу түштүктүнгү түнинде...». «Ээн калган эл журт ўстине...». Ш. Шатинов көчүрген	48
Г. Кондаков. Автосүр. Қызыл экирде алкыжым. Онын журкаташында туулар тыңылайт. Солундар сондойт. Ш. Шатинов көчүрген	52
Лопе де Вега. Сүмелү қыстың сүүжи. П. Самыйл көчүрген	54
В. Шукшин. Бөрүлдер. І. Каинчин көчүрген	66

БЕШШЫЛДЫҚТЫН ОЗОЧЫЛДАРЫ

А. Чамаев. Койчылардың төртинчи ўйези	73
У. Садыков. Салымду уй саачы	75
В. Тоенов. Солоны	80

УЛУ ЖЕҢҮНИНГ 40 ЫЛДЫГЫНА УЧУРЛАЙ

С. Пахаев. Алтай кижиның кызы болгон. Н. Тодошев көчүрген	85
Г. Калкин. Јүрүмнинг ырызы. Олгөндөрдин тоозында	90
Ә. Яимов. Шырkalар сыйстажып та тураза	95

БИСТИНГ ЮБИЛЯРЛАРЫС

К. Төлөсов. Баатырлардың салымы	99
К. Козлов. Јүрүмнинг ажузында. Т. Торбоков көчүрген	104
А. Демченко. Ару уйат (куучын). У. Садыков көчүрген	106

СТАТЬЯЛАР

П. Адаров. Йол-жорык. Саналар. Шүүлтөлөр	112
Л. Баштыкова. Библиография	122
Жайы түн (кожон). Состори К. Төлөсовтың, күүзи А. Тозыяковтың	127

55 акча